



# الليلة المسحورة

مريم محمد

# صفة سطرها القدر

مرمر محمد

رواية

الكتاب: صدفة سطحها القدر

تأليف: مرمر محمد

النوعية: رواية

صدر عن كتوباتي: 2024م

التنسيق والتصميم: مكتبة كتوباتي

النشر الإلكتروني: مكتبة كتوباتي

[support@kotobati.com](mailto:support@kotobati.com)

[www.kotobati.com](http://www.kotobati.com)

كل الأفكار المذكورة في الكتاب لا تعبّر عن مكتبة كتوباتي.

وكل الحقوق محفوظة لدى المؤلف.

أهداء من القلب لكل من تيسير إبراهيم...

عائشة زكرياء...

رفيدة عبد النبي...

وَجْمِيعِ صَدِيقَاتِي... وَلَلأَبْطَالِ

أحياناً تخلق لنا الصدف مجرى حياة

\*\*\*

في واحد من أحياء الخرطوم الجميلة في وردتين جميلتين، كل واحدة عبيرها أجمل من الثانية، وردتين بألوان مختلفة عاشوا في البيئة ذاتها لكن جذر كل واحدة كان مختلف؛ آمنة وايمان صحبات مما هم صغار وقربيات من بعض شديد، لدرجة إنه أحلامهم شبيهة لبعض؛ آمنة هادئة في طبعها وطيبة، حساسة، رقيقة ومسالمة شديد ما بتحب المشاكل نهائياً، عكس إيمان الفي وقت الجد ما بتتحمل الهطار، وفي الوقت ذاته ما بتحب تظهر عواطفها قدام المجتمع ومن وجهة نظرها بتشوف دا ضعف لا غير، كمان بتحب آمنة صحبتها شديد وما بترضى فيها لأي سبب من الأسباب، والاتنين خريجات هندسة معمار وفي نفس العمر؛ أي ثلاثة وعشرين خريفاً وشغالين في المكتب ذاته؛ قدراهم مما هم صغار يكونو مع بعض هم الاتنين وبباقي شلتهم حتى اجتازو كل المقاعد الدراسية بروح واحدة في جسدين، والبشوفهم يقول أخوات ما شاء الله عليهم بالرغم من إنهم الاتنين وحيدات أمهاهاتهم؛ والأحل

من كدا إنهم حيران وساكنين قريب لبعض بس فاصلهم شارع. في صباح يوم  
من أيام الشتاء البارد آمنة بتتصل بصحتها وبترد ليها الأختيرة بصوت ناعس:  
يا هلا وعليكم السلام.

- لا حول ولا قوة إلا بالله ما تقولي لي للان ما صحيتي؟ نسيت مشوارنا حق  
الليلة؟

- قلت أغمض شوية بعد صليت الفجر، آخ ما نسيت بس تعبانة والله، أمس  
كنت مساهرة في الارشcad عshan أزبط باقي المشروع

- طيب اصحي بعد دا مفروض نمشي المكتب نسلم المشروع الساهر بيـك  
دا، عshan تعينا حق الأيام المضت ما يضيع ساي.

- أكيد طبعا، بس والله نعسانة، ياخ ما تجي طيب شيلي اللا بتوب أو الفلاش  
بس وسلميه لينا إنت.

- إيمان أخير ليك قومي أنا لو جيتك برش فيك موية.

- تعالىي عليك الله على الأقل ذاتو أقدر أفتح عيوني.

آمنة بتضحك وبترد ليها: هبلة جاية عليك أنا أصلا، ما تنسى حلمنا ياخ، إنه  
نحنا نبني شركة خاصة بینا و إذا قضيتها نوم ما حتحقق شيء.

الوقت دا إيمان نامت وآمنة كانت بتتكلم، لحدى ما وصلت البيت وفتحت ليها الخالة تماضر\_ أم صحبتها\_ وقالت ليها صحبتك دي نaimة لكن آمنة غالطتها وكلمتها إنها بتتكلم معها، ولمن دخلت عليها لقت نaimة فعلًا كبت الموية\_ الجابوها ليها عشان تروي بيها ريقها التعب من كترة الكلام\_ في إيمان الصحت مهلوعة وقالت: في شنو؟ الحصول شنو؟

-فتح عينك يا باشا نسيت إنو نحننا ورانا مواضيع مفروض ننجزها.

-دا أنت يا عباس، هلعتيني وصلتي كيف ومتين بالسرعة دي؟

-غريبة إنت قايلاني جاية من الواق الواق؟ ما ياهو البيت القريب دا، يلا يا باشمهندسة إنت نمتني بما فيه الكفاية يلا بسرعة اتحركي انجزي عشان ما نتأخر.

في الشارع وهم واقفين للمواصلات وال الساعة ما شة على تسعه صباحاً، آمنة كانت متواترة من ضياع الزمن قالت وهي بتعاين في ساعه يدها: إيمان نحننا حنتأخر ودا كله بسبب نومك.

-ما تلوميني يا جميل، اتذكري كل تأخيرة لخيرها، أسوأ شيء ممكن يحصل شنو؟ فلنفرض إنه طردونا آها وي يعني شنو؟ ما مشكلة بنلقى شغل أحسن منه! أصل الشغل هناك ممل شديد.

آمنة بترد ليها وهي ضاحكة: ما عاجبني فيك إلا إيمانك دا، صحى إيمان  
اسم على مسمى.

إيمان بغمزة: بس إيماني؟

آمنة: خلاص كُلّك على بعضكِ كدا.

إيمان بابتسمة ماكرة: بتتغزلي فيني كدا التقول عندكِ أخو لي.

آمنة وهي ضاحكة: هو إنتِ لاقية يا شيخة؟

إيمان وهي بتتلفت عليها: هو ي يا عباس أنا صفي طويل بس...

قاطعتها آمنة: بس ما قادرة اختار مش؟ حفظنا المقطوعة دي يا ستي، وقفي  
لينا الحافلة دي نركب الليلة عمك المدير بطردنا جد كدا.

وقفت لهم المواصلات وركبوا وكان وراغم في أحمد وأسامه أصحاب ضباط  
ملازمين أوائل الاتنين دفعة وأصحاب مما دخلوا كلية الجيش لحدى ما  
اتخرجوا مع بعض الاتنين في عمر الست وعشرين شتاء، ولأنه الترحيل  
الليلة اتعطل اضطروا يركبوا المواصلات وهم لا يسيئون لبس مدنى، أحمد كان  
لابس تيشرت زيتى وبنطلون بيج وأسامه الكان لابس قيمص مخطط  
بالأحمر والأسود وبنطلون أسود اتلفت لصاحبه وقال ليه: الليلة طبعاً المدير  
جي عمل لينا مشاكل وبرنامج وقومة وقعدة انسى بس!

-أنت يا أسامي شكلك لسه متأثر بالكلية ولمن كنا طلبة حربين ونتأخر من المحاضرات ونقيف برا! وحلقة شعر وما أدراك، يا مان نحنا بقينا باشمهندسين.

-بس يا أبو حميد ما تنسى إنه دي مسئولية ولازم نأدتها أنت نسيت القسم يوم التخرج ولا شنو؟

-يوم التخرج كله ما ناسيه لمن أنسى القسم ياخ، فعلًا أمانة لو نحنا قصرنا قاصدين بس أسي ما بيذنا ربنا شاء إنه الترحيل يتعطل ولخير يا صحيبي.  
في الحافلة ذاتها وكالعادة آمنة وايمان يتصارعواا الحيدفع قبل الثاني منو وكل مرة بتفقوا تحت بس يركبوا أي واحدة عايزة تدفع قبل الثانية حتى الكمساري زهج وهو واقف منتظرهم فانفعل فيهم: يا بنات أدونا حقنا ياخ ما تقلوها معانا!

آمنة: حاضر.. اصبر، -وبتتلفت تتم كلامها - مع إيمان عليك الله لمي قروشك علىكِ، أمس مش دفعتي خلاص!

الكماري وهو خلاص على من الغضب: حركات البنات دي أنا عارفها إنتو عايزيين تعملوا كدا لحدى ما تنزلوا وما في واحدة فيكم تدفع.

إيمان اتصدمت من كلامه: الله! قصدك شنو يا معلم؟ ما دام نحنا حندبك  
حقك ما تتكلم ساي وتعمل لينا حركات واعرف ما نحنا النوع البيركب  
بالمجان، بعدين أنت شايلنا فوق رأسك؟ ما يابها العربية المكسرة دي؟  
-يا بتنا بطلي كلام ورغبي وأيينا حقنا، حتى لو حديدة أحمدي الله إنها شالتك  
وإنتِ أسي راكبة فيها.

إيمان وهي بتمد ليهو في القروش: هاك وأتكلم معانا بذوق لو بتعرف الذوق.  
آمنة همست ليها وضاحت: إنتِ خليتي فيها ذوق.  
الكمساري رفع ليها أصبعه: بتكلم براحتي يا أستاذة وما في زول هنا ولـي  
علي.

يلا آمنة بقت تهدئ في إيمان: خلاص خليه اسكنتي الناس كلهم بعاينوالينا.  
إيمان ابتسمت ليه بكل بهدوء وردت ليه: باشمھندس لو سمحت ما أستاذة  
ثم أنت مفروض تكون مثال للأدب والأخلاق، وأصعبك نزلو عشان ما  
يتكسر.

-يتكسر؟ إنتِ ما بتعرفي نفسك بتتكلمي مع منو؟  
لمن النقاش اشتدَّ أحمد اتدخل ورفع يده: مالك يا شاب خلي بنات الناس في  
حالهم مش حقك وصلك؟

الكماري: يا معلم في زول سألك أنت؟

أحمد: ما منتظر إنك تسألني، فيا عمنا اهداً وما تخليك بلطجي خلاص تاني  
أمسك قروشك وأسكت.

الكماري سكت وقبل قدامه، وأمنة ختت يدينها في بعض: يا سلام لسه  
السودان بخير بعد ننزل لازم نشكر الشاب الساعدنا دا.

إيمان ضحكت وردت لصحبتها: ساعد روحه يا آمنة، نشكره في شنو؟ يمكن  
دایر يلفتلينا الانتباہ بس.

آمنة: أحسني الظن بالناس، الله أعلم الكماري دا كان ممكن يعمل شنو  
ما شفيته شماسي كيف؟

-ما جادة حيعمل شنو يعني؟ خليلك واقعية شوية نحنا في دولة عندها قانون.

-إيمان، القانون لا يحمي المغفلين، المهم أحسني الظن طيب.

إيمان قبلت على الشباك وردت ليها: خلاص أحسنت، بس الزمن لو في  
حسن ظن ما كان الكماري دا عمل لينا كدا، وبالمناسبة السعيدة ما  
حنشر زول انزلي يلا وصلنا آخر محطة.

لمن أسامة نزل آمنة كانت نازلة وراه فرجع أسامة في رجلها من غير قصد  
وآمنة صرخت وايمان وهي لسه زهجانة من الكماري وبقت تكورك في

أُسامَة: يا أَسْتَاذَ أَنْتَ أَعْمَى؟ مَا بِتَشْوُف؟ دِي شَنُوا الْأَشْكَالَ الْبَنْشُوفَهَا دِي  
مِنَ الصِّبَاحِ دَا يَا لَطِيفَ!

آمنَة بابتسامة وهي بتجر في إيمان بعيد منه: ما مشكلة حصل خير، وشكرا  
لأنه صاحبك سكت لينا الكمساري الليئم دا، وعاينت لإيمان وقالت ليها:  
بت إيمان مالك مع ود الناس هو اعتذر.

إيمان وهي بتنفضم في عبایتها: أعمل شنو ياخ، اليوم دا شكلو ما حيعدي  
على خير.

أحمد كان بعيد من أُسامَة: مالها البت دِي مِعَاكَ؟

أُسامَة وهو بقش دموعه من الضحك: دِي يَاها ذَاتَا الشَاكِلَتِ الْكَمْسَارِيِّ قَبْلِ  
شُوَيْة بس طلعت بس في رجل صحبتها من غير قصد واعتذر لها وهي  
بقت تكورك فيني بس صحبتها طيبة وحنينة عكسها تماماً.

أحمد مندهش: تكورك فيك كيف وأنت اعتذر؟ والله حرية لكن البت  
دي..

\*\*\*

في المكتب اللي شغالين فيه المهندسين وهم داخلين ليه اتضطر و يتسبحو  
ويدخلو متسللين عشان ما يلاقاهم المدير، لكن خاب ظنهم ولاقاهم وهو  
زهجان من الصباح: يا سلام عليكم الاثنين متاخرين، مش أمس وصيتكم  
على شغل مهم جداً، ومفروض تسلموه بدرى وينو؟

بترد ليه آمنة: نحنا آسفين يا باشمهندس بس المواصلات أخترنا.

- أسي أنجزتوه ولا لا؟!

إيمان بتمد ليه الفلاش: أكيد دا كلامك وانتهينا منه.

المدير هدا وبابتسامة: ممتاز، الليلة أصلاً كنا حننلكم لمكتب تاني لأنّي  
شغلكم ما شاء الله ماشي في تحسن بالرغم من إنكم اتاخرتو الليلة، ودي  
بعترها نقطة عليكم ما ليكم، بس في مكتبكم الجديد ما تتأخروا لأنّه هناك  
الناس كلها منضبطة.

ال الاثنين بصدمة: تنقلنا؟!

- ايواه نعم، حاوديكم لشركة تانية باعتبارها شريك لينا لكن هي أكبر دا غير  
إنها حكومية أكثر ونحنا طبعاً جزو خاص زي ما عارفين، والأهم هناك في  
المدير المسئول عنكم لواء في الجيش وهو ملتزم المواعيد وبحب  
المسئولة، والمهندسين المعاه ما شاء الله عليهم وأنا واثق منكم، بس

خلوكم قراب منه لأنه حاوسيه عليكم توصية شخصية، أدوني اسي ربع  
ساعة وحتلقوا خطابكم جهز عشان تمشاوبيه.

آمنة مصدومة: ربع ساعة؟ وعاينت لايمان، شكلو مشوارنا حق الليلة  
جيضيع يا مفروض نمشي السوق عشان الفساتين.

-آمنة دا جادي داير ينقلنا أصلو ما بصدق جات من الله كدا يا ما أنت كريم  
يا رب الحمد لله.

-ركزي معاي العرس، العرس.

-عرس منو؟

-إيمان يا بت قولي بسم الله إنتِ اندمجتي شديد مع النقل، عرس شذى.

-آها عرس شذى، ما مصدقة أخيراً بعد سنتين حيحولنا من المكان دا يلا أنا  
ماشة ألم حاجاتي، ممكنا نمشي بكرة أو بعدين بالمساء كلمي مؤيد أخوك  
بالعربية.

-إنتِ جادة؟ مؤيد منو اليسوقنا هو لو بسوقنا كان الليلة اتشحططنا  
بالمواصلات؟

-خليها علي هو خطيببي، والله أخوك دا ظريف بس إنتِ ما عارفاه.

-إنتِ بتعرفي أخوي أكثر مني؟

-يا ريت لو كان مؤيد دا حقيقي ما كنت خليتو والله وكان عرسته وقعدت  
ليكم في بيتكم.

-يخصي عليك ياخ ما تذكريني إنه ما حقيقي وإنه نحنا بنتوهم وبعدين الفتح  
الموضوع دا منو اسي؟ مش إنتِ؟

-آي، عشان نتم أحلامنا أنا بقول ليك بنقلونا وإنـتـ بتقولـي لي برنامج العرس  
أسي؟

بعد شوية المدير جاء طالع من مكتبه وسلم الخطاب لـإيمان وكلمهم إنه يدوه  
للمدير مباشر من غير ما يمرروا على الموارد البشرية وهو ح يقوم بالواجب.  
إيمان بترد ليها وهي بتستلم المظروف منه: جراك الله خير يا باشا، حنمشي  
أسي نسلم الخطاب، يلا في أمان الله، وشكراً ليك على حاجة قدمتهالينا!  
المدير: العفو دا الواجب وستاتهلو أعلى المراتب، يلا زورنا كل مرة ما  
تنسونا.

بترد ليه آمنة: حاضري يا باشا وشكراً ليك كمان.

وايمان بتمسك يد صحبتها و بتقول للمدير: تمام يا باشمهدنس، يلا أرح  
بسرعة عشان نتم مشوارنا على قولك.

-طيب أرح، يا الله تتم لينا اليوم دا على خير.

- إن شاء الله على الأقل أتحسن شوية من معكاسات الصباح.

مشوا الشركة وما كانت بعيدة منهم سلموا الخطاب للواء رحب بيهم وشاف السيرة الذاتية حقتهم، وأصلاً مديرهم السابق اتصل ليه وعجبه شغلهم، وزعهم في قسم التصميم؛ الشركة كانت كبيرة ومقسمة لأقسام في قسم التصميم المعماري والمدني دا واحد وفي قسم المواصفات التقديرات، في قسم تحليل البيانات غير قسم المالية وشئون العاملين التابعة للموارد البشرية وآخر قسم الأرشيف، آمنة لمن شافت المكان اتلفت لصحتها وقالت ليها: إيمان يا ترى حنشتغل بربانا ولاً مع فريق ولو اشتغلنا مع فريق حيكونو طيبين ولاً أشرار، أنا متوتة ياخ.

- أمنة، حسستيني إنك أول مرة تشتغلي استهدي بالله كدي المهم أسي حنشوف، واتفاقائي خير، وبعدين دا شنو جو سبيستون دا أخيار وأشرار.

- إيمان بطلني ياخ.

المهندسين لمن وصلوا شعبة (قسم) التصميم أول ما فتحوا الباب لقوا الناس كلهم شغالين والمفاجأة إنه أحمد وأسامه كانوا هناك.

آمنة بعد ما شافت أسامة لكرزت إيمان: مش ديل القبيل لقيناهم في الشارع.  
إيمان: ما بتذكر، الله أعلم يكونوا هم.

إيمان بعدها ركزت نظرها في الشخصيات: ياهم ذاتهم القبيل قلت ليك الله  
يعدى اليوم داعلى خير، وملحظة معاي إني شاكلت ضابط شوفي نجومه،  
بس يلا ما علينا النشوف شغلنا كدي.

-ش.. شنو؟ إنتِ مرتيبة ولا شنو مش قلنا نسلم ونطلع وبعدين شغل شنو  
إنتِ أسي اتعرفتي على الناس لمن تبدي تشتغلني؟ مجنونة دي!  
ومالو أسي نتعرف عليهم كلهم.

صقت بيدها الاتنين ولفتت الانتباه وبدأت تتكلم: السلام عليكم يا باشمهندسين أنا أختكم الباش مهندسة إيمان محمد ودي أختي وزميلتي البашمهندسة آمنة ابراهيم وحنشتغل معاكم من الليلة إن شاء الله جاينكم من "شركة نون للاستشارات الهندسية" هندسة معمار، نتمنى إنه تكون خفيتين الظل عليكم إن شاء الله.

الناس كلهم وقفوا شغفهم وانتبهوا معها فجاءة أَحْمَد لِأَسَامِةً: الصوت دا سمعته وين قبل كدا؟ مش دي البت الحربية القبيل ذاتا ولا شبه بس يا أَسَامِةً؟!

-آي يaha ذاتا يا أبو حميد بس بطل تقول عليها حربية عشان ما تعمل لينا مشككلة معها.

ردد ليها باشمهندس فاطمة: يا هلا بيكم نورتو يا باشمهندسات في بيتكم  
الجديد وإن شاء الله المكتب يرحب بيكم، وممكن أكيد، أنا فاطمة حمد  
مسئولة المكتب هنا ونائي مباشرة باشمهندس أحمد وعندي باقي  
المهندسين أسامة، فيصل، منير، نبراس، زينب، سامية واستبرق ديل كلهم  
هندسة مدنية ومعمار، قلت مدنية أول لأنو الأغلبية مدنية طبعاً، افضلوا  
طوالى على مقاعدكم، ووصفت لهم على كرسين قدامها جهازين كميوبوت  
بما إنهم معمارين، وكانت جنبهم باش مهندس سامية وباشمهندس نبراس.  
إيمان مشت أول باتجاه فاطمة وسلمت عليها في يدها: تسلمي شديد يا  
بشمندسة وتسلموا كلكم وسعيدة جداً إني حأشتغل معاكم هنا، وللي الشرف  
إني أتعرفت عليكم وأتمنى نتعرف أكثر بإذن الله.

أسامة: شرف الله مقدارك يا شمهندسة إيمان.

إيمان طبعاً ما قادرة تعain لأسامة؛ لأنها الصباح كوركت فيه ردد ليه وهي  
بتتعain في المكتب: تسلم يا باشا.

بعدها اتجهوا على مقاعدهم، ورتبو حاجاتهم وقعدوا.

- إيمان، آها رائى شنو نطلع بعد دا؟!

- مصرة؟ طيب يلا ارح، نستأذن بس ونمشي.

أحمد شافهم طالعين مشى عليهم: مش بدرى، لازم تعرفوا شغلكم شنو أول؟  
آمنة: معلىش والله نحنا ما كنا خاتين إنه ينقولونا أصلاً اليوم وجينا نسلم  
خطاب بس وطالعين طوالى يعني ما كنا متوقعين إنه يكون في شغل من  
الأساس.

أحمد: خير افضلوا، بس المهندس مفروض يكون مستعد للمشاكل في أي  
لحظة.

إيمان لنفسها: "امسكي نفسك يا إيمان، ما تنفعلي، يا ربى أسي دا جاءنا  
من وين؟ أي لحظة في عينه البت بتقول ليه في شنو وهو بقول في شنو"  
وبعد ما طلعوا...

-آمنة، إنتِ ما بتعرفي تسفيهي زول؟ دا داير ليه موضوع معانا بس أو داير  
يذكرنا موقف الصباح.

-أنا مش قلت ليك أحستني الظن.

-أوبس، آنستي الطيبة، أرج بسرعة طيب لأنه لازم أرجع البيت بدرى عshan  
أنوم، عارفة برنامج سهرى الأمس.  
بعدما طلعوا ومشو السوق.

إيمان وقفت وبقت تأخذ في نفس: هو ي ما تلفي بي كتير أول دكان اشتري منه براي تعبانة والله.

-أهم شيء الموضة.

-موضة شنو يا بتي اشتري أول عباية ياخ، إن شاء الله شوال خيش، أي شيء فيك حلو.

آمنة بصدمة: عباية؟!

إيمان مصدومة برضو: عباية؟! قصدي فستان طبعا.

آمنة ضحكت وردت ليها: عرفت قصدي يلا أرج نشوف دكان تاني.

ردت ليها إيمان وهي بتاخذ في نفسها بعد تعب: قصدي العاشر يا آمنة.

بعد ساعتين من اللف في السوق أخيرا اشتروا فساتين، آمنة كان لسه بالها طويلا وإنها تلف تاني.

-آمنة أنا ماشة البيت يختي، ما بقدر تاني والله، تعبت ماشة أتم نومي وكان متا اعفي لي وبكرة إذا قدرت أمشي الشغل خير وبركة، يلا تمي لفك في السوق إنت وبعد تنتهي كلميني اتصل لمؤيد يجييك.

-عافية ليك يا زولة وبعد عمر طويلا إن شاء الله، خلاص خير يلا امشي طيب.

طیب فی آمان اللہ۔

آمنة بدت تلف في السوق وفكت تشترى إسورة وساعة لـإيمان هدية وتديها  
ليها يوم العرس، وعدّ إسبوع من الشغل، وفي أول يوم خميس ليهم اتصلت  
آمنة على إيمان..

اللّوّا يَمُو صَبَاحُو.

وصلها صوت إيمان وهي مبسوطة ونشيطة: يا هلا بالغلا، وعليكم السلام حبيبي.

-يا سلام على النشاط ما شاء الله.

-خمسة وخميسة نمت كتيبير والله ما شاء الله ما أسرح نفسي بس.

-بس أنا برضو قلت ما شاء الله، فبقيت تلقي وقت تنومي مما اتنقلنا الشغل الجديد.

إيمان بضحك وردت ليها: صَحْ وَاللَّهُ، كَدِي اطْلُعِي لَيْ بَرَا أَنَا جَائِيَةٌ عَلَيْكَ.  
-بَعْرَ بَيْتِكَ؟

-آي أكيد، عربتي كداري، يا الله عربات، إن شاء الله عربية واحدة نسوقها  
الاثنين يارب، يارب.

-إِن شاء اللَّهُ يَا سْتِي.

اتلقوا ومشوا الشغل وهناك بدوا الشغل وكان الشباب عندهم مكتب منفصل عن البناء مع إنهم كلهم في مكتب واحد بس فاصلهم حيطة وباب ألمونيوم، في مكتب الشباب كان أسامة وفيصل وأحمد بيتكلموا عن ما زن أصحابهم عرسه قرب...

أسامة: آها يا أبو حميد مفروض نحنا نعمل لمة لما زن قبل وبعد العرس.  
أحمد ضحك ورد ليه: قبل وبعد العرس لشنو هي حملة دعاية قبل وبعد،  
أحلى لو عملتوها واحدة ويا ريت تكون قبل.  
ليه؟!

-عشان ما نمسخ عليه طبعا، وكمان يكون مضغوط ذاتو نحنا والواجب  
نخفف عليه.

-يا سلام عليك أنت، شكلك قبل كدا عرست.

-ظريف شديد أنت.

-خلاص خير يا باشا نكلمهم بعدين في القروب إن شاء الله.  
فيصل رد ليه: والله يا شباب إنتو شايلين هم العرس، أكثر من العريس ذاتو  
لكن أنا مع كلام أحمد ممكن لمة واحدة بس ونتفق عليها قبل كم يوم إن شاء  
الله، وشكلها حتى تكون بعد العرس لأنو العرس بكرة.

أُسامَة: ما هي لو قبل أصلًا ح تكون الليلة بالمساء!  
أَحْمَد: فعلاً و إِحْتِمَال يكُون ما فاضي لينا الليلة، يلا ذاتو الدوام قرب ينتهي،  
نطلع و نشوف الموضوع دا.

\*\*\*

أَحْمَد طلع مشى المكتب الثاني وقال ليهم: يلا يا هندسات فضل نص ساعة  
والدوام ينتهي، الليلة الخميس نسيتو، أَنْجُزو سريع سريع...  
إِيمَان: نص ساعة بس واو حظنا.

آمنة ختت يدها في حنكها وقالت: الليلة الخميس؟ نسينا؟! ما فهمت شيء؟  
إِيمَان ردت: يا بت ما علينا نسيينا، اتذكروا أصلًا دا أول لينا الخميس هنا، يمكن  
عندهم برنامج، وما ضروري نعرف في شنو، قفلني جهازك خلينا نمشي بسرعة  
نحصل البنات ديل، كفاية الفعاليات الفاتتنا الأيام المضت كلها.  
أَحْمَد شاف إِيمَان بتقفل في جهازها مشى عليها: أنا قلت نص ساعة وينتهي  
ما قلت انتهى، فيا ريت تفتحي جهازك وتمي شغلك، لو عندك شغل أصلًا  
يا باشمهدسة.

إيمان وهي بترفع في حاجبها وبترد ليه: لو عندي شغل أصلًا؟ قصدك شنو يا باشمهندس؟ بعدين أنت قلت الخميس نسيتو معناهו عندكم حاجة وما معروف احتمال تكون في قبلة هنا الله أعلم.

أحمد عايز يضحك بس كتمها ومثل فيها مصدور: قبلة في مؤسسة حكومية حتجي من وين لو سألتك؟ يلا بسرعة واصلني شغلك لسه أسبوع ما كملتية وعايز تطلع بدرى.

إيمان خلاص اتفاذه وقالت وهي بتلف حول نفسها: " كالعادة امسكي نفسك يا إيمو اهدئ، إنت في مكان محترم لكن الغياظ دا صبرًا ليه" آمنة بعث ثبتت صحبتها في حته واحدة عاينت لأحمد: معليش يا باشمهندس بس ممكن توضح لينا قصدك من الخميس؟

أحمد: حاضر يا هندسة، الخميس دا عندنا يوم إداري أكثر مما هو عملي، فبنطلع فيه من السـ12:00ـ1:00 ظهرًا.

إيمان: أوه ما دام من الساعة 12 ظهرًا وأصلًا دوامنا بيبدأ 8:00 صباحًا معناه ممكن من البيت ما نجي.

أحمد: الصراحة إنت شكلك متسيبة شديد يا هندسة، والسؤال المهم كيف وظفوك هنا؟

إيمان بتحاول تصلح في كل منها: لالا، ما كدا أنا حاقد للساعة خمسة إن شاء الله إلا التسيب حمانا الله و إياكم.

أحمد ابتسم: طيب يلا واصلني شغلك عن إذنكم.

-تعرفي يا آمنة، أحمدا واحد غياظ ومفترى بالمناسبة وشاييف روحه والله، لكن أنا حادقو ليهم يوم هنا واتشاكل معاهو لكن متين؟ الله أعلم، أديني شهر، شهرين، والعين بالعين والسن بالسن والبادي أظلم.

-إيمان، إنتِ مجنونة والله، وبعدين كلامه صح واسمي الباشمهندس أحمد ما أحمد ساي.

-طيب الباشمهندس أحمد وردت في نفسها "لازم امشيها وإلا حتدينني محاضرة طويلة وما حتسكت لي، قال باش مهندس قال" أحمد جاء لأسامه وهو بيضحك...

-خبير مبسوط مالك ضحكتي معاك؟

-ما شفت البت الحربية يا أسامه، كان بتقفل في جهازها وعايزه تمشي من اسي، احم احم استخدمت سلطتي الإدراية وكنت منتظر لحظة تكورك فيني وتطلع جانبها الحربي داك بس سكتت.

-أنت ما جادي ولا شنو يا أبو حميد، شكلك بتفتش ليك في شكلة بس.

أحمد رد ليه وهو ما قادر يقيف من الضحك: لالا، حمانا الله وياكم، بس  
ظاهر عليها متسيبة وما بتحب الشغل والغريبة إنه المدير معترف بشطارتها.  
- جبتها من وين الجملة دي؟ بس ما تقول لي منها؟! يا زول مدinya ما بعين  
ناس ساي و إنت عارف أكيد المهندسة دي مميزة.

أحمد هز ليه رأسه بإشارة نعم وقال ليه: كلامك صح، بس حنشوف مع الأيام،  
المهم أرج نطلع بعد دا، واستغفر الله لي ولها.  
- لسه فضل نص ساعة عشان نطلع.

- ايواه يا أبو آمانة أنت، ما هو شغلنا انتهى! قفل وبدل ملابسك سريع أرج  
نلحق الشباب ديل، نسيت بكرة العرس ولازم نقيف مع الشاب دا.  
إيمان مشت للمهندسات وسألتهم كم سؤال عن الشغل القديم، وكانت عندها  
خرطة بدت تشتعل فيها وقفت ليها كم حاجة خاصة في مجال الهندسة  
المدنية، مشت لفاطمة وفاطمة وجهتها لأحمد، ضربت الباب أسماء فتح  
ليها الباب: يا باشمهندسة إيمان اتفضلي .

إيمان شافت أحمد وكان مبدل ملابس الجيش وداير يطلع خلاص عاينت  
لساعتها: فضل تلت ساعة على ما اعتقاد!

-آها وبعداك؟ أنا شخصياً شغلي انتهي، فاختصرني الموضوع وقولي دائرة  
شنو خير؟

"-متخلف مفترى بعداك أقع اتكسر" عندي سؤال عايزه أعدل في الخرطة  
دي بس العمود حيتتصم معاي هنا، هل حيأثر إنسائياً لو عملتو كدا  
معمارياً؟! دا غير إنه الباشمهندس فاطمة قالت لي لو احتجتي لأي تقرير  
حالقا هو عندك، فيا باشا عايزه التقرير الدوري النصف سنوي الآخر عشان  
أعرف طبيعة شغلكم المعماري والمدني مع بعض

-كويس طيب واحدة واحدة، أول حاجة ممكن تجيبي الـ section كامل  
عشان أشوف الخرطة كلها الإنثائية ذاتها لأنه دي معمارية بس، وثانياً  
التقارير أسي الزمن فات بما حايلق أديك ليها إلا صباح الأحد وراجعيها  
براحتكم كمان.

-طيب خير، المهم صح كلامك، لحظة أجيبها.  
-طيب جيبيها.

أسامة بعد ما إيمان طلعت وقفلت الباب: أحمد أنت مجنون بتتكلم معها  
كدا أسي لو اشتكتك بعدين زي ما قلت إنها حربية خايف عليك والله يا  
صاحب.

أحمد استغرب من ردة فعل صحبه: أنا مدیرها أولًا فما من حقها تسألني، ثانًيا  
هي ما غيبة ولا طفلة عشان تعمل خطوة زي دي.

أَسَامِيَّةٌ: كَلَامٌ لَكُنْ، خَلاصٌ نَحْنَا حَنْتَظُرُكَ بِرَا، أَرْجُ يَا فِيصلٌ.

فيصل وهو فاتح الباب: كلامه صح، والله يا أَمْدَأَنت ما نصيح خالص أَرْجُ  
سَايِّ يا أَسَامِة، أَسَيِّ فتحت ليك برنامج شغل سَايِّ لنفسك.

أحمد: شباب ما تمشو احتمال تلقوا صاحبكم ميت انتظروا اقعدوا معاي،  
واحتمال أحتجاج ليكم.

**فيصل: معمولة الباش مهندس أحمد شخصيا يحتاجلينا؟**

أحمد: وبقي منو الباشمهندس أحمد؟! أقعدوا ساي.

أسامي: طيب أنا حاقد معاك فيصل لو مستعجل ممكن تمشي.

فيصل: خلاص خير نتلاقى بعدين بالمساء إن شاء الله واعفي لي يا أبو حميد عندي شغل كتتيسير والله.

أحمد: خير يا فيصل العفو ولو اتفضل.

إيمان دخلت ومعها الخريطة وكانت كبيرة وأحمد اتهلع وقال لنفسه: "هوي يا أحمد براك جبتها لروحك دي شكلها حتقعدنا لخمسة جد" دا شنو دا يا هندسة؟!

- دي خرطة حنراجعها لحدى ما نصل للقطع المطلوب.
- طيب جيبيها، وأرج عيدي سؤالك تانى.
- بدو الشغل وأسامه وأمنة بقوا يتونسوا لأنه شغل إيمان وأحمد كان كتير والزمن جرا بيهم للظهور بعدها آمنة قاطعتهم: يا شباب الزمن جرا شديد، إيمان مفروض نطلع نحنا.
- طيب يا ستي حاضر، خلاص للاحد إن شاء الله يا باشا أكون خلصت شغلها لأنه وقعت لي والباقي كله حيكون مكرر، وبعد إذنك بس جهز لي التقارير.
- أخيراً خلاص خير يا باشمهندسة، الله يحيينا إن شاء الله وبال توفيق.
- قصدك شنو بأخيراً، أنا لو ما عندي موعد كان قعدت لخمسة.
- والله نقل فيك المكتب بس.
- إيمان عاينت لأحمد وأدتو إشارة إنه يعتذر ليها وأحمد فهمها وقال ليها: طيب أنا بعتذر وأسف إنتِ أبداً ما متسيبة كدا رضيانة؟
- كتير خيرك يا باشمير، واعتبرني شبه رضيت. "ايواه النصر يا إيمان النصر اكسرى غرور الجبان الغياظ دا"
- العفو، بس سؤال ليه بتشتغلني مانوال الواضح إنكِ مبدعة في الجهاز، المانوال دا حقنا نحنا أكتـر منكم؟

- بحاول أتعلم الجانب المدنى برضو عشان ما أحتج لمهندس مدنى لو قررت  
أعمل شغل خاص ويكون مكتمل بإذن الله.
- ايواه، تمام بال توفيق، افضلوا وعن إذنكم كمان.
- آمنة شايلة شنطتها ومدت لإيمان شنطتها وقالت ليها: إيمان، يلا أرح.
- آمنة شفتي كيف كدا الحقاره، اعتذر لي ايواه كدا.
- إنتِ عملتني كدا قاصدة يعني؟
- ما فهمتكِ؟
- كلامي واضح اشتغلتني على الخريطة دي عن قصد.
- إيمان ضحكت باستهتار وردت لها: معقوله صحبتني وما بتفهمني صح،  
والله جات كدا عفوا بس سؤال ليه ما جيتي اشتغلتني معانا.
- ما أظن إنك عزمتني!
- إنتِ ما نصيحة أعزك عشان تستفيدي، هبلة دي.
- آمنة ضحكت لها: خلاص آسفه يا ستي ما كان عندي نفس والله،  
والباشمهدس أسامة ما شاء الله ظريف ومحترم شديد، وونسته راقية.
- إيمان ابتسمت لها بمكر: ايواه يا باشمهدس أسامة أنت.

-بكرة العرس نسيتي لازم نمشي لشذى قبل ما تزعل مننا.

-أرج من محلنا دا أصلًا كلمت ناس البيت أنا، غايتوا لا اتجيئنا زي البنات  
لا شيء الحمد لله بس.

-بس إنتِ أصلك جميلة ما محتاجة لشيء، طيب أرج.

لمن وصلوا بيت شذى لقوا هناك صحباتهم أمل (هندسة مدنية) وريماز وهبة  
(كيمائية) والعروس شذى (كهربائية) وبقوا يرتبوا معاهن حاجات بسيطة  
كانت عايزه ترتيب، ويتونسو ويمشو بيبيتو مع شذى اللي في بيت خالتها.  
هبة بتعاين لـإيمان: بنات والله مشتاقين عديل، فاتتكم فعاليات عجيبة قبل  
العرس، وقبيل اتأخرتو مالكم.

إيمان ترد ليها وهي بتخت في أكياس لأمل: واي يجماعة، ما شفتو عندنا  
واحد كدا في الشغل أهل، متختلف ومفترى انسوا بس، برفع لي المراة  
وحيجيب لي المصران قريب.

أمل بتستلم منها الأكياس وبتختهم في تربizza جنبها: اييك ودا مستحمله  
كيف؟ وطبعاً ما وريتكم الصدفة أخوي طلع صاحب العريس.

إيمان مصدومة: أخوك جادة؟! صفة حلوة لكن، تعالى هنا يا خاينة عندك  
أخو غير" أيهم "وما كلمتنيا بيه، ولا العريس قدر أيهم وهو صاحب أيهم  
ذاته؟

أمل وهي ضاحكة: لالا، أخوي الكبير يا إيمان.

آمنة: راحت عليك طبعاً ليه ما خطبك لصحابو أسي كان تكوني إنت العروس.  
أمل: يا بت عيب عليك هو شذى هينة بخته بيها والله، وكمان أنا خاطبة  
روحى لصحابو الثاني، وبعدين هو كان بيقول لي أنا حاجزك لصحابي.  
هبة: خاطبة روحك دي كيف يا بت؟ بس تمام أخوك ما قصر.

إيمان ضحكت وردت لهم: أمولة أنا غايتو شامة ربيحة البورة فيني، فاشنو  
يا صديقتي أخطبى لي أخوك دا ذاتو، وإنْ برضو ما حتقصري!  
أمل كانت جادة شديد: طوالى وأنا القى زيلكِ وين يا إيمو.

شذى: أخوك ضابط ولا لاقى مازن وين؟!

أمل: آي ضابط، حكيت ليكم عنه قبل إنتو نسيتو؟  
شذى: ما بتذكر والله، آها عshan كدا.

إيمان: نحنا عارفين بوجوده أصلاً؟ وكمان شنو؟ أخوك ضابط؟!  
أمل: آي يا مرة أخوي (وغمزت ليها).

إيمان: إنتِ صدقتي يعني؟ أنا بس قاعدة أعيش اللحظة، يلا شفتوا أنا مخطوبة بعد دا يا بنات، ذاته أخليه يتشكل لي مع الغياظ المعانا في الشغل دا.

آمنة: ومؤيد أخوي؟

أمل: لا، أنا جادة معاها والله وحأكلمه كدا كمان، بلا مؤيد بلا أمجد.

إيمان: هوي البت طلعت جادة، يا أمل ما تجني ساي أنا بهظر معاك.

هبة: خلاص اخطبني ليه أنا وقت إيمان رافضة، أو شوفي لينا صحبو الثالث.

ريماز: فارغات وبابيرات غايتوا الله يشفيفكم، ياخ كونو زي آمنه دي أكثر واحدة هادئة فينا.

هبة: كفاية يلا بنات ضحكتنا كتير والله، يلا نومو عشان بكرة لازم نرجع بيت العرس عندنا شغل كتير.

شذى: لازم واحدة فيكم تقدع معاي أو اتنين.

أمل: ممكن أنا ومرة أخوي نقعد معاك.

آمنة: لالا، أنا ما بخلني ليك إيمان.

هبة: أنا حاقعد معاك يا ستي طيب.

أمل: خلاص ما مشكلة.

إيمان: بس شذى ما حكت لينا هي لقت مازن وين؟

شذى: بكرة بحكي ليكم إن شاء الله، أسي نعست والله...

\*\*\*

تاني يوم بالصباح بدو شغل البيت، وشذى حكت ليهم إنه زواجها كان ترشيح من أهلهم وهو قريبها لكن من جهة بعيدة وزي الظهر كدا، والعقد تم الحمد لله، فضل برنامج الصالة، أمل اتصلت على آمنة وطلبت منهم يجوا الكوفير عشان يلحقوا يرسموا في يدينهم ويتربيوا، وفعلاً مشوا، لمن انتهوا جهزوا خلاص، وآمنة أدت إيمان مفاجآتها.

إيمان: أمونة إنتِ حبيبتي والله، وإنْتِ أجمل هدية عندي ربنا يحفظك لي.

آمنة: حاجة بسيطة ياخ، بعدين إنتِ أختي.

هبة: نحنا وين من دا.

إيمان: ما تغلى عليكِ يا هبة، إن شاء الله عندكِ عندي واحدة.

هبة: قلبي إنتِ والله، وهديتك على المرة الجاية.

آمنة من النوع الحنين البتأثر بسرعة وبقت تبكي مع شذى وبباقي البنات  
حسوها عشان ما تخرب ليها المكياج وبعداك اتصوروا ومشوا الصالة  
وهناك في الصالة كان في أحمد وأسامة وفيصل اللي هم أصحاب دفعة  
العرис.

إيمان: يلا يا عروس انبسطي وحتلقينا جنبك.  
شذى: إيمان ما تخلوني براي، تعالوا معاي.

إيمان: إنتِ مجنونة حنقعد وبين مثلاً نقوم العريس وما شاء الله طبعاً مازن  
بالجد راجل ربنا يحفظو ليك ويخليلكم لبعض.

ريماز: كان ما راجل حيكون مرا يعني.  
أمل: ظريفة يا ريماز، بنات تعالوا نرقص.  
إيمان: اعفيني أنا يا أمل.

ريماز: إيمان تعالي ياخ دا عرس صحبتنا وأول لينا صحبة في الشلة تتزوج،  
احتمال واحد من أصحاب العريس ساي يشوفك وتتفكري من بورتك دي.  
إيمان: عاينوا اختوني أنا ما برقص يا بنات، وما بتهبل لأنني ما بعرف تمام؟!  
آمنة حاولت معاها بصوت مسكين: ولا عشان خاطري؟؟  
إيمان: آمنة ما تستعطفيني، ما تخلوني اتهبل قدام الناس ساي.

أمل: خلاص احجزي لينا سفرة نقعد نستريح فيها بعد الرقيص واحجزي لينا العشاء.

إيمان: تمام يا حلو، يلا رقصة سعيدة.

هبة: طيب يا إيمان اسرعي شوفي لينا موقع مناسب نقعد فيه بعدين، وانتو أرحكم للبنت دي قبل ما تجيئنا هي.

إيمان مشت قعدت في السفرة ومنتظرة صحباتها وبقت تتفرج في الناس تشتغل بتلفونها حبة، فجاءة شافت أحمد واقف: "الغياظ المفتري دا الجابه هنا شنو؟ آها هو ضابط برضو بكونوا دفعه أو احتمال من أقارب شذى خلاص خلاص ما أفر كتيير يلا"

آمنة جات تشغل إيمان بعد فاصل غنائي: الجميل سرحان وين؟

-ما حتصدقني شفت منو اسي؟

-آها منو؟

-أحمد.

-أحمد منو؟

-طيب الباش مهندس أحمد.

-معقوله بتفكري فيه للدرجة دي؟

-ب..شنو؟! معلىش بس إنتِ قايلاني بهظر معاك مش شوفي داك منو؟

-باشمهدس أسامه؟ أي والله صحي بس الجابهم شنو؟.

-نسيري إنهم ضباط وراجل شذى ضابط.

-منطق برضو، ما علينا، إن شاء الله ما يشوفونا عشان ما يشغلوهالينا يوم الأحد.

بعدين جاء وقت العشاء واتلموا البنات وقعدو، أمل قالت ليهم حتعرفهم على أخوها بعد العشاء، أو بعد العرس ينتهي.

إيمان ردت ليها: آي بالله راجلي لازم أتعرف عليه، وأكيد ليه الشرف بمعرفتي، بس ليه ما وريتنيا ليهو من زمان، خسارة سنين المعرفة.

أمل: لأنه زمن كنا صغار كان قاعد مع خالي فق البلد، ولمن جاء دخل الجامعة كات طالب حربي وبعيد مننا، بس هو صاحبي ما تخافي.

إيمان: أخاف من شنو جنبي، وزعي ما قلت ليك ليه الشرف إنه حيعرفني وكدا.

هبة: هووي الحيخلص صحنه أول حيقبل على صحن الجنبيه وكدا فاشنو يحلوات اسرعوا وخصوصاً صحن إيمان وأمل ديل عشان بيتكلموا.

إيمان: خلاص خلاص ناكل كدي وبعدين نمشي نشوف راجلي، شكلي جد حافكر فيه أقصد انتو فڪرو فيني.

أمل وهي صاحكة: وسخة مش قبيل كنت بتهظري.

إيمان: قلت أعيش الدور.

ريماز: يلا لو خلصتوا ممكناً نمشي بعد دا.

إيمان: أنا خلصت خلاص أرح يا أمل وريني راجلي.

أمل: حاضر لحظة اتصل عليه، تعالوا معاي برا الصالة عشان الضجة.

اتصلت أمل على أخوها وقالت ليهو تعال برا عشان عايزه تعرفه على صحباتها وطلع أحمد ومعاهو أسامة صحبه وجوا عليهم وسلموا عليهم.

آمنة و إيمان بصوت واحد: أحمد وأسامة؟

أمل: بتعرفوهم؟

أحمد: حق المعرفة.

آمنة: نقلونا نشتغل معاهم.

أمل: ايواه، وما تقولي لي المفترى الغياظ دا احمد؟ لأنه أسامة طيب شديد.

إيمان: أمل بطلي فضيحة يلا أكيد طبعاً أخوكأسامة مش؟

أمل وهي صاحكة: لا أَحمد الغياظ ذاتو.

أحمد: الغياظ دا منو؟!

أسامه: طيب ممكן تورونا الجابكم هنا شنو.

إيمان: نفس الجابكم طبعا، دا عرس صحبتنا.

أمل: طيب يا أحمد أعرفك دي إيمان وآمنة وريماز وهبة وعندك شذى جوا  
ديل صحباتي من الأساس والله، حتى الثانوي والجامعة بالرغم من اختلاف  
المجالات إلا انو صحبتنا للان دائمة، وشيء تاني، نحنا خطبناك لإيمان.

أحمد بصدمة: إيمان؟!

إيمان: معيش دي ونستة بنات يا باشمهندس ما تاخذ في بالك، بعدين يا أمل  
لكل مقام مقال، أنا لو كنت عارفة دا أخوك ما كنا حنتونس فيه أصلًا.

أمل: معيش يا أبو حميد كنا بنهظر فعلًا.

أحمد: طيب اتشرفت بمعرفتكم عن إذنكم.

أمل: لا انتظر عرفهم بصحبك!

أحمد: معيش ما أخذت بالي، اعفي لي يا أسامه، أسامه صحي وأخوي  
شديد.

أسامه: ولا يهمك يا غالبي، أهلا يا هندسات لينا الشرف بمعرفتكم وفرصة  
سعيدة كمان، ونتلاقى دائمًا في الأفراح يا رب.

بعداك رجعوا الصالة و إيمان مسكت أمل ورجعت بيهما لوراء وقالت ليها:  
أمل إنتِ متأكدة إنو أحمد دا أخوك؟ وما تزعلني من تصرفي القبل شوية دا،  
بس دا توتر، إنتِ ما عارفة طبيعة علاقتنا كيف؟

أمل وهي ضاحكة: ولا يهمكِ حبيبتي، آي والله أخوي شقيقتي بعدين لاحظي  
للاسم أمل عثمان محمد، وأحمد عثمان محمد دي ما صدفة.

-مسلمي لي إنتِ، بس ما في شبه والله، آها وصحبو الخطبو ليك أكيد  
أسامة؟

-رأيك فيه شنو؟ إنتِ عارفة يا إيمو إنه بذكرني بأمنة نفس الأسلوب في  
الكلام سبحانه الله.

-وطبعا باشمهندس أحمد أخوك عكس دا كله.

-لا والله أحمد إنتِ بس ما بتعرفيه وماتنسى دا أخوي كمان، وأنا ما بشكرروا  
عشان أخوي طبعا.

- فعلًا خلاص آسفه.

-يا بتي عادي دا راجلك بعدين.

-أمل معليش بس الباشا دا ما بتھضم، فاشنو يا صحبتني أخوك أخوي.  
-في أحلامك حبيبتي.

- أحمد وأسامة كانوا بيتونسوا، فأحمد قال لصحابه: ما كنت قايلة البت الحرية  
صحبة أختي خالص، بس شكلها اتضاعقت من طريقتي في الكلام أو حاجة.
- شفت آمنة كيف كانت ما شاء الله عليها.
- أووه ملاحظ إنه الأيام دي أنت معلق في الهندسة دي شديد، خير يا ولدنا.
- عجبتنى وشكلى حانقدم ليها واحصل مازن سريع.
- بسم الله كدي اتعرف عليها أول، ما تتهور وتتسرع يا صحبى آمنة جد ما  
فيها كلام بس أدوا نفسكم فرصة.
- لكن أنا واثق من اختياري ليها.
- خلاص يا زول نبارك ليك يعني.
- أسي احتمال ترفضني ما تبارك ساي.
- معقوله يرفضوك يا صحبى.
- أنت حاسى انو في كيمياه بينا أو في تشابه ظاهري بينا؟
- أحمد وهو ضاحك: في طريقة الكلام مثلا...
- بعد العرس ما انتهى بقوا في موضوع الرجعة
- آمنة كانت بتعرض في ضفورها من التوتر: دا الكنا خايفين منه يلا، موضوع  
الرجعة.

إيمان: يا بت تعالي نطلب لينا ترحال.

ريماز: انتظرواانا اتصلت على محمد أخوي وحيسوقكم معانا ترحال زي  
الزمن دا احتمال يكون مافي.

آمنة: شارعكم بعيد مننا ما تغيرو مساركم عشانا نحنا الاتنين.

أمل: أحمد اخوي جاء بعربية الحاج حتمشو معانا طيب؟ وتاني ما في كلام.

إيمان: بس...

قاطعتها أمل: قلت تاني ما في كلام.

آمنة: خلاص يا ستي خير.

أحمد اتصل على أمل وكلمهم إنها تجي بسرعة وهي كلمتوا انو آمنة و إيمان  
معاهم فهو قال ليها أصلًا ما حنخليهم وراءنا وبعداك خلتهم يستعجلوا  
عشان خايفه أحمد يكورك فيها.

إيمان: السلام عليكم.

الشباب: وعليكم السلام.

أحمد: يلا اسرعوا عشان الزمن.

أمل: حاضريا سيدي.

أحمد همس لأُسامه: رايک شنو تعرض على آمنة الموضوع اسي كفكرة لكن  
ب فوق بس

-لا، ياخ ما اسي اسي، لسه بدرى.

-متين طيب؟

-لمن نكون براانا إن شاء الله.

أمل: انتو الاتنين هيي بتتهامسوا في شنو؟  
إيمان: ما نكون أزعجناكم ياخ.

أحمد: معقوله بس يا باش مهندسة العفو، بس كنا بنتذكر في تفاصيل العرس  
قبيل، وكانت صدفة عجيبة شوفتكم كمان.

أمل: احم احم، والعرسان كانوا رهيبين ياخ وحلوين شديد مع بعض.

آمنة: إيمان، الزمن اتأخرلينا شديد.

إيمان: قربنا نصل الصبر.

أُسامه: خير في شنو؟!

آمنة: ما في حاجة، كل خير (وابتسمت).

أمل: آها يا بنات بالنسبة للمرة الحنعمل لشذى رايكم فيها شنو؟

أحمد: معليش بس لمرة شنو ولشنو؟

أمل: مالك يا ابو حميد عاملين لمة لصحابتنا.

أحمد: يا سلام وما عجبتكم اللمات القبل العرس دي كلها؟

إيمان: لو سمحت يا باشمهندس دي صحبتنا نحنا عندنا الحق نعمل ليها لمة في أي لحظة، بعدين مع شغلكم وضغطكم دا ما لقينا فرصة ساي نقعد معها إلا أمس.

أحمد: نعم نعم؟

أمل وهي ضاحكة خفيفة: إيمان خلاص اهدى، ليه يا أبو حميد إنت كدا الألخو الكبير الكعب؟

-يا أمل ما في لمة وما حتكون في إن شاء الله، وقفلنا على كدا.

-حنفdeck يا أمل والله بس اسمعي كلام أخوك الكبير الكعب.

-الكعب؟ بالمناسبة إنتِ ذاتك ما حتمشي؟!

-نعم نعم؟

-ما تقليدي بس السمعتيه يتطبق.

إيمان رفعت حاجبها لفوق ودرت ليه: أدينني سبب.

أحمد عاين ليهم بالمرايا: أنا قلت كدا ولا إنتِ يا آمنة كمان.

آمنة: خلاص خير إن شاء الله.

أحمد: أيواه خليكم كدا زى آمنة بت فاهمة.

إيمان: عاد لكن أخوك كعب عديل يا أمل.

أحمد: شكرًا شكرًا.

أمل وهي بتضحك: صدقتي والله يا إيمو، الله يعين البتعرسو.

إيمان: نوعيته دي ما بتعرس أصلًا.

أحمد: أيواه أنا ما حأعرس أصلًا فما تتكلمو وتتعبو روحكم ساي.

أسامة: يا صحيبي ما تقول كدا، إن شاء الله حتعرس قبلنا كمان.

أمل وهي بتعاين لإيمان: آي والله ما معروف، بس هو لسه ما لقى ملكة قلبه.

بعد فترة وصلوهم بيوبتهم وشكروهم وبعد ما أسامة نزل، أمل مشت ركبت قدام مع أحمد.

\*\*\*

بعد أمل جات ركبت قدام مع أحمد واتحمسست لعرس شذى، قررت تفتح الموضوع مع أخوها، فبدت الكلام معاه بتتردد في البداية: أبو حميد.

رد ليها: معاكِ.

كررت ليه اسمه: أحمردي.

-عايني اطلبي بس كان اللمة قلت لا.

-لا، مع عن اللمة اطمئن، وبين كلامك الزمان مش قلت حتعرس لي سمسموم.

-سمسموم دا منو جنيتي إنتِ؟

-أسامة طيب.

أحمد مصどوم: أسامة، دا كلام شنو يا بت؟

-مالك يا أحمد، أسامة مالو؟

-يا أمل زمان نحنا كنا صغاري وبنهظر مع بعض عادي، بس الكلام دا ما بنفع

بقينا كبار وواعين فاهمة علي إنتِ؟

أمل بحسرة: لكن...

أحمد فهم إنها حبته وقاطعها بغمزة: طيب بكرة نتكلم في الموضوع دا إن

شاء الله.

أمل: حاضر مشيني، طيب يا سيدي.

تاني يوم السبت بالصبح إيمان وأمنة مشوا مركز التحفيظ البيقرو فيه وفيه

طريق الرجعة، إيمان عاينت لصحتها الماشة من غير ما تتكلم معها:

الجميل سرحان وين؟

-ما في شيء، بس بقيت بخاف من الاسميأسامة دا.

- الاسمو أسامه عديل كدا، وين باش مهندس.. والخ ومالو يعني!
  - ما عارفة والله.
- إيمان وهي ضاحكة: يمكن معجب بيك.
- إيمو بطلي هطار الكلام دا جدياخ، بعدين عرفت متين ياهو الاسبوع دا؟
  - ومالو في ناس من النظرة الأولى بقعدوا في الغرام، المهم ما تشيلي هم كتير كدا، أرح امشي معاك نحاول نتم الخطة البدينها سوا.
- قريب للعصر\_ بعد رجعت إيمان البيت اتصلت عليها أمل وسلمت عليها واتونسنا عن العرس وبعداً ففتحت معها الموضوع.
- إيمو حبيبتي آها رأيك شنو في أسامه وبما إنك طلعتي شغالة معاهو برضو.
  - من ياتو ناحية بالضبط؟
  - من كل النواحي.
  - زول ممتاز.
  - ممكن يحبني إذا أنا بحبه.
  - دا ما موضوع تلفون يا أمل، إلا قعدة عديل.
  - بتمنيشيني إنتِ برضو؟ طيب!

- العفو ياخ، طيب أحكى لي مواصفات شريك حياتك؟

- باختصار أسامه وبس.

أحمد وأسامه كانوا في الملعب وبعداك اتكلمو في نفس الموضوع وقرروا  
إنه أسامه يوم الأحد يفتح الموضوع مع آمنة ولمن أحمد رجع البيت أمل  
استقبلته.

- أحمدي؟ كنت وين؟!

- أحمدي؟ آها دائرة شنو يا عيون أحمدي.

- أخوي الوحيد ومن حقي أدلعك.

- وكمان بقىتنى الوحيد الحقوا يا أيهم وأميارة اختكم نكرتكم.

- واي ما تعمل كدا، آها عملت شنو في موضوع أمس.

- ياتو موضوع دا؟

- أحمد نسيت موضوع أسامه.

- آها، آي والله نسيت أغفي لي، كدي لبعدين.

- إنتو مشكلتكم شنو إنت و إيمان مع بعدين دي.

- إيمان؟! الباشمهندسة!

- عندي منو غيرها.

- وهي الدخلها شنو؟

- صحبتني وحكيت ليها.

في اللحظة دي أَحمد فكر في شيء وقال ليها: ممكن تدييني رقم إيمان.  
أميرة أختهم الأصغر منهم جات وسمعت الاسم الأخير: آها، اممم إيمان  
ورقم وريتنا يا أبو حميد.

أيهم: بطلني إنك تغطيه والله ما في زول حيساعدك لو قام عليك.  
أَحمد: اسمعي كلام أخوك أَخير ليك.

أميرة وهي ضاحكة: لا إيمان دي منو جد؟ ما تكون صحبتك اللطيفة ديك يا  
أمل؟

أمل: آي يا أميرة.

أَحمد: انتو أسي العابكم شنو من جوا؟  
أيهم: أنت ناديتنا يا أبو حميد.

أَحمد: أنا؟ متين؟ "وغمز لأَمل" أنا ندهت على الجماعة ديل؟  
أميرة: أمل أخوك دا مالو؟ إيمان جننتك كدا أنت ناديتنا الحقوا الحقوا نسيت؟  
أَحمد بغيبظ: أميرة.

أيهم: هدا قام خلاص، أرج أنا ماشي أقرأ هو عارفيني ممتحن شهادة فاشنو  
عن إذنك.

أميرة: دعواتكم لينا يا بشوات.

أحمد: الله يوفقكم، لو احتجتو لأي مساعدة نحننا قاعدين.

بعداك أحمد طلع من البيت واتصل على إيمان بعد التحايا والسلام دخل ليها  
في الموضوع: عندي سؤال ليكِ معليش، أمل لمن حكت ليك عن أسامة ليه  
ما ردتي ليه طوالى؟ إنت عارفة شيء مثلًا؟  
شيء زي شنو مثلًا؟ إنو الباشمهندس أسامة...  
قاطعها أحمد: معجب بأمنة.

-هو قال ليك كدا؟ يعني الكلام دا جد؟

-جد أيواه، بس أسامة ما زول لف ودوران دا زول الله هو جادي شديد وحبيجي  
يتقدم ليها نهاية الشهر دا إن شاء الله.

-أهلاً حبابه وعندنا عروس تانية في شلتنا، بس أمل؟  
أمل دي أختي وأنا مستحيل أضرها وما بخليها وإن شاء الله حتلقى نصيبها  
بس برضو بطلب منك إنك تكوني واقفة معاها.

-ما أنا بس، إنت ما بتعرفنا يا باشا من غير ما تقول حتى.

-طيب مع السلامة.

-مع السلامة.

بعداك إيمان قعدت تفكّر وبقت مشوشة بين سعادة أمل وآمنة وانضغطت اتصلت على بنت عمها جوري وهي صحبتها شديدة ويتستشيرها في أي شيء يحصل ليها وهم يبحكون البعض مشاكلهم دائمًا، جوري أكبر من إيمان بعام وهي دكتورة كمان ساكنة في ولاية تانية، وشغلها الدائم في المستشفى بس برضو متواصلين وفي أثناء مكالمتهم ناقشوا حاجات كثيرة.

جوري: طيب يا إيمان انتو ذاتكم ادواأسامة فرصة يختار وبما إنه اختار آمنة شوفي رائيها هي، وإذا وافت خير، وأمل دي انتو كلّكم كدا اهتموا بيها وما تخلوها زي ما وصاكم عليها أحمد وربنا يكتب الفيه خير.

إيمان فكرت في كلام جوري وقالت لازم نديأسامة وآمنة فرصة إنه يتكلمو مع بعض عشان يحددو وضعهم، مع إنها عارفة إنه آمنة ما حتوافق على كدا، وجوري أصرت عليها وقالت ليها: لازم تخليها براها بأي طريقة اتصرف في إن شاء الله تشيلي خريطتك الكبيرة ديك وتمشي يشتغلوها معاك، وكلمي أحمد بالخطة دي.

إيمان: أكلم منو؟ مستحيل أنسني.

- جد والله، اسي يعني جد طلع أحمد الغياظ أخو صحتك أمل، وكمان حركتك الظريفة قال دائرة أشوف راجلي.
- ما تذكريني اليوم داك ياخ.
- أسي احتمال يكون جد راجلك.
- بت جوري تفيها، راجل منو؟ مستحيل مالك علي.
- خلاص اقفلني وارجعي لأحمد كلميه بالخطة.
- مصرة يعني؟
- إيمان سمعت كلام جوري واتصلت لأحمد.
- وعليكم السلام.
- السلام عليكم، كنت دائرة أقول ليك شيء.
- اتفضلي طوالى.
- ممكن نتم بكرة إن شاء الله الشغل على الخرطة الفاتت، عشان...
- أحمد قاطعها وقال ليها: ايواه ممكن بس الكلام دا ما بيحتاج اتصال كان ممكن بكرة تحبي بالخرطة بس طوالى.
- اسمع هنا يا باشمهندس يا محترم، ممكن كان تخليني أتم كلامي أول وبعدين أحكم على الموضوع، كنت دائرة بالطريقة دي أخلاي أسامة وأمنة

بس يقعدوا مع بعض شوية وما في طريقة إلا بالشغل على الخرطة دي،  
وشيء تاني أنا مارجعت ليك حبّاً في صوتك سمعت "وقفلت فيه الخط"  
أحمد: بسم دي مالها؟

آمنة كانت قاعدة تفكّر في أسامة وبقت تتذكرة وحست إنها ممكن برضو  
 تكون معجبة بيها وقررت تتصل على إيمان.

إيمان: نعم في شنو؟ عايز تعذر؟ اعتذارك ما مقبول حتى لو اعتذر.  
وقفلت الخط تاني.

آمنة: مالها إيمان؟ "ورجعت ليها تاني"  
إيمان بغيط: نعم؟

آمنة: إيمان يا بت أنا آمنة مالك.

إيمان شافت شاشة التلفون وظهر ليها رقم آمنة وهدت: أمنة احكى لي.  
مالك منفعة كدا يختي وقفلت فيني الخط.

-إنتِ جادة والله ما لاحظت معليش بس ما منفعة، كيف؟  
-كويسة الحمد لله دائرة أقول ليك شيء.  
-عيني ليك.

آمنة حكت لـإيمان أي شيء وـإيمان انبسطت وزعلت على أمل في نفس الوقت.

-أمونة إنتِ جادة كدا؟

-أيواه، وخايفة كمان بس أكون أتسرعت، بس هو بالجد راجل بمعنى الكلمة الله يحفظه.

-ما تخافي وأسامه اسم على مسمى.

إيمان ما ورت آمنة بالحركة لتحصل بكرة عشان ذاتو تتعرف على أسامة من قريب وما تخاف أو ما تردد وتنسحب.

\*\*\*

جاء الصباح المنتظر كالعادة زي كل صبح اتلقاو في الشارع ومشوا المكتب مع بعض وكمان أحمد وأسامه جوا بالترحيل، أحمد سلم على المهندسين وطلب من إيمان تجيب الخرطة الكان شالت زمنهم الأسبوع الفات عشان يتمو تحليلها ويبدو في التصميم، إيمان مشت عليه في المكتب هناك أحمد طلب من أسامة إنه يمشي يشتغل ليه حساب كميات مواصفات وتقديرات لخرطة تانية مستعجلة وهامة جداً، اتدخلت إيمان وقالت ليه إنه آمنة شاطرة

جداً فيه، بتحب الحساب دا وتحفيدو كتير لو احتاج ليها أو تشغلهما معاه،  
المهم أسامه انبسط من الفكرة ومشي لآمنة.

إيمان قبلت لأحمد وبذلت ابتسامتها لوش جادي: شكرًا ليك بس أنا الخرطة  
كمتها، بس ممكن تراجعها لو عايزة!

أحمد استلم منها دفتر التحليل: حمد لله على السلامة، بس أمس إنتِ ما  
خليتني أتم كلامي كان قصدي ليك إنك تقولي الشيء الشاغل بالك طوالى،  
بس إنتِ انفعلتِ سريع.

- الواحد كمان يا باشمهندس لازم يمهد الطريق وأنا كنت بمهد ليك شوية.  
أحمد ضحك ورد إليها: خلاص تاني بستناك لمن تمهدى.

إيمان يلا بعد دا ما عرفت تتصرف كيف لأنه بقى يتكلم معها بظرافة وهي  
ما متعودة عليها وقالت ليه: طيب يا باشا أديني رأيك في الخرطة عشان  
أمشي أكمل شغلي.

أحمد عاين للشغل وبقى يتبعس: ما شاء الله بالجد شاطرة جداً ومبدعة.

إيمان انبسطت من كلامه مع إنها متعودة على التعاليق دي، بس حست إنها  
فعلاً أثبتت لروحها إنها قدر التحدى في أي مكان.

عند أسامي وبعد ما مشى لآمنة ولقاها شغالة بتضمم في خرطة شبكة صرف  
صحي، سلم عليها في اللحظة دي آمنة ردت السلام وارتبتكت.

-ما شاء الله شغل ذكي.

-شكرا، افضل.

-اممم بتعربني حساب كميات؟

-معقوله في مهندس مدنبي أو معماري ما بيعرف كميات؟

-أنا آسف كلامك صح ممكن تشتغلني معاي في الخريطة دي.

-أكيد طوالى ممكن شديد كمان، مواصفات ولا تقديرات؟

-الاتنين لو فاضية.

-ما فاضية والله، وحتشيل زمن بس ما مشكلة أرج.

اندمجت آمنة في الخريطة وفي خلال ساعة انتهوا منها.

أسامة وقف وهو شايل الورق: الحمد لله أخيراً انتهينا ما شاء الله عليك.

-دا العمل الجماعي يا باشا.

-يمكن لأنكِ إنتِ معاي!

آمنة خجلت: قصدك شنو؟!

-بما إنه انتهينا بدرى أرج عازمك عصير في الكافteria البرا.

-لا، شكرًا ليك، دا كان شغل وانتهينا منه، بعدين الجو بارد جدا يا هندسة  
عصير شنو؟

-طيب أرح بنلقى حاجة دافية.

آمنة لنفسها: "دي مصيبة شنو دي اسي اتحلى منو كيف يا رب ي إيمان وين  
إنت؟"

-يا باش الهندسة؟

-طيب ما مشكلة بس أكلم إيمان.

-لكن هي شغالة أسي.

-طيب خير.

مشوا الكافتر يا وقعدوا يتونسوا بعداك قررتفتح معاهها الموضوع.

-آمنة مفروض الزمن بدرى على الكلام دا، بس أنا عايزة على سنة الله  
ورسوله.

-شنو؟

-القلتو أنا عايزة لك لله وأنا عايزة أجيكم في البيت إن شاء الله.

آمنة بارتباك: طيب أشوف رائي إيمان أول.

-يا بت اهدئي أنا جايتك إنت ما لـإيمان، بس شكلك ما موافقة.

-لا، ياخ العفو ما كدا بس... طيب للجمعة إن شاء الله اكلم ناس البيت  
وأديك خبر.

-يعني موافقة.

-قول كدا.

أسامة فرح شديد وما عرف يقول شنو.

آمنة: طيب مكن نمشي المكتب عشان البرد انتهى مني.

-آي طوالى ومعليش ياخ بس من الفرحة نسيت أي شيء وربنا يتم لينا على  
خير.

بعداك رجعوا المكتب الاتنين مبسوطين شديد إيمان جات على آمنة لقت  
بتتبسم براها.

-شنو يا جميل مالك مبسوطة كدا قال ليك بحبك ولا شنو؟

-قولي كدا، يا بت دا داير يجي البيت عديل كدا.

-جاده؟ يا سلام ياخ، ازغرط؟ امسكيني عشان ما أزغرط، واي أنا مبسوطة  
ليك شديد ياخ! ربنا يتم على خير يا رب.

-واي يا إيمان ما عارفة ارتبت ولا خفت واتهابلت كيف قدامه.

-إنت أصلًا هبلة، بالعكس أنا واثقة جداً من ثباتك والله.

- حبيبي والله يا إيمو، نتم شغلنا ولا نمشي البيت؟

- من أسي بيـت شـنـو دـا؟ آـهـا اـنـتـهـيـتـيـ منـ المـشـرـوـعـ؟

أما في المكتب عند أحمد وأسامة.

- مالـكـ مـبـسوـطـ يا عـرـيـسـ؟

- الجـمـعـةـ متـيـنـ يا أـحـمـدـ؟

- ايـواـهـ، أـلـفـ مـبـرـوكـ يا صـحـبـيـ اـصـبـرـ يا دـاـبـ الـأـحـدـ يـعـنـىـ الجـمـعـةـ فـضـلـ لـيـهـاـ زـيـ اـيـيـكـ بـعـيـدةـ اـصـبـرـ بـسـ.

- أـحـمـدـ!

أـحـمـدـ ضـحـكـ: الصـبـرـ طـيـبـ يـاخـ.

تـانـيـ يـوـمـ بـالـصـبـاحـ فـيـ المـكـتبـ أـسـامـةـ جـابـ لـآـمـنـةـ وـرـقـةـ وـقـالـ لـآـمـنـةـ دـيـ شـغـلـ أـمـسـ مـمـكـنـ تـنـزـلـيـهـ فـيـ الـاـكـسـلـ لـوـ مـاـ مـشـغـولـةـ.

آـمـنـةـ: أـوـكـ طـيـبـ.

إـيمـانـ بـعـدـ مـاـ شـافـتـ أـسـامـةـ دـخـلـ مـكـتبـهـ رـفـعـتـ حاجـبـهاـ لـصـحـبـتهاـ: وـاـاـاوـ وـاـاـاـاوـ.

آـمـنـةـ ضـحـكـتـ وـضـرـبـتـهـاـ فـيـ كـتـفـهـاـ: هـبـلـةـ بـطـلـيـ.

إـيمـانـ: لـاـ، جـدـ وـاـوـ المـكـتبـ دـاـ كـلـوـ مـلـيـانـ مـهـنـدـسـيـنـ وـمـاـ جـاءـكـ إـلـاـ إـنـتـِ؟

آمنة: يمكن عشان اشتغلناها أمس مع بعض وأكتر زوله حاكون فاهمة  
الشغل؟

نبراس: آمنة بما إنك مشغولة ممكן اشتغلوا ليك؟

آمنة: يا ريت والله حتكلوني مشكورة شديد.

نبراس: تمام رباع ساعه وح يكون جاهز إن شاء الله.

فجاءة تلفون إيمان اتصل وكانت دي شذى فقررت آمنة ترد هي لكن إيمان  
طلعت السماعة وقالت ليها: نرد سوا.  
آمنة: عروستنا.

شذى: أووه أمنة، مشتاقين جدا.

إيمان: وأنا ما بشتاقوا لي ولا شنو؟

شذى: إنتِ الشوق ذاته.

هبة: بطلو كسير تلح لبعض.

إيمان: هبو حبيبي، كيفك يا جميل؟

ريماز: إزيكم يا بشوات.

إيمان: بما إنكم مجتمعين كدا لازم تعرفوا حتكلون عندنا عروس تانية في  
الشلة وهي اسي جنبي.

تدخلات التعليقات ب: "جادة كدا يا إيمان، أمنة دا منو؟ سريع ورينا، ويا سلام" مع المباركات كمان.

شذى: قولي تالتة، عقبال باقي البايرات.

إيمان: شذى عندك عريس لي؟

أمل: إيمان دا شنو وأحمد؟

إيمان: إنتِ عارفة إني ما بطيقه أصلًا يا صحبي.

هبة: شذى احكي لينا في شنو، وأمنة دا منو؟

شذى: خلوه مفاجأة!

أمنة: بتعرفوه انتو ما غريب علينا.

إيمان سريع قفلت الخط وقالت لأمنة: خليهو مفاجأة يا هبلة ما توريهم زي شذى برضوا!

شذى رجعت ليهم: تلفونك ماسورة يا إيمان شوقنا بس زي الفيلم الهندي آها قولن منو دا؟

أمنة وهي ضاحكة: خلوها مفاجأة خلاص هو حيجي الجمعة لازم تكونوا كلكم معاي.

إيمان: معليش يا بنوت بس عندنا شغل كتير ممكن لبعدين كدا.

ريماز: دا شنو الافتراء دا؟

أمل: خلاص لبعدين يا بنات طيب عشان، أنا برضو شغالة.

جاء أسامة طالع ومشى لآمنة: آها خلصتي الشغل، يا أمنة؟

-لو سمحت يا هندسة اسمي آمنة، الشغل عند الباشا نبراس.

-آسفه طلعت عفوا مني

-ولا يهمك، بس المكان مكان شغل.

نبراس قاطعتهم: باشمهدس أسامة الشغل رفعته ليك في جهازك بتلقاهو  
هناك.

أسامة خت يدينو في بعض ورد ليها: مشكورة شديد يا باشمهدس، وبعتذر  
ليك تاني يا باشمهدس آمنة.

ومشى طوالى، آمنة حست بالزعـل من أسلوبها وفي الوقت ذاته بالغيـرة من  
نبراس.

إيمان عاينت لصحابتها: أحـرجـتـيه بـطـرـيقـتـكـ دـيـ، لأنـكـ قـلـتـيهـاـ بـاـنـفـعـالـ، بـسـ دـاـ  
مـنـ حـقـكـ مـاـ حـأـقـدـرـ أـعـلـقـ بـكـلـمـةـ.

آمنة ردت وهي متـحـيـرةـ: ما عـارـفـةـ إـذـاـ العـمـلـتـوـ دـاـ صـحـ أوـ غـلـطـ، بـسـ هوـ أحـرجـنيـ  
أـولـ بـأـمـونـةـ دـيـ.

استئذنت إيمان من آمنة ومشت اتصلت على جوري وحكت ليها عن نجاح الخطبة، أحمد جاء طالع برا ولقى إيمان وقال لها: إنتِ ما بردانة ولا شنو؟  
لا يا هندسة ما بردانة.

- ايواه ثقة المرأة الحديدية، أمل اتصلت علىيّ وكلمتها إنه أسامة هو الحيتقدم لآمنة.

- أنت جادي ليه كدا طوالـي.  
- عايزاني أمهد زيك يعني؟

فجأة تلفون إيمان رنّ عاينت لأحمد رفعت ليه التلفون: دي أمل.

- ردـي ليها وادخلـي جوا من البرـد دـا أو أمـشي على الكافـتريا هـناك.  
- خلاص خـير.

أمل وهي بتـبكي: صـاح الكلـام القـالـه لي أـحمد دـا، أـسامـة؟! أـسامـة هو الحـيتـقدم لـآمنـة؟

- أـمل القـصـة قـسـمة ونصـيب فـاشـنـو خـلـيـك قـوـية.

- أـسامـة خـانـي يا إـيمـان أنا بـكـرـهـو يـاخـ خـانـ حـبـيـ ليـه " وـقـفلـتـ الخطـ وبـقـتـ  
تبـكـيـ شـدـيدـ."

بعد ما أمل قفلت إيمان لحقتْ أَحمد للمكتب ولمن ضربت الباب لقت معاهاو  
فيصل ومنير وكم ضابط وعسكري فاستئذنتم وطلبت من أَحمد إِنه يطلع برا  
لحظة بس.

- اتفضلي يا باشمهندسة إيمان.

- أتفضل وين؟ يا هندسة مكتبكم دا الكلية الحربية عديل.

كل الفي مكتب ضحكوا وقرروا يطلعوا بس أَحمد وراغم إِنه هو الحيطلع  
وحيرجع ليهم تاني، وبعد طلع ختا يدينه الاتنين في جيوبه: اتفضلي يا  
هندسة، آها جيتك لبرا.

- يا باشمهندس أمل دي حيجيها انهيار نفسي بالطريقة دي.

- أولاً هي لازم تفهم إِنه الزواج قسمة ونصيب، والحب ما شيء بالغصب،  
ثانياً دا ما موضوع نتكلم عنه في الشغل وزعي ما قلتني قبل كدا لكل مقام  
مقال.

- ما عارفة حأقدر أتحمل فكرة إِني أشتغل معاك في حتهة واحدة كيف، عموما  
كدا أمل الفترة دي محتاجة دعم نفسي شديد عشان تتقبل الحكاية.

- فترة وتعدي يا باشا، طيب خير بالنسبة لأمل المطلوب مني شنو؟! وأي  
شيء حأعمله ليها.

-يا ليت تعدى سريع، طيب ممكן تخليلها تقعد معاي يوم أو يومين قبل الخطوبة.

-ممكן طوالى ما دام بساعدها وبكلم الحاج كمان.

-طيب حلو حاصل ليها أكلمها عن إذنك وأسفه على الإزعاج.

-العفو، بس القال ليك هي خطوبة منو؟ جاي عقد عديل، لكن ما تكلمي آمنة في الفترة دي!

إيمان من غير ما تحس مسكت يد أحمد: لا، ما تقول لي، أصلو ما بصدق، يا الله ياخ بس نحنا ما مستعدين هيبي.

-بس دا عقد آمنة ما عقدك عشان تستعدى ليهو إنتِ.

إيمان انتبهت لنفسها اعتذررت ليه وردت: أنت ما فاهم، بس خلاص خير.  
إيمان مشت قعدت جنب آمنة وكانت سرحانة.

-الجميل سرحان في شنو؟

إيمان قبل ما ترد اتصلت أمل لآمنة.

-يا هلا، أملة كيفك.

أمل وهي بتبكي: ليه كدا يآمنة؟

إيمان انصدمت: أمل؟

أمل: ليه وافتني على أسامة يا آمنة وانت عارفة إني...  
خطفت إيمان التلفون منها وطلعت برا اتكلمت مع أمل وبعداك جات.  
آمنة: أمل؟ أسامة؟ إيمان أمل وأسامة بينهم شيء؟

-ما في حاجة زي دي.

-ما في شنو؟ يستحيل أخسر صحتي طبعا.

-إنت هبلة؟ مفترض لو في حاجة زي دي أسامة اختار منو فيكم؟

في المساء وأثناء تفكير إيمان اتصلت شذى عليها ومن صوتها حست شذى  
إنه في حاجة فحكت ليها الحصول، وشذى بقت تضحك.

-شذى الضحك ليه؟

-لأنه الحل جاء لعندك.

-كيف؟

-دي ياه مفاجئتي القبيل، مروان ود خالتي تتذكريه الفي السعودية يوم  
العرس شاف أمل وقال عجبته وداير يتعرف عليها وأنا جيت احكى ليك.

-إنت جادة؟ سبحان الله دا خبر مفرح شديد.

-اتصل بي عليها وريها اسي.

-ما أظن دا الزمن المناسب، بس حاصل بعد شوية حاصل عليها وتونس  
معاها ساي.

-لية؟

-لأنه قلبها حالياً مكسور، وأكيد حترضه من غير وهي.

-فعلا كلامك صح، خلاص خير اتصلي ليها اسي نتونس مع بعض  
اتصلت إيمان على أمل الكانت قاعدة مع إخوانها.

أحمد: ماشة وين أملني.

-إيمان متصلة علي.

-ایواه خلاص ردي ليها ما تتأخرى.

أميرة غمزة لأحمد: ما عايز تسلم على إيمان؟

-ميرو والله بتلقى عينك مافي بطلي تشغيلات يا بت.

-يهون عليك حبيبي أنا؟

-قومي اقري يلا إنت قايلة الجامعة دي ساهلة؟

-أولى دي بسيطة ما على قدر كدا، ويا هو أمل بتشرح لي بس إنت ما شغال  
بي.

-أطلبي وعيوني ليك.

- حبيبي والله يا أبو حميد ربنا يحفظك لينا بهظر معاك أنا.  
أميرة في المستوى الأول في الجامعة عايز تقرأ هندسة إلكترونيات وأيهم  
متحن الشهادة السودانية وشايل أحياط عايز يخالف أخوانه عشان يكون  
دكتور العائلة الوحيد.

\*\*\*

أمل ردت لإيمان ولاقت شذى في الخط، واتكلمو مع بعض لوقت طويل،  
وكله كان عبارة عن التعلق الوهمي، والحب المن طرف واحد، وإنه ما لازم  
تأدي روحها بالطريقة دي، ولازم تخللي آمنة في حالها وبعد نقاش نص ساعة  
أمل شبه اقتنعت فعلًا بكلامهم، وإنه أسامة ما حيحبها وتحعيش في تعاشرة،  
كانت قوية واتقبلت الفكرة وقررت تتصل على آمنة وتعذر ليها. بعدها شذى  
قفلت وفضل أمل وإيمان بيتكلمو.

إيمان: اسمعني باشا أحمد قريب ليك؟

أمل مشت على أحمد وقالت ليها: راجلك آي قاعد جنبي.

أميرة وهي ضاحكة خبيثة: كويس إنها جاءت منها "وطلعت لسانها لأحمد"

أمل طالي خت التلפון في أضانه وسمع إيمان وهي بتقول: يا فضيحة إنتِ  
ما تقولي لي راجلك ما تحرجبني قدامه ساي، المهم اتصلي لامنة وأنا  
حأتصل ليه في تلفونه.

-ما في داعي أنا برجع ليك.

-م م منو؟ أمل صوتكِ مالو بقى كبير كدا؟  
أحمد ضحك: حأعتبر نفسي ما سمعت شيء.

-بعد ما سمعت لكن؟!

أحمد مد التلפון لأمل وقال ليها: قالت اتصلي لامنة.  
اتصل أحمد على إيمان.

-آها قولي.

-أمل الحمد لله اقتنعت، بس شذى عندها خبر ليها وأنا رفضت تحكيه في  
الوقت الراهن، لأنه الوضع ما بتحمل!  
-خبر شنو؟ احكيه لي سامعاكِ.

أخذت إيمان نفس عميق وحكت لأحمد كل شيء، هو اتقبل كفكرة مبدئية  
ووافق إيمان الرائي، بعداك طلبت منه إنه يتكلم مع أمل عشان تجيها في

البيت، وأمل اتصلت على آمنة واعتذر لليها ووضحت لليها القصة ووصرتها على أسامة.

آمنة: إنتِ حتكوني كويستة؟  
أمل: ما تشيلي هم يا قلبي ! المهم مبروك ليكِ شديد.  
آمنة: الله يبارك فيك يا زينة وحنينة.

يوم الثلاثاء آمنة أخذت إجازة وناس المكتب سألوا إيمان منها.  
فاطمة: وين آمنة الليلة؟

إيمان: أخذت إجازة عقدها يوم الجمعة.  
فاطمة: الف مبروك ليها وعقبالك إنتِ كمان يا رب.

إيمان: اللهم يا رب، بس لسه بدرى علي.  
نبراس: مالك على البت عليك الله خليها.

فاطمة: بدرى شنو هوي الزمن بيجري.  
سامية: الف مبروك ليها، مخطوبة من زمان هي؟  
إيمان: لا.

نبراس: منو طيب، ولقتتو وين؟  
إيمان: الباشمهندس أسامة.

نبراس بصدمة: أساميَّة الواحد دا؟

ساميَّة: ما هيَّنة صحبتك طلعت خبيثة وقدرت توقع الولد في أسبوعين بس.

إيمان: قصدك شنو؟

ساميَّة: قصدي واضح يا إيمان.

إيمان: لو سمحتي لا آمنة من النوع الزيك أو الفي رأسك، ولا الباشمهندس  
أساميَّة من النوع البقع سريع، انتبهي لكلامك.

ساميَّة: نعم؟ قلتني شنو هي كان ما هيَّنة وما بتاعت حركات بتوقع الولد في  
أسبوعين بس.

إيمان: ممكن تكوني إنتِ من النوع دا، بس هي لا.

وقالت لنفسها: "هووبي يا بتي قومي الناس ديل كعبين وإنْتِ في مكتب  
محترم لازم أطلع من هنا سريع"

إيمان قررت ترجع المكتب القديم وكتبت ورقة نقلية ودتها للمدير في مكتبه  
وسألها إذا في أي مشكلة وهي ما أدته إجابة مقنعة فقال ليها: دي ح تكون  
عبارة عن إجازة مؤقتة، لا غير وما حاصلها كخطاب نقلية لأنَّه موصيني  
عليكم.

بعد ما إيمان طلعت المدير طلب من أحمد وفاطمة يجوا مكتبه وهناك سألهما  
لو في أي مشاكل أو أي شيء؟  
أحمد: أبداً سعادتك ما في أي مشاكل.

المدير: طيب ليه الباشمهندس إيمان طلبت نقلية من هنا؟  
أحمد وفاطمة: طلبت نقلية؟

أحمد: والله يا باشا أنا ما عارف الحصول شنو، بس حأعرف السبب وأفيديك إن  
شاء الله.

المدير: تمام، أنا اعتبرتها إجازة مؤقتة للأحد، ولازم انتو الاثنين تعرفوا  
السبب شنو وبأسرع فرصة ممكنة.  
أحمد وفاطمة: حاضر إن شاء الله.

طلعت فاطمة وأحمد من المكتب وبعدها أحمد سألهما عن أي مشكلة  
حصلت من وراه، فردت ليه: والله يا باشمهندس أحمد الجماعة ديل كانوا  
بيهظروا معها بس . "وحكت لأحمد القصة بالتفصيل"  
أحمد وهو مصدوم: شنو؟ الكلام دا بالجد بزععل منكم وانتو ناس كبار  
وعاقليين بالمناسبة.

فاطمة: آسفين والله يا باشمهندس أحمد، آها أسي العمل شنو؟

أحمد: لازم الباشمهندسة سامية تعرف غلطها وتعذر بس.

فاطمة: كلام سليم وفي محله.

إيمان طلعت البيت ومشت لأننة في بيتهم قعدت معاها شوية، لمن رجعت  
البيت لقت أمل هناك وحكت ليها كل شيء، أمل وقفت معاها وقالت ليها:  
أحسن حاجة رديتي لهم، بس أحمد ما حيرضى إنك تخلی الشغل.

-لا، حارجع الشركة القديمة.

-ما تتسرعي.

-حأمشي اسي أكلم المدير.

-لا لا اصبرى شوية، النقلية اتوافق عليها؟

-دي المشكلة انو ما وافق عليها.

-كل شيء لخير يا ايمو طيب ارتاحي اسي ونومي، وخلينا العصر نمشي سوا  
لأننة، ونشرب معاها قهوة.

-طيب، بس آمنة ما لازم تعرف القصة دي، لأنها حساسة شديد تمام؟

-ودا الصح.

أسامة اتصل على آمنة وقال ليها: المكتب من غيركم مضل شديد، و إيمان  
ليه طلعت بدرى عافية؟

آمنة: ليه في شغل كتير ولا شنو؟

أسامه: مبالغة ياخ والمكتب ذاتو الليلة ما طباعي كدي برجع ليك بعدين.

آمنة: حاضر وطماني عليك الله يلا سلام.

بالعصر لمن كانت إيمان قاعدة مع أمل بيفرقوا على بعض وبيتونسوا أحمد  
اتصل على إيمان.

-باشمهندس أحمد.

-ردي ليه سريع.

-طيب، عليكم السلام.

أحمد كان منفعل وقتها: ما شاء الله عليك طلعتي بتفكيرى، ليه خليتني  
المكتب ليه وما كلمتني؟

-والله يا باشمهندس أحمد أنا...

قاطعها أحمد: إنت عارفة أنا كان مفروض اتصل ليك من ساعة ما عرفت  
الكلام دا، بس لأنه كنت منفعل من تصرفاتكم كلكم كان إنت كان هم.

-كلامك صح، وأنا انسحبت عشان كدا.

-طيب ليه ما كلمتني عشان اتصرف؟

-معليش يا باشا إنت قايلني من نوع البنات البشتوك إذا واجهو مشاكل؟

- ما قلت كدا أنا بس كمسئول فقط بقدر أهل القصة، وعشان كلامك دا، أنا ذاتي حاتنصل قريب، تانيي كان تدقوا بعض عديل أنا حاكون ما في.
- لا جد، ليه؟!
- لأنه مفروض امشي مكتب تاني ويجي غيري يمسك محلني لمدة ستة شهور أو سنة مرات وبرجع آخد موقعني تانيي دا المفروض غايتو، آها يوم الأحد حتكوني في المكتب؟
- لا، تانيي ما حارجع أنا.
- يا السمحـة، ما فيي كلام زي دا حترجعي يعني حترجعي، المهم أمل كيف؟
- كويـسة والله أديك ليها؟
- لا، بس سلمي عليها.
- أـمل و إيمـان صـلوا العـصر و طـعوا لـآمنـة و قـعدوا معـها لـلـمـغرب، و لـمن جـوا طـالـعين منـها آمنـة مـسـكت فيـ يـد إـيمـان: بـيـتو مـعـايـ، مـا تـمـشـوا.
- بنجيـ الخميس إنـ شـاءـ اللهـ، أـميـ الـيـومـيـنـ دـيـ فـيـ الـبـيـتـ بـراـهاـ، نـسيـتـيـ إـنهـ أبوـيـ سـافـرـ؟
- طـيـبـ اـحـكـيـ لـيـ.
- احـكـيـ لـيـكـ شـنوـ.

- ليه خليتي الشغل؟ أسامه حكى لي يا إيمان ما تدسي مني وأنا منتظراك  
تحكى لي من قبيل.

- ما خليتو بس أخذت إجازة مؤقتة عشان خطوبتك.  
- متأكدة؟

- ايواة، إن شاء الله.  
أمل عاينت للساعة وقالت ليهم: يلا أرح الضلام يا بت.  
إيمان: ايواة، اسي انسى الموضوع وخلينا في المهم.  
آمنة: اللي هو؟

إيمان: عندنا عروس هنا.  
آمنة: غايتو منك.  
أمل: أرح نتصل على شذى وهبة وريمو، ياخ ونتونس معاهم.  
إيمان: فكرة ب Russo، بس نحنا اسي طالعين، أرح من بيتنا هناك، يلا يا آمنة  
تصبحي على خير.

\*\*\*

في صباح يوم الأربعاء، وبما إنه إيمان وأمل الاتنين في إجازة مؤقتة فمن الصباح اتحركو ومشو على آمنة ويفطرو معها ويشوفو طلبات البيت، بعد الفطور والقهوة إيمان قالت لأم آمنة: التجهيزات المطلوبة شنو للبرنامج يا يمة زينب؟

الخالة زينب: والله يا بتي عمك إبراهيم دا شاي فهو معقد الموضوع، على شنو أنا ذاتي ما عارفة؟

إيمان: كيف يا يمة معقد الموضوع، خير؟  
الخالة زينب: قال إلا أخوانه يجو من البلد وبتو واحدة ما عندو غيرها، فموضوع الخطوبة وكدا صعب يعملو يوم الجمعة.

أمل: طيب يا خالتو كلام عم إبراهيم على العين والرأس، بس الناس ديل حيجو لازم إن شاء الله نعمل ليهم قعدة ظريفة ساي كدا.

الخالة زينب: داك الديوان كان بتقدرن تقعنو أمشن عليه.  
إيمان: أنا ماشة ليه، أرح معاي يا آمنة.

آمنة: إنتِ جادة؟ عارفة إنه أبوبي كلمته واحدة يعني صعب يقتنع.  
إيمان: كل الجدية، الناس ديل بعد بكرة جايين ونحن أدينامهم إلا ذن عاد شينة مننا تاني، كدي اتقدمي لي برا.

آمنة طلعت برا البرنامج وانتظرت إيمان برا الحوش، إيمان سريع قالت لأمل:  
فهمي خالتي زينب إنه الموضوع ما خطوبة وبس، حيكون فيها عقد وآمنة  
مفروض ما تعرف كمفاجأة.

الخالة زينب: قلتِ شنو؟ عقد؟

إيمان: أمل سريع، أنا طالعة أحصل آمنة قبل ما تسمع.

أمل شرحت للخالة زينب الموضوع زي ما هو، وإيمان وصحبتها مشو  
الديوان، ودقن الباب وعمك إبراهيم قال ليهم اتفضلو، كان قاعد في مصلايته  
وماسك سبحةه ومنتظر الظهر يأذن: اتفضلن يا بناتي.

إيمان: كيف حالك يابا، إنت طيب؟

عم إبراهيم: عافية الحمد لله يا بتي وإنْتِ كيفك وأهلكِ كيف؟

إيمان: كلهم طيبين وفاقدين طلتك علينا بس.

عم إبراهيم: بعد أبوكِ يرجع من السفر بجي عليكم إن شاء الله.

إيمان: إن شاء الله ما بتقصير، طيب يابا جاينك في موضوع الخطوبة.

عم إبراهيم: كلامي كان واضح يا بتي أسبوعين لقادام كتيرة؟

إيمان: لا أبداً ما كتيرة يابا، بس يوم الجمعة لازم تكون في حاجة، إن شاء الله  
كان تعارف!

عم إبراهيم: صعبة برضو، أنا عايز أخواني يتابعوا معاي تفاصيل الزواج كله،  
ونحننا كمان بنعرف الأصول يا بتني ولا ما كدا.

إيمان: أكيد وكلامك فوق رأسنا، لكن فلنفرض إنه دا ما كان الزول المناسب  
آها؟ لازم نقعد معاهم جلسة تعارف ساي كدا.

عم إبراهيم عاين لامنة: إنتِ يا آمنة مش استخرتي فيه، ووافقته عليه؟  
آمنة هزت رأسها بنعم وردت: لكن يا أبي أنا قلت ليه للجمعة، فشينة أخذل  
الناس، ما عارفة أجيبها ليك كيف، بس ما نفسي أكون سبب في خذلانه.

عم إبراهيم: حاشا تخذليهم يا بتني، طيب المطلوب شنو مني؟  
إيمان: نخليلهم يجو نعمل برنامج لطيف إن شاء الله شاي لبن بس.

عم إبراهيم: خير وبركة، حأتصل بأولاد أعمامي يجو علينا، وكان وافقنا عليه  
نحنا الكبار، بخلي أخوانه يتحركه عاجلاً عشان باقي البرنامج إن شاء الله.  
آمنة: أنا ما مستعجلة للعرس اسي يا أبي، بعد التعارف تكون خطوبة  
بسقطة طوالى، وبعد سنة العرس إن شاء الله.

إيمان: بسم الله إنتِ كمان مالك الثانية؟

آمنة وهي ضاحكة: لسه صغيرة، قصدي برامجنا ما حتفيف عشان عرس  
وكدا، فحنأجلو إن شاء الله.

عم إبراهيم: أنا شايف كان عرستي وجنتي ليك وليدات وبعدها واصلتني  
برامجك أحسن ليك، خليني أشوف أحفادي قبل ما أموت إن شاء الله.  
البتين: بعد عمر طويل عليك إن شاء الله.

إيمان: طيب أسي حاكلم خالتو وحنبدأ تجهيزات التعارف.

عم إبراهيم: طيب خير وربنا يسهل، آمنة اتصلي بأعمامك واديني اتكلم  
معاهם.

إيمان: خلاص إنتِ اقعدني مع عم إبراهيم وأنا حامشي أكلمهم كويس!  
آمنة: تمام، تمام.

طلعت إيمان مبوطة من الديوان وخلت آمنة هناك مع أبوها، إيمان حكت  
لأمل والخالة زينب البرنامج، أمل قالت لهم: طيب لازم نكلم أحمد بالطريقة  
دي عشان يعرفو إنه ما في طريقة للعقد.

إيمان: طيب خليها علي.

إيمان اتصلت لأحمد وحكت ليه الحاصل، وأحمد كلام أسامة واستاء شديد  
من الحصول، بس أحمد وراه إنه كل شيء مقدر بيد الله وما يستاء وربنا لمن  
يقول لهم كوني حتكون بإذن الله.

أُسامَة: وَاللَّهِ يَا أَحْمَدَ بَسْ أَنَا عَايِزُ الْحَقِّ أَتَزُوْجُ قَبْ النَّكْلِيَّةِ عَشَانْ لَوْ دُونِي حَتَّةٍ  
بعيدة تكون آمنة معاي.

أَحْمَد: بِسْمِ اللَّهِ، كُلَّهَا يَا هَا سَتَةٌ شَهُورٌ تَانِي حَنْرَجَعِ إِنْ شَاءَ اللَّهُ، بَسْ رَبُّنَا يَتَمَّمُ  
لِيَكُمْ عَلَى خَيْرِ إِنْ شَاءَ اللَّهُ.

فِي صَبَاحِ يَوْمِ الْخَمِيسِ بَدَتْ بِرَامِجِ النَّصَافَةِ وَالتَّرْتِيبِ وَتَجَهِيزِ الْطَّلَبَاتِ وَكَدَا،  
عَشَانْ عَصْرِ الْجَمْعَةِ يَكُونُوا جَاهِزِينَ إِنْ شَاءَ اللَّهُ، وَمَا يَتَشَحَّفُ لِأَيِّ شَيْءٍ.

أَمْلَ: مَا أَظَنْتَنِي فِي شَيْءٍ ناقصٌ، إِلَّا حاجاتِ السَّوقِ مش؟  
الخالة زينب: مَا نَعْدَمْكُنْ عَادِيَا بَنَاتِي، بِالْجَدِ اللَّهِ يَبْارِكُ فِيْكُنْ وَعَقْبَالِكُنْ كَدَا  
يَا اللَّهِ عَاجِلاً.

إِيمَان: اللَّهُ اللَّهُ يَا يَمَةَ زِينَبِ نَحْنَا كَمَانَ غَرْبَاءِ؟  
الخالة زينب: مَا كَدَا يَا بَتِي وَاللَّهُ لَكُنْ بِالْجَدِ تَعْبَتُو شَدِيدٌ.

أَمْلَ: إِنْتِ عَايِزَانَا نَزِعُلُ وَلَا شَنُو يَا خَالْتُو، مَا مَعْتَبَرَانَا زَيِّ آمِنَةٌ بِتَكِ؟  
إِيمَان: إِنْتِ يَا خَالْتُو مَتَذَكِّرَةٌ هَبَّةٌ وَرِيمَازٌ وَشَذِيٌّ؟

الخالة زينب: أَجِي عَادِيَا إِيمَانَ كَيْفَنْ مَا بَتَذَكِّرُهُنِّ؟

إِيمَان وَهِيَ ضَاحِكَةٌ: دِيلِ تَعَالِيٍ شَوْفِيهِنِّ أَيَّامُ الْعِرْسِ، يَطْرُدُوكَ مِنَ الْبَيْتِ  
وَيَمْسُكُوهُمْ.

ضحكوا كلهم، واستئذنو الخالة زينب وطلعن على بيت ناس إيمان تاني،  
وهم الاتنين فارشات فرشة في الأرض ورامين فيها مخدات ونایمات على  
راحتهم.

أمل بعد أخذت تنهيدة ضحكت وقالت: بالجد برامج الأعراس دي طويلة، الله  
يضيقنا ليها.

-فعلا والله، بالمناسبة دي شذى عندها ليك مفاجأة.

-مفاجأة لي، وريني ليها سريع هي شنو؟

-يا بتبي أنا مالي هي عند شذى ما عندي، خلي بكرة لمن تلاقيها تحكي ليك  
إن شاء الله.

في اللحظة دي أحمد اتصل على إيمان، وإيمان عاينت لأمل، قالت ليها: يلا  
الباشمەندس أحمد اتصل، عن إذنك كدي، قامت عشان تطلع برا، وفتحت  
الخط.

أمل صرخت: بتحبو في بعض ولا شنو ماشة مني بعيد.

إيمان وهي ضاحكة: أمل إنت حيوانة ولا شنو، حتفضحيني مع أمي.

-ضحكتك سمحه بالمناسبة، الحيوانة مالا قالت ليك شنو، وتحفشك  
كيف مع أمك؟

إيمان اتصدمت من كلام أحمد كمان: واي إنتو الأخوان متفقين على مش؟

-لا العفو ياخ، كيفكم طيبين؟

-الحمد لله طيبين وأنت؟

-في نعمة من الله، اسمعني اتصلت ليك عشان أقول ليك أديني رقم العريس الجاي لأمل، عايز ألاقيه قبل ما تكلميها وكدا.

-سبحان الله قبل شوية جبنا سيرته بفوق وكدا، اسي شذى رقمها ما بدخل معاي إلا المساء وكدا، فلو انتظرت لنهاية اليوم كدا حأتصل لشذى واشيل الرقم منها، وحأرسله ليك واتساب، أما لو مستعجل شديد اتصل لمازن احتمال شبكته تكون أفضل مع إنه مستحيل، لكن ممكن برضو يرسلو ليك، راييك شنو؟

-طيب حأتصل لمازن ما فكرت فيه طبعا، وإن شاء الله الرقم يخش معاي.

-خلاص خير طيب.

-الخميس فاقد دراماتك والله.

-ياتو درamas دي يا باشا؟ يابا بس حققت أول أسبوع مش وما عايز تنساها لي؟

-لا، العفو ما كدا، إلا أقول ليك مفقودة في المكتب وكدا؟

إيمان سكتت مسافة، وردت ليه: يا سلام! ما تفقد عزيزي يا رب، طيب اكسب  
الزمن يا باشا والله مضغوطين في برنامج الترتيبات دي.

-طيب محتاجين حاجة من السوق أو أي شيء؟

-لسه ما مشينا السوق ذاته، إحتمال للعصر كدا إن شاء الله، أو بكرة  
بالصباح.

-لو احتجتو شيء ما ترددو تتصلو علي أو على أسامة، ما تجهدو نفسكم  
كبنات براككم، ونحنا عارفين إنه آمنة ما عندها أخوان، يلا سلام.

-منو القال ليك ما عندها، مؤيد خطيببي قاعد، وضحكـت بعدها ودعـته، قـفلـت  
الخط ورجـعت على غرفـتها تـانيـ.

أـملـ بـنـظـرةـ خـبـثـ كـدـاـ: بـتـضـحـكـيـ مـالـكـ خـيرـ؟

إـيمـانـ بـغـمـزةـ: مـاـ فـيـ شـيـءـ مـنـ الفـيـ بـالـكـ.

وـحـكـتـ آخرـ شـيـءـ حـصـلـ فـيـ المـكـالـمـةـ.

-صـدمـتـيـ الـودـ يـاـ بـتـ، اـسـيـ لـوـ كـانـ مـنـمـرـ عـلـيـكـ؟

-عاـيزـةـ تقـنـعـيـ إنـهـ أـخـوكـ ماـ عنـدـهـ وـاحـدـةـ فـيـ حـيـاتـهـ؟ بـعـدـيـنـ يـختـيـ كـلـامـ الـحـبـ  
وـنـنـنـيـ دـاـ بـدـخـلـ فـيـ رـأـيـيـ فـمـاسـكـةـ فـيـ مـؤـيدـ دـاـ شـدـيدـ، بـالـرـغـمـ مـنـهـ إـنـهـ حاجـةـ  
وـهـمـيـةـ كـدـاـ اـخـتـرـعـنـاهـ أـنـاـ وـآـمـنـةـ، بـسـ بـدـيـتـ أـصـدـقـهـ أـنـاـ ذـاتـيـ.

-من ناحية ما عندو واحدة اطمئني ما بت هي في حياته، بس هو في حياة  
بت واحدة بس ومكرهاني فيه ودي بت خالي لزم، لكن لشنو الحب ما بدخل  
رأسك ممكن تحكي لي؟

-آها بالله كويس طيب، إحتمال بنات ما تظلمي الود ما هو كمان ما شاء الله  
عليه مثالاً في عيون كتيرين.

-دا راييك؟ كدي ما تغيري الموضوع وريني ليه؟

-والله يا أمل احتمال تحسسي إني معقدة منه لو حكيت ليك فأعملي رايحة.

-بحب أسمع منك كل شيء.

-طيب يا ستي أنا بخاف، لكن ما من الحب ذاته، بخاف يكون اختياري للزول  
الغلط وكدا أظلم نفسي وأولادي، بعدين أنا أقعد عمري كله أدفع ثمن غلطة  
غلطتها باختياري.

-بس الله يا بت، ما ترفضي الموضوع نهائي، أدي نفسك فرصة كمان،  
واستخيري واستشيري.

-أنا معاك في الموضوع دا يا أمل، قلت ليك الزول المناسب أضمنه كيف؟

-خلبي نفسك لله واتوكلي عليه، وأكيد ما حيرسل ليك إلا الطيب لأنك طيبة  
يا قلبي.

- إنتِ شايقة كدا؟

مرت الساعات وبالعصر كدا رجعوا بيت ناس آمنة تاني وهبة وريماز جو  
عشان يبيتو معاها في البيت.

هبة: إنتو عارفين أمي حطردني تاني من البيت لو العرس الجاي بقى ما  
حقي، قالت لي بتمشي أعراس صحباتك وما طلعتي ليك بعرис واحد،  
شايڤاني برت للدرجة دي؟

ضحكو كلهم وردت ليها ريماز: خالتو دي قوللي ليها القصة قسمة ونصيب.  
أمل: فعلًا، سبحان الله نصيبك ذاتو ما بتكون عارفو بجييك كيف ومتين،  
الحمد لله بس.

- صباح الجمعة الميمون-

إيمان صرخت: يا بنات قومو سريع الساعة 5:30 الفجر فاتنا.  
أمل وهي بتتشائب: يا بتي شوفي الدنيا كيف ضلام فاتنا كيف؟  
إيمان وهي بتلبس في توبها: أمل، ريماز، هبة، آمنة قومو سريع صلو وتاني  
ارجعوا نومو.

آمنة كانت قاعدة في مصلاليتها وبتقرأ في القرآن: "صدق الله العظيم" ما  
حيث أصحيكم يا إيمان شفتكم تعbanات.

إيمان: آمنة صليتي؟ يا بت ركعتي الفجر خير من الدنيا وما فيها، والصلة  
خير من النوم، ليه يا آمنة ضيعتي علينا الخير دا، أمل قومي وصحيهم أنا  
جارية أحصل أصلني قبل الشمس ما تشرق وتبقى علي صلاة مقتضي ما  
مؤدي.

أمل: إيمان دي مكبة الموضوع كدا مالا.

آمنة: أنا والله خليتكم تنومو عشان شفتكم تعابيني وما حبيت أزعجكم.  
أمل: ما مشكلة يا جميل.

هبة: في شنو جايظين مالكم؟

أمل: دي صحبتك دي قالت الفجر فاتها وعملت دراما!  
هبة: الساعة كم أصل؟ واي 5:30 كدي ليه ما صحيتونا بدرى، ريماز قومي  
الفجر يا بت.

أمل وهي ضاحكة: أنا قلت إيمان طلعت هبة أجنّ منها.

بعد صلو إيمان عاتبت آمنة على إنه كان تصحيها واتكلمو عن فضل صلاة  
الفجر.

إيمان: يقول ﷺ: "مَنْ صَلَّى الصُّبْحَ فَهُوَ فِي ذِمَّةِ اللَّهِ" فما تستهونوا العظمة  
دي، والممحوظ مننا الفاز بفريضته، انتو عارفين يا بنات إنه هو براءة من

النفاق، وفيه نور تام يوم القيمة، والله يا بختنا فيه بشهود الملائكة، وثناؤنا عند الله عز وجل، وكمان الفوز برأوية الله تعالى يوم الحساب، يا بنات أبسط وأعظم حاجة بنسمعها طوالى ياخ ركعتي الفجر خير من الدنيا وما فيها، وغيرها من الشمار العظيمة.

أمل: يا سلام ياخ، اعفي لي إني استهترت بالموضوع جدا.

إيمان: العفو ياخ، يلا قومن العايز تنوم تنوم، أنا حأسوي ليكم الشاي.

آمنة: واعفي لي أنا كمان عليك الله.

إيمان: بس تاني ما تكرريها.

آمنة: حاضر.

في عصر الجماعة البنات كانوا جهزوا وعملوا أي شيء وجو أعمام آمنة شايلين حاجات خفيفة، وأحمد كان ليه حضور مع أسامة والده وعمه، ومازن كمان كان حاضر، وبجاي في مكان النسوان كانت في أم أسامة الأصرت إلا تجي عشان تتعرف على أهل آمنة وأخته الوحيدة أسماء، الخالة تماضر، هبة، أمل، ريماز وكمان شذى.

أمل: بت شذى، قالو لي عندك مفاجأة لي قوليها.

شذى وهي ضاحكة: بت إنتِ يختي، أنا بقبيت مرة ببيتي.

أمل: بطي خلاص، احكي لي.

شذى: طيب يا ستي، والله الحقيقة كلها إنه عندي ليك عريس.

أمل وهي ضاحكة: عريس لي؟ إنتِ جنiti بعد عرستي والله، لكن وريني المفاجآة سريع يلا.

شذى: وليه أكضب عليك أنا جادة والله.

شذى حكت التفاصيل لأمل، وأمل رايها كان بين بين، إنها ترفض أو توافق، فرددت ليه: طيب يا ستي أدينني فرصة أستخير وأديك خبر إن شاء الله.

هبة: بتتها محسن مالكن هو؟

أمل: خلي الشمارات، وقومي جيبي لينا شاي يختي نحنا ضيوف، صحي إنتو إيمان وين؟

هبة: شوفيها واقفة وبين، هناك عايزه تسمع قالت بقولو في شنو.

أمل: متين نطت هناك.

فجأة إيمان جاتهم جارية افروحوا يا بنات، عمي وافق الحمد لله، آها زغرطتو لينا يا بنوت، يمة زينب زغرطتي ياخ، زغرطتو وعمت البهجة المكان، رغم إنه والد أسامة قال نعقد بس أبو آمنة رفض وقال ليهم لمن أخوانى يجو إن

شاء الله، بعد جمعتني نعمل الخطوبة لهم، وكان مستعجلين نتم لهم طوالى، واتفقو على البعد أسبوعين إن شاء الله.

\*\*\*

- صباح السبت - يوم جديد صحت فيه إيمان بكل نشاط بعدها كان عندهم أمس يوم جميل أي ما تم العايزنو بس كانت خطوة إيجابية حصلت لهم، يوم اتمنت فيه الخالة تماضر تكون بتها في العروس الجاية، لكن إيمان آخر من يفكر في العرس، ما لأنها دخلت في علاقة مؤذية أو غيرها، لكن جواها حاجز اتخلق لها إنه ما في آمان لأي راجل، وكل الرجال ديل شبه بعض، بالرغم من إنه ما حصل فتحت قلبها لزول، كانت قافله عليها وبتتبسط بعلاقات صحباتها وحكيائهن. الخالة تماضر كانت بتكتب في كباتين قهوة لها ولإيمان كانت بتكوني في ملابسها جنبها وقالت لها: يا بتي متين حأفرج بيئك إنتِ كمان.

إيمان وهي ضاحكة: أيواه كدا يا حجة هرمونات ال "يا بتي عرسي" قامت مش.

الخالة تماضر بتشيل كباية و بتمشي عليها: أنا جادة، يا إيمان.  
إيمان بتقفل المكوة و بتستلم الكباية من أمها: عارفة يا أمي، بس أنا لسه  
صغرى، وبعدين في أولويات والله عندي أهم من برنامج العرس.  
- العمر ماشي بالمناسبة، ياخ أنا في عمرك دا كنت حامل بيتك، ما فيي برنامج  
أهم من كدا.

- جادة يا أمي قتلوا طفولتك بدرى، أبدًا يا حجة كل شيء مرتب، وكل شيء  
بيدرينا، نحن ما نستعجل رزق الله.

- طفولة شنو يا بتي بسم الله بقيت مرة كبيرة، وكان ما اللحمية القامت لي  
وشالو منها الرحم اسي كان عندي أولاد وبنات كتار يسمعو كلامي ما زيك،  
لكن الحمد لله بس.

إيمان وهي ضاحكة: واي يا أمي طلعتيني عاقلة عديل، الحمد لله لخير وربنا  
عوضك بي بتخت الكباية و بتلبس في عبایتها آها طالعة معاي ولا قاعدة  
أمشي وأجييك المساء؟

- يحليلها أمل كانت مالية علينا البيت والله وونستنا وقدرت تفرق بینا، لا  
طالعة ماشة أشوف زينب كيف من جوطة وتعب أمس، آمنة ماشة معاك  
الدار ولا ماشة براك؟

-أي والله مش يومين بس فرقت معاي، لكن حتجي تاني نهاية الإسبوع  
الجاي إن شاء الله، أما عن آمنة أي ماشة، لكن ما حادخل لخالتني زينب عشان  
الزمن حيضايق إلا وأنا راجعة، يلا أرج يا ست الحباب، وما تشغلي بالك بي  
كتير.

-الله يصبرني بس قال ما تشغلي بالك بي قال، قومي أطلع لي.  
البيتين مشو مركز التحفيظ ورجعو زي الساعة 12 كدا، اتكلمو عن يوم أمس  
وقدر شنو كان حلو، وفكرو في يوم بكرة كمان إيمان: أنا شايفة إنه ما في  
داعي نرجع الشغل القديم.

-ليه؟

-مفروض نبدأ في مشروعنا الخاص، ونبدأ إجراءات شركتنا الخاص.

-ومن أين لنا ثمن المال فنشريها؟

-يا شيخة باسم الله، نخاد قرض من البنك ونبدأ الإجراءات بس.

-أول مرة أسمع بإجراءات شركة بتعمل بالبنك، يا بتي كدي خلينا نسأل ناس  
عندهم شركات ونشوف وصلو كدا كيف.

-بس ما نبدأ باسم عمل، يا زولة بتتسهل إن شاء الله.

لمن وصلو البيت وسلمو على الخالة زينب وعملو ليهم قهوة وقعدو اتونسو مع بعض، إيمان جاتها مكالمه من أحمد، فساقت آمنة ومشو على غرفتها هناك، قالت ليها: الباشمهندس دا متصل لي، وأمي لو عرفت بيه ساي حتشغلها لي بيه، خليك معاي هنا أرد ليه تمام؟

-طيب أسرعي قبل ما الخط يقفل.

-ألو، وعليكم السلام ورحمة الله.

-معليش لو اتصلت في وقت متاخر، والسلام عليكم ورحمة الله وبركاته.

-يا باشا دا الظهر متاخر كيف؟

-شاييف رديتي متاخر عشان كدا!

-آيوة نعم، احتمال يكون التلفون في الشاحن، واحتمال بصلني في الظهر، ضع لأنك سبعين عذرًا ياخ.

-للا لا عذرتك تب، كيف حالك؟

-الحمد لله في نعمة وأنت؟

-الحمد لله، اتصلت عشان أعرف بكرة جاين ولا لا، عشان أقدر اتصرف.

-للا لا اتصرف ساي يا باشا.

- الإِجابة وصلت، ياخ ما تعقدي الموضوع يا إيمان خليكِ عاقلة وانزلي  
الشغل.

- يا باشا أنا ما معقدة الموضوع أنا اتخذت القرار، البيئة دي بقت ما صالحة  
إني اشتغل فيها، وسامته بالنسبة لي، فليه أخت نفسي في مكان زي دا؟  
- بنغير ليكِ المكتب طيب.

- لو قلت ليك حاجي حاكون كذبت عليك، وما عايزه أصل مرحلة زي دي،  
في حاجة تانية ولا أقفل خلاص؟

- صعببة جداً إنت والله، ايواه في، اتصلت على مروان واتلاقيت معاه وطلع  
شاب محترم جداً وراقي وصاحب اسم، وأنا مبدئياً كدا موافق عليه لكن  
حنأجل البرنامج بعد برنامج أسامة إن شاء الله.

إيمان نطلطت من الفرح وقالت ليه: بالعكس ياخ، عشان الفرحة تكون فرحتين  
اعملوهم سوا.

- ما في طريقة والله، بعدين صحبتك لسه في حالة اكتئاب، وشابكاني  
التعافي وشنو كلام كتير كدا.

- أنا فاهمة عليها، خلاص حأتصل ليها بعد شوية إن شاء الله.

أحمد ودع إيمان بعد ما صعب عليه إنه يقنعها إنها ترجع الشغل لكن قال  
دي محاولة ولسه في كتير، أما إيمان مع آمنة فرحو شديد لأمل، إيمان قالت  
إنها حتتصل ليها، وحاولت كم مرة بس أمل ما ردت ليها، فقررت تمشي ليها،  
استئذنت من ناس آمنة ومن أمها ومشت عليها في البيت، أهل أمل واللي  
هم أهل أحمد بعرفو إيمان من زمان في لمات الأسر، وفي الإفطارات  
الجماعية حقات دفعتهم، في برامجهم حق التأني وكدا.

إيمان زمان ما كانت عارفة إنه أمل صحبتها عندها أخو اسمه أحمد إلا في  
عرس شذى وعرفت صدفة فهي نست تماماً إنهم حيكونو في نفس البيت؛  
لأنهم أخوان، دا غير إنها متعددة تمشي ليها وما حصل مرة اصطدمت بيها  
في بيتهما أبداً، ففتحت ليها أميرة الباب وسلمت عليهم كلهم، ومشت لأمل  
في غرفتها لقتها عاملة طقوس أحزان عجيبة، شيء أغنية حزينة، وشيء  
بخور وبكاء.

إيمان مشت فتحت شبابيك الغرفة، وقفلت المسجل المشغلة بيها الأغنية:  
يا بتي مالك، أمس مش كنت كويسة وفرحتي معانا وأي شيء؟  
أمل وهي بتتبكي: فرحت عشان آمنة بس ما كنت مستوعبة إنه أسامة هو  
العرис ذاته.

- أمل، لو أسامه خلى آمنة وجاك حتوافقي؟
- لا ما حاوافق، لأنه ما حاقدر أصلًا، بس دى طقوس طبيعية مفروض أمر بيها.
- فاهمة عليك بس ما تأذى نفسك كدا، طيب حبيبي بتقدري تمشي تتعدي معاي تاني يومين تلاتة؟
- الفترة دي اعفيني لكن الجمعة الجاية بجيوك إن شاء الله وبقعد معاكم الأسبوع كله إن شاء الله.
- اسي ما بقدر أخليك كدا نهائي، طيب أرح نطلع، رايوك شنو نمشي على البحر الجنبكم دا ساي زي ما كنا بنعمل زمان.
- يا ليت بس ما بقدر يا إيمان.
- إيمان أقنعت أمل إنها بتقدر، وما تغش عقلها الباطن بكلمة ما بقدر، وإنه كل البتمربيه دا طبيعي، فهمتها الفرق بين التعلق الوهمي وبين الحب، وبين إنه العقل مستوعب إنه البحصل دا غلط، بس القلب فيه شيء شبه انكسر لكن حيمرباً ذن الله، أمل ليست عبایة وشيش بشيت وطلعو مع إيمان.
- أميرة: إيمان جبت ليكم شاي ماشين وين؟

إيمان وهي ضاحكة: يا بتي ليه تعبي نفسك كدا، كان تعملي عصير على السريع بس، شكراليك ما بتقتصري طالعين مشوار وراجعين.

أمل: اشربي الشاي يا بت وبطي حركات.

إيمان: ما عايزه يا بتي أنا، بأخرنا و إنت عارفة إني ما بشرب حاجة حارة إلا يبرد وكدا والشمس حتغيبلينا.

أميرة: ماشين البحر ولا شنو؟

أمل: ايوة وكلمت أمي.

أميرة: سوقوني معاك والله ما بتكلم ليكم، وبشيل ليكن الشاي في سريمس.

أمل: يا بتي أحمد لو رجع ولقاك ما في بقتلك بعدين.

إيمان فجأة استوعيت إنه دا بيت أحمد برضو، ارتبكت وخلاص قربت تسريح من الخوف إنه يلاقيها هنا وقالت ليها: أرح البسي سريع خلينا نطلع، قبل ما أحمديجي.

أمل: مالك فجأة صوتوك اتغير يا إيمو، والله بشاكلها هو لا بعرفني لا شيء بعددين، مانعاها تمشي البحر، وتحتخت ليه الغداء هي لمن يرجع.

إيمان: معانا نحنا الاتنين ما حيسأله، بعدين ما تكتميها على البت لسه  
صغيرة، غداء شنو التختو ليه ينتظر بس لحدى ما نرجع، خرجع قبل المغرب  
إن شاء الله.

أميرة ما صدقـت جـرت لـبـست عـبـاية وـكـبت لـيـهـم الشـاي فـعـلـاً فـي سـيـرـمـسـ،  
ولـقـت بـسـكـوـيـت قـاعـدـ في دـوـلـابـ المـطـبـخـ شـالـتـه لـيـهـمـ، وـأـشـاءـ ما فـتـحـوـ الـبـابـ  
كـداـ، لـقـوـ أـحـمـدـ فـي وـشـهـمـ، إـيمـانـ شـافـتوـ وـهـلـعـةـ سـايـ وـقـعـتـ فـي الـأـرـضـ.

三

بعد عشرة دقائق إيمان صحت لقت روحها في غرفة أمل، وجبتها أميرة، أول ما شافتها فتحت كوركت: يا أمل تعالي إيمان فتحت.

إيمان: ليه مالي في شنو؟ بعدين مش مفروض نكون في البحر؟  
أمل بعد ما دخلت عليها: إنتِ خلطي فيها بحر بعد دا، وقعت مالك بعد شفتي  
أحمد؟

إيمان اتذكرة الموقف وحست بِأحراج، قامت ضحكت عشان تغير  
الموضوع: بسم الله، أَحمدُ شنو البقع لمن أشوفه ما أنا شغالة معاه كمان،  
لكن تكون جاني هبوط بس.

أمل بتحاول تصدقها: طيب يا ستي صدقتك! بتقدري تقيفي على حيلك؟

إيمان: يا بت قالو ليك أنا معاقة مالي ما بقدر؟  
أحمد دق ليهم الباب، ونادي عليهم: ممكِن أدخل؟  
أمل: أدخل يا سيدى.

أحمد: سلامتك يا باشا عافية، مالك عيانة؟  
إيمان: لا، هبوط عادي.

أحمد: طيب، خلينا نمشي المستشفى نعرف عندك شنو؟  
إيمان: مشكور يا باشا أنا بقدر أقيف، حاجة عابرة ومرث.  
أميرة: إنتِ متأكدة إنك كويسة؟

إيمان: يجامعة والله جد كويسة، الزمن ما مشى كتير، بنقدر نمشي مشوارنا؟  
أحمد: معيش بس ماشين وين؟  
أمل: ماشين البحر وراجعين.

أحمد: لا يا أمل معيش بس ما في طريقة تمشو البحر زي الزمن دا، تكون  
كله شماسة وما ظريفة ليكم كبنات.

أميرة: طيب حاجيب ليكم الشاي هنا.

أمل: حتى الغداء أول وبعدين نشرب الشاي، أمي بتكون جعانته، بالمناسبة  
أمي قلقت عليك شديد ومنتظرك من قبيل برا.

إيمان: يحليلها ياخ، ربنا يديها العافية، خليني أطلع أوريها إني كويستة،  
واعفيني من برنامج الغداء، أمي براها في البيت وما حتأكل من غيري، فاشنو  
أنا حاطلعن.

أحمد: ما في كلام زي دا يا هندسة حتتغدي وحتشرب الشاي وحتونسي مع  
صحتك، وأنا وصحتك حنوصلك للبيت فما تشيلي هم الرجعة.

إيمان: لكن...

أحمد: من غير لكن، يلا أميرة امشي حتى الغداء، عن إذنكم.

أمل: خلاص كلمة وغطاها، بس بصراحة كدا الاتنين طلعو وريني مالك  
ارتباكتي لمن شفتني أحمد.

إيمان: بصراحة بصراحة أول مرة أشوفه في بيتكم، وقبيل اتكلمت معاه  
بطريقة ما كويستة.

أمل ضحكت وقالت ليها: أيواه كدي اعترفي يجميل، بالمناسبة أحمد ما بشيل في قلبه، فما تشتغلني بالموضوع كتير.

إيمان قعدت مع أمل بعد المغرب، وتناني ما لاقت أحمد إلا وقت دخل عليهم في الغرفة، واستغرقت جدًا، حاولت تفتش عنه بالعيون، بس ما ظهر لهم خالص، بعد داك حست بالزمن واستئذنت أهل أمل إنها لازم ترجع لأنه الزمن أتأخر عليها، أمل أصلًا ما طلعت عبایتها، شافت تلفونها واتصلت على أحمد إنه يجي عشان يقدمو إيمان، مع إنه هي منعتها.

بيت ناس أمل عبارة عن قطعة 800 متر مربع، مبني في النص نظام طابقين، وعندhem حوش كبير من أربعة جهات، المطبخ الرئيسي في البيت خارجي، وفي مظلة قدام المطبخ، جهة الباب الصغير للبيت، ودي الكانو قاعدين فيها ناس إيمان قبل ما يدخل أحمد منها. أحمد جاء لابس تيشيريت أبيض نص كم، وبنطلون أسود، وديك يالريحة تسوّي كدي، دي اللفت نظر ناس بيتهem ريحته الجديدة، أميرة حبت تشاغله كالعادة: وريتنا يا باشا، دي شنو الحركات دي ريحه جديدة ما اتعودنا عليها، ماشي تخطب ولا شنو؟

أحمد دقها في رأسها وقال ليها: انكتمي عشان ما أوريك عروض يا بت.

أميرة ضحكت: أنا أختك حبيتك معقول توريني عروض يا أبو حميد؟

أحمد: يلا اسكتي بس.

أممهم الحاجة هنادي: إنت يا بتي نومي معانا الليلة وامشي بكرة.

إيمان: يا ليت يا يمة هنادي بس لازم أمشي عشان أمي في البيت براها،  
بعدين مفروض تكون زهجتو مني أنا من قبيل معاكم ياخ.

أمل: لو قعدتي معاي العمر كلو ما بزهج منك أنا.

إيمان: حبيبي يا أمل، عارفة يا قلبي ما بتقتصرو والله وعاينت لأحمد اللي  
لفت نظرها زي ما لفت نظر الباقين، وأصلاً دا الدايريو أحمد إنه يلفت نظرها،  
بس بعدين ما اهتمت بالموضوع شديد وقالت ليه: ما في داعي تتعب نفسك  
يا باشا وإنك بكرة عندك دوام، أنا حاركب من الزلط برا، البيت ما بعيد.

الخالة هنادي: يا بتي باشا شنو وحركات شنو قولي ليه أحمد ساي، دا زي  
أخوك يا هو أخو أمل وأمل أختك ولو قلتني ليه أبو حميد ذاتو تكوني ما  
قصرتي.

كلهم ضحكوا وأدت القبول بکدا إلا أحمد مشى فتح باب الشارع طلع  
العربية واتحركو، أمل عاينت وراء لإيمان: انبسطت بجيتك والله يا إيمو بس  
لو سمعتي كلام أمي وبيتي معانا تكوني ما قصرتي.

إيمان: يا أمل إنت عارفاني ما بتتردد في إني أبيت معاكم زي ما كنا بنعمل  
زمان عادي، بس الآيام دي إنت عارفة المانع! وغمزت ليها  
أمل: آي، صح، خلاص خير فهمت.

أحمد: زمان؟ زمان متين؟ أنا أول مرة أشوفك في بيتنا الليلة.  
إيمان: وأنا كمان أول مرة أشوفك.

أمل: ما هي عشان تلاتة مرات بس، مرتين كدي فما صادف اتلقيتو.

إيمان: أجي؟ خمسة مرات، مرة نحنا الخمسة وقت أيام امتحان الكيمياء حق  
الشهادة، ومرة يوم رجعنا متاخيرين بعد الافطار الجماعي حق دفعه هبة  
وريماز المعاهم في الجامعة وكان قريب ليكم، ومرة وقت خالتو وعمو جو  
من الحج.. اذكرتي ولا أزيدك؟

أمل: آي والله، اذكرت والمرتين، مرة منهم وقت مشينا لخالة شذى في  
المستشفى جيتو معاي إنت وآمنة.

أحمد: ما شاء الله عليكم والمرة الأخيرة وين؟ دا كلوا هين الكلام دا كلوا وأنا  
وين؟

أمل وهي ضاحكة: المرة الأخيرة دي الزمن فات ليهم برضو، لكن أسأل نفسك  
والله إنت كنت وين؟

أحمد: ظريفة لكن!

أمل: خلاص ما تزعل.

أحمد: طبعاً يا باشمهندسة إنت مُصرة على بكرة مش؟

إيمان: كلامي ما بعيدو وما قاعدة أكدو يا باشا.

أحمد: وأنا حائيد وأقول إنك صعبة، بس ما علينا أسي أمي قالت ليك شنو؟

إيمان اتصدمت: قالت شنو؟

أحمد: تناديني منو؟

إيمان: آها طيب يا أح أح أحمد.

أمل: أجي صعبة للدرجة دي؟

فجأة ضحكوا كلهم، وأمل ما خلت إيمان في كل دقيقة تسائلها وتنتكلم معها،

لحدى ما وصلوا، في البيت إيمان لقت رجع أبوها من السفر، والخالة تماضر

حلفت عليهم إلا ينزلو ويشربو الشاي، وإيمان عملته لهم سريع وودعتهم.

بعدها بدقيقة بس الخالة تماضر مشت لإيمان في غرفتها: احم احم.

إيمان: اتفضلي يا حجة.

الخالة تماضر بغمزة: ما قلت لي إنه أمل عندها أخو راقبي ووجيه كدا، وكمان

بقولو شنو الشباب ديل، آي مز.

إيمان: أنا ذاتي عرفت جديد زيك يا أمي.

الخالة تماضر: علي أنا عاد؟

إيمان ضحكت: وأكذب عليك لشنو يا أمي، بس فهمتك عايزه تقولي شنو،  
أولا دا الباشمهندس أحمد ذاتو الحكيت ليك عنه أول أيام لي في الشغل هو  
ذاته أخو أمل، ثاني شيء أنا وهو ما بنتفق مع بعض نهائياً، وعشان تشيليه  
من رأسك هو خاطب بت خالو، وأزيد عليك أسي خالي هنادي قالت لي  
أخوك زيو زي أمل، اها كدا كيف؟

الخالة تماضر ضحكت وقالت ليها: دا المهندس القلتي كعب؟ هوبي يا بتي  
بعد دا وجبت عليك صلاة الحاجة عديل.

إيمان وهي ضاحكة: أجي يا أمي، حاجة شنو؟ وأنا أسي قلت أمي ما بخليها  
براهها في البيت عشان الحاج مسافر وكدا، بس شنو بعد رجع عايزه تتخلصي  
مني سريع كدا؟

الخالة تماضر: والله يا إيمان أنا زي كل أم عايزه أشوف بتي عروس زي باقي  
الأمهات فرقى شنو منهم؟ ما ممكن تفرجيني؟ بعدين إنت جيتي واحدة

بس...

قاطعتها إيمان: خلاص يا أمي وعد مني أول عريس يتقدم لي بعرسو طوالى،  
بس بشرط هو يتقدم براه ما تجيبيو إنتو، كدا كويس؟  
أمها باستها وقامت فرحانة طوالى وقالت ليها: كويس طبعا.  
طلعت وقالت لنفسها: "وحيجي براهو كيف دا وإنـتـ بـتـرـفـضـيـ لـيـ فـيـ الرـجـالـ  
وكمان بتخوـفيـهمـ،ـ أناـ حـأـورـيـكـ حـيـجـيـ بـرـاـهـوـ كـيـفـ"  
ـأـمـاـ فـيـ الـعـرـبـيـةـ عـنـدـ أـمـلـ وـأـحـمـدـ  
ـقـبـيلـ وـقـتـ قـلـتـ لـلـبـاشـمـهـنـدـسـةـ تـبـيـتـ مـعـاـكـمـ وـقـالـتـ لـيـكـ عـنـدـهاـ مـانـعـ،ـ المـانـعـ  
ـكـانـ شـنـوـ؟ـ  
ـأـجـيـ يـاـ وـدـ أـمـيـ،ـ إـحـتمـالـ كـلـامـ سـرـبـينـ بـنـاتـ!  
ـطـيـبـ أـقـولـ لـيـكـ،ـ عـشـانـ أـنـاـ فـيـ الـبـيـتـ?  
ـلـاـ لـاـ،ـ الـعـفـوـ يـاـ أـخـوـيـ،ـ عـشـانـ أـبـوـهاـ مـسـافـرـ وـأـمـهاـ بـرـاـهـاـ بـسـ دـاـ السـبـبـ.  
ـجـادـةـ؟ـ  
ـآـيـ وـالـلـهـ،ـ وـبـعـدـيـنـ مـاـ عـرـفـتـكـ يـاـ أـخـوـيـ،ـ تـشـيرـتـ جـديـدـ،ـ وـرـيـحةـ جـديـدـةـ،ـ وـلـوـ مـاـ  
ـبـخـافـ الـكـضـبـ كـانـ قـلـتـ الـبـنـطـلـونـ دـاـ جـديـدـ.  
ـآـهـ وـيـعـنـيـ،ـ عـايـزـ أـخـوـكـ يـلـبـسـ قـديـمـ?  
ـلـاـ أـبـدـاـ،ـ مـاـ فـيـ حـاجـةـ!ـ بـسـ...ـ

-قولي يا أمل كل الفي بالك ما بسائلك والله.

-قول والله!

-كان ما عاينه تقولي خلاص.

-لا، حأقول، ليه لمن يجوني صحباتي أو بنات خالي وأمي بتقول ليك وصلهم  
بترفض إلا بعد تحانيس وحتى بعد التحانيس دي بترفض، وأسي طوالى  
وصلتنا بدون عناد حتى.

أحمد رفع حاجبو وعاين ليها وتاني رجع عاين في الشارع: بالله هو كدا، طيب  
يا ستي وإنْتِ ليه ما حصل جيتي سألتني السؤال دا في وقته؟ على العموم  
أنا حأجاوب ليكِ من غير لف ودوران، لأنَّه كان بنات خالي كان صحباتك  
ديل أنا نفسيًا ما بكون مرتاح لهم في البيت، خلي لمن أوصلهم لمكان، إنْتِ  
ما بتلاحظي لتصرفاتهم وحركاتهم المن غير خجل دي.

-آي لاحظت والله، بس...

-وأتم ليك، الباشمهندسَة معاي في المكتب بعرفها قبل ما أعرف إنها  
صحابتك، وعارف أخلاقها شنو، والحمد لله ما شفت منها تصرف شين، أي  
نعم أسلوبها صعب. "سكت وابتسم واتذكر كم موقف كدا وواصل كلامه"  
والله ما عارف أقول ليك شنو، بس هي البت الحربية، وبس.

- البت الحربية؟ هو صراحة إيمان ما فيها كلام، وأنا من زمان بحبها، ياخ ما فيي زول في الشلة ما بحبها، بتسمعنا و بتقييف معانا، وبتدافع عننا كلنا من زمان وللآن، وبالذات آمنة دي أقرب ليها واحدة، لكن هي مميزة كل واحدة فيينا بطريقتها الخاصة، كلنا في قلبها وهي عندها مكانة في قلوبنا كلنا. أمل سكتت وصرخت: أَحْمَد ياخ أنا والله بحب البت دي وبتمنى...  
- يا بت ما تكوركي عرفناك بتحبها، آها وبتمنى شنو؟

- ولا شيء.

- لا قوللي، سريع عشان نحنا داخلين على البيت.  
أمل اتكلمت بصوت هادئ شديد: بتمنى لو إنها كانت أختي ومعاي في البيت، بس في النهاية هي أختي من رحم الأيام مش؟  
- دا ما كلامك، لكن آي مش، كدي انزلني افتحي لي الباب دا.  
نزلت أمل فتحت باب الشارع لأحمد ودخل العربية بعدين كل واحد فيهم مشى لغرفته، وشايل همومه وأحلامه الفي باله، كان أسامه، أو آمنة، لإيمان وأمل، وكمان أحمد.

\*\*\*

في صباح يوم الأحد إيمان شالت لابتوتها ومشت لآمنة وحكت ليها كل الحصل أمس، وصحتها اتفاصلت معها بالضحك من الدراما الواقعة فيها. هم ما حکو لأهاليهم الحصل ليهم في الشغل، فاتحجو بـإنه عندهم إجازة مفتوحة لحدى خطوبة آمنة، قعدو يفتشو عن تجارب سابقة عن ناس بنوا شركات فكان هدفهم يعرفو المطلوب والناقصهم شنو، ويبدو يعالجوا عليه.

- بتعرفي ليكِ محامي يا بت يا آمنة؟  
- لا، ليه؟

- لازم يكون عندنا محامي عشان التسجيل التجاري.  
- حافتتش إن شاء الله.

- طيب! بيبي وبينك كدا يا بتني نعمل اسم عمل للمشاريع الصغيرة والمقاولات ونشوف لينا مهندس مدنى ينضم لينا، ولا نكبرها لشركة وبكدا تكون زدنا الالتزامات علينا.

- أنا شایفة الخيار الأول أسي أفضل، خلينا نطلع القمة درجة درجة، لكن شایفاك مُصرة إلا على الشركة.

- أنا ما مصرة عليها، بس ساعية لموضوع الشركة كحلم كبير، لكن كهدف ما مشكلة نبدأ باسم العمل أول.

- طيب، شوفي المناسب وأنا معك.

- آمنة، أنا رقبي وجعنتي وأنا من قبيل مدنقرة في الابتوب دا، وإنْتِ شغالة  
بتلفونك بتتكلمي مع منو؟

آمنة وهي ضاحكة: بتكلم مع خطيبني.

- خلاص جنיתי، يا بتي أوزني زمنك بين الحب وبين العمل ومشاغل الحياة.  
- دي غيرة ولا شنو؟

- ما فهمتك، غيرة من شنو؟ آمنة إنْتِ بتنهظري ولا جادة.

آمنة وهي ضاحكة: أكيد بهظر معاكِ ما تنفعلي، أنا كنت بفتش في قروب  
الأسرة عن محامي.

إيمان ضحكت: طيب ما تقولي من الأول، أجي في داعي للزي دا.

- كنت عايزه أشوف ردة فعلك بس، بعدين إنْتِ عارفة إنه أسامة لو ما بقى  
زوجي على سنة الله ورسوله مستحيل أتكلم معاه كلام عن الحب وما أدراك.

- واثقة منك يا قلبي، يلا يا آمنة عشان الزمن ضايق أنا طالعة ماشه الجمعية،  
لأنه أمل حتلaciini وحنشي سوا.

- طيب حاو اصل الشغل أنا.

- عليك الله ما نفسكِ تدخلني معانا؟

- إيمان أنا ما عارفة إنتِ كيف قادرة تشقّي في الناس ديل وتشتغلّي....  
قاطعتها إيمان: خلاص خليكِ، يلا سلام.

إيمان وأمل شغالات في جمعية "فرحتي معهم" جمعية صغيرة مهتمة بالأطفال الأيتام عامة، وأطفال الشوارع خاصة، وعشان الشتاء بدأ يدخل في موجاته فعايزين يبدو في اجتماعهم لمشروع الكسوة الشتوية ودي عبارة عن بطاطين وسيورات بتتوزع حسب الإحصائيات العندhem عن الفئة المستقطبيتها، البتين مشو حضرو الاجتماع، وطلعو بعد صلو الظهر مشوا مطعم عشان يفطرو.

- سرحانة وين يا إيمان؟

- أبداً ما سرحانة قاعدة أفكر بس، الشتاء بجي كل سنة بالشكل نفسه، والتأثير نفسه وكل سنة بتكون في ناس عندهم حوجة أكثر للبطاطين من السنة القبلها، بعدين بقى غريب دا بقى بقتل عديل.

- حكمة ربانية، ما غريب إلا الشيطان، أمس نمت كيف؟

- حلمت بيكمان، كيف يعني نمت كيف يا أمل؟

أمل ضحكت: والله حيوانة بشكل طبعاً صدقت إنك حلمت بي، أمس أحمد شكرك لي كمان.

-أحمد منو؟ آها الباشمهندس، بالله شكرني ولا نبذني؟

-بالعكس ياخ، أحمد دا طيب والله يا إيمان، صعب مرات بس الطبيعي  
لطيف.

-ربنا يحفظكم لبعض.

إيمان حكت لأمل عن موضوع الشركة، أمل اتفاصلت معها بحماس وانو هي  
موجودة معاهم دايما ولو بتقدر تساعدهم في أي حاجة ما حتردد طوالى، بس  
لازم يمشو خطوة ويرجعوا خطوتين لوراء، عشان ما يتغترو، حتى لو شركتهم  
فشللت دي ما نهاية الطريق يواصلو لحدى ينحو تاني بإذن الله.

-شكراً لوجودك يا قلبي.

-العفو الأصحاب لبعض ياخ، بعدين العمليه معاي ما هين.

-أجي، عملت شنو؟

أمل وهي ضاحكة: لا ما تجي، جاية وين، العمليه كتير يا قلبي، كفاية  
وقفتك معاي الأيام المضت دي وما حستيني إني وحيدة.

-ظرفية لقيتك، قومي أرج نطلع، وما تحسبي حاجات زي دي بينا لأنه دا  
الواجد، بس لو دائرة الحساب الجد، ادفعي الحساب دا.

أمل ضحك ودفعت عند الكاشير وجات: يا شيخة تاكلني قدر دا وتدفعيني  
دا كللو.

-ما براك عاملة فيها حساسة وكدا اعمل ليكِ شنو!

إيمان وأمل رجعوا بيوجتهم، وكل واحدة شالية في جواها الحب للثانية  
والامتنان، كل واحدة فيهم عارفة إنه لو وقعت حتلقي الثانية قريبة ليها،  
وسند بالنسبة إليها، بالرغم من اختلاف شخصياتهم هم الصحبات الستة إلا  
كل واحدة مميزة بطريقتها الخاصة، وكل واحدة شالية من اسمها ميزتها دي  
ودي براها هبة من ربنا ليهم من الأمل، للإيمان، والآمان، واللي هي فعلًا  
شذى لأيامهم، وريماز كمان.

مرت الأيام والمدير طلب من أحمد إنه بعد دا يتصرف ويرجع المهندسين  
الشغل لأنه في تراكمات في الشغل ونقص في الموارد البشرية، أحمد كلام  
المدير إنه حاول معاهم أكثر من مرة بس مُصررين على قرارهم، وهو لسه المدير  
ما عارف القصة من طلوعهم. أحمد شاكل المهندسة سامية على طريقة  
كلامها من أول يوم عرف فيها بالقصة وهي اعتذرته منه، لكن ما اعتذرته  
من إيمان وأمنة. المهم بعد أسبوع أمل وأمنة مع إيمان كم يوم كدا، وآخر  
سهرات وونسات وقهوات بالعصر.

أعمام آمنة جو من البلد خلاص، أبوأسامة أتصل لأبوآمنة وأقنعوه إنه لازم يقلبوه عقد عشان العرس يكون في أسرع فرصة ممكنة وشرح ليه وضع ولده وعن سفره الممكّن يجي فجأة، فوافق عم إبراهيم على كدا، كانو كلهم عارفين إنه عقد عدا آمنة مفتكرة إنها خطوبة زي ما اتفقوا، وهنا كانت المفاجأة. مرا الأسبوع سريع ويوم الاربعاء أمل وإيمان مشوا يعزموا الجيران وأهل آمنة الوصفتهم ليها الخالة زينب، أما عم إبراهيم فقرر يعمل ليها صالة متحركة، في صباح يوم الخميس.

إيمان قررت تشتري لآمنة فستان هدية، بس القروش ما كفتها بالرغم من إنه أمل قررت تتم معها، إيمان دمعتها جرت وقالت ليها: أصلًا دا كان عهدهنا من زمان يا أمل إنه الحتعرس أول تشتري للثانية فستان للعقد، وما مصدقة إنه آمنة خلاص حتى تكون عروس وحتمشى تخليني هنا برأي.

أمل: أنا قاعدة معاك يا بت براك كيف، بعدين إنت قاعدة في بيت أبوك لمتين؟

أمل اتصلت على أحمد وكلمته إنهم ماشة السوق مع إيمان، أحمد قال ليها خليها للمساء، حأسوق العربية وأجي عليكم؛ لأنه أسامة برضو ماشي السوق، فوافقت على كلامه. أما عن أسامة عزم ناس المكتب كلهم على

العقد، بعد الظهر كدا هبة وريماز جوا على بيت آمنة وشايلين معاهم هدايا  
لآمنة مكياجات.

أمل: يا الله كدا جد سهلتو علينا حاجات كتيرة بدل جوطة الكوفير وما أدارك،  
يا رب الميكب ارتيسست حبيبتنا شذى تجي، وفضل تاني نشتري بس  
الفستان.

ريماز: شذى جاية أصلًا، هي الكلمتنا نجيب الحاجات دي، بس فستان شنو  
التشتروه زي الزمن دا؟ كان تقسوه مثلًا أو تأجرو فستان، لأنه من غير  
مقاسات ما حيزبط.

أمل: آمنة بحجم إيمان، يلا أحمد أخوي قال إلا بعد المغرب حتى نمشي  
السوق.

هبة: كدي قعدوني هوي وجيبو لي العصير وبالمناسبة زي ما قالت ريماز  
شذى جاية بس متين الله أعلم، إنتو عارفين حركاتها وتأخرتها.

آمنة جات داخلة عليهم وسمعت كلمة شذى جاية دي وقالت ليها: جادة يا  
هبوش.

هبة: جيتني من وين إنتي اسي لو كانت عاملها ليك مفاجأة؟

بعد صلاة العصر اتصلت أمل على أحمد تاني وسألته إذا حيجي يسوقهم ولا حبشرهم.

-أمل من الآخر كدا أسامه عايز يشتري الدبل برضو فحيجي معاي برضو.

-أحمد أنت جادي كدا؟ جادي؟

-هبلة إنت؟ جادي آي، بس إنت كوني جاهزة وما تأخرينا كالعادة.

-حاضر حبيبي.

-حباك برص، يلا طيب لبعدين.

-يلا يا بنات، الفرج من الله الحمد لله، الجماعة ديل مؤكد جاين لأنه أسامه داير يشتري الدبل كمان...

إيمان: احلفي، يا دبلة الخطوبة، زغرطتو علينا يا بنات.

هبة ضحكت: اهدوا شوية يا مجنونات.

قريب للغرب كدا اتصل أحمد لأمل وقال ليها: نحن متحركين عليكم، حنصللي المغرب في المسجد الجنبكم إنتو اجهزو يا حلوبين.

أمل: حاضر، إيمو قومي اجهزي أبو حميد اتحرك خلاص.

إيمان: طيب، كدي أخت تلفونني في الشاحن.

في الحوش أم آمنة شافت إيمان جارية وشالية جردن الحمام: ما تستحمي  
زمن المغرب يا بت يا إيمان.

-بس أنا طالعة يا خالتوا.

-حمام المغرب كعب اتشطفني.

-طيب حاضر، دائرة حاجة من السوق؟

-الحمد لله كل شيء تامي، وإنتم ما قصرتو والناس كلها ما قصرت والله.  
وصل أحمد وأداهم بوري من العربية فطلعوا ليه.

-إزيك يا أبو حميد، أسامة كيفك يا عريس؟

-أموله ياخ مشتاقين والله البيت من غيرك مسيخ شديد.

-بطل كذب يلا، عارفاك مبسوط لأنه ما مضائقاك في الشاشة.

-في دي صدقتي والله.

أسامة: أهلين يا أمل، إيمان كيفك؟

إيمان: الحمد لله كيفكم إنتم يا بشوات؟

أحمد: الحمد للله.

مشوا طوالى على المول بالرغم من إنه بعيد ليهم إلا إنه الحاجات كلها  
متوفرة في بقعة واحدة وما حيضطرو يتوزعه. أما عن أحمد قعد في العربية

والتلاته الباقين نزلو وبعد ساعه زمنيه كامله لفوا عشان يشتروا الفستان بس  
وما اتفقوا عليه نهائي.

إيمان: هوبي، أنا تعبت امشوا إنتو، أنا حانتظركم في أي مكان.  
أمل: يا الله، تلفونك وين طيب؟

إيمان ابتسمت: نسيتو في الشاحن.  
أمل: شاطرة، وأنا حقي قافل كهرباء.

أسامه: خلاص نحنا حنمسي وإنتم ارجعى عند أحمد، عشان تلفونه معاه.  
إيمان: خلاص خير لو احتاجو حاجة اتصلو عنده بجيكم طوالى.

بعد الساعة دي آمنة قلقت عليهم لأنو طلعوا من غير تعرف مشو وين.  
أسامه مشى على الحمام، وخلی تلفونه عند أمل في اللحظة دي اتصلت آمنة  
على أسامه، ردت عليها أمل على أساس إنه تلفونها من النغمة.  
-آمنة أحكي.

-منو معاي؟ أمل؟

-بس الله مالك يا آمنة؟ ضاربة غلط؟

-لا ضاربة بس أنا ضاربة عند أسامه، بس كويسي إني لاقيتكم إنت قلقت  
عليكم شديد وين إنتو؟

- ما انتبهت والله، نفس النغمة والله، معليش يلا هو مسكنى تلفونه واختفى  
فجأة من قدامي.
- طيب تلفونك مغلق مالو؟ ووين الهبلة الثانية ديك؟
- بحكي ليك لمن نرجع البيت، بس ما تخافي علينا نحنا في الطريق.  
أسامة جاء على أمل وهو فرحان شديد إنه أخيراً لقى فستان مناسب.
- ود حلال بس حظك زي وشك، آمنة ضربت أسي ورديت عليها.  
آمنتني يا سلام، حظي سمح بس زي وشك إنت؟
- لا يا باش ما عرفتك والله، بعدين هو إنت لاقيء وشي؟
- كدي تعالي معاي عايزة أشوف رائك في فستان كدا جميل، في المحل داك.  
وأشربيده على محل ملابس فاتح جديد.
- كدي أرح نمشي عليه من قريب.
- إيمان طلعت برا ولقت أحمد في العربية، وشغال بتلفونه بس نور التلفون  
ظاهر من وراء الزجاج، مشت وقفـت جنب الـظهـرـية، أـحمدـ شـافـهـاـ، فـتحـ الشـبـاـكـ  
وأدـهاـ بـوريـ، وـقالـ ليـهاـ: يا باـشاـ تعـالـيـ اـركـبـيـ جـواـ منـ البرـدـ.
- كـداـ مـرتـاحـةـ، أـصـلـاـ رـاجـعـةـ طـوالـيـ.

أحمد فهم إنه ما حتركب معاه وهم الاثنين براهم، فنزل من العربية، ومشى  
عليها: مرتاحة كيف؟ اركبي جوا، وأنا حاقد في الضهرية هنا.

-لشنو قدر دا؟ إنتِ ما مصدق يعني؟

-أصدق شنو؟

-لو عملت ليك إزعاج يا باشا حامشي من هنا عادي.

-ما تعقدي الأمور كدا، ما في أي إزعاج.

-يا باشمهندس أحمد...

-بعدين مش اتفقنا على أحمد بس؟

-نسيت Sorry.

-ما مشكلة، آها الجابكِ شنو؟ ومالك ما اشتريتِ شيء لنفسكِ؟

-الحمد لله ما دائرة شيء، المهم عندي في اللحظة آمنة.

-طيب أرح ندخل جوا.

-جوا وين، خير؟

-المول يا مجنونة تعالي بس.

-حاضر يا فندام.

أحمد ساق إيمان محل ملابس وقال ليها اختياري ليكِ ولا مل لبستين، إيمان رفضت، وأصرّ عليها، بس هي أصرت على رفضها.  
-يا أحمد ما بستاهل والله.

-ما بكرر كلامي مرتبين، خليك هنا.

أحمد مشى وجاب لبستين زي بعض وكانو جميلات جدًا: باشندهسة إيمان راييك شنو في ديل؟

-لو إنت اسمك أحمد مش اسمي ممكن إيمان ساي برضو.  
-طيب يا إيمان.

-ما شاء الله عليك ذوقك رهيب بس ما تتعب نفسك برضو.

-يعنى عجبوك؟ خلاص خليك هنا.

-لية ماشي وين، حاقد هنا برأي؟

أحمد ضحك: ما حاتآخر وهاك ردي على أسامة.

أسامة قال ليهم لازم يجو عليهم لأنه محتاجينهم، أحمد جاء شايل كيس وقال ليها: الناس ديل منتظريينا مش؟

إيمان: ايوة بالضبط قربين بجاي.

أسامة لمن شافهم: اتأخرتو كدا مالكم، ورونا رايكم في الفستان دا؟

إيمان: ما شاء الله، دي حلاوة بتمشي على الأرض.

أمل: جادة يا إيمو؟ دا ذوق الباشمهندس أسامة.

إيمان: ما بصدق، آها اشتريت الدبل؟

أسامة: لسه عايزين نشيلها على مقاس يديك.

أحمد مشى على أمل اداتها الكيس وأداتها قروش: هاكِ تمي لواحق الملابس

دي، إنتِ والباشمهدسة لأنها رفضت تستلمهم مني.

أمل: أحدي حبيبي ربنا يخليك لي يا رب، حامشي اسي بس عايزه فون

عشان أعرف حتكونو وين؟

أحمد: أرج حامشي معاكِ.

أسامة: أرج يا إيمان محل المجوهرات.

الساعة جات 9 مساء كانوا انتهوا من برنامج السوق، ورجعوا البيت.

إيمان أول ما دخلت البيت: ما قادرة بسرعة ادوني سرير.

آمنة: كنتو وين انتو؟

أمل: في السوق يا آمنة.

آمنة: لشنو وعملتو شنو؟

إيمان: آمنة لو ما خلطي أمور المحقق كونان، كدا حنمسي ننوم في بيتنا،  
خلية للصباح بتعرفي الحاصل إن شاء الله.  
آمنة: طيب يا ستي للصباح إن شاء الله.  
هبة: ما تضغطي عليهم يجميل كلنا عارفين إنهم ماشين السوق.  
آمنة: وأنا آخر من يعلم؟  
ريماز: يا بنت نومي.

\*\*\*

في صباح الجمعة صروا بدرى شديد، وكان البيت أصلًا مُنضف وجاهز، آمنة  
مشت بيت ناس إيمان والضيوف بدو يجو وملوا البيت، لمن الناس مشت  
الصلاة، البنات انسحبن يقعدو معها عشان لحظات العقد يكونوا حاضرين،  
وإيمان شالت فستان آمنة الجابته ليها خالتها هدية ومدت ليها الجابو أسامه:  
شو في الفستان دا عباسى.  
آمنة بدهشة: جبتيه إنتِ؟  
أمل: جابو العريس، بس البسي دا وحق خالتك البسيه في حنة العرس مثلًا.

إيمان: بالضبط يا حبيبي، وبعدين ما مهم نحنا جبنا شنو ولاً شنو المهم عروستنا تطلع أحلى عروس.

آمنة ودموعها بقت تجري: يا الله، عشان كدا أمس مشيتو السوق؟  
باب الشارع دق ومشت ريماز تفتح الباب، هبة: اقعدي لي أبدأ أمكيج كدي.  
آمنة: وشذى وين؟

## شذى جات داخلة تزغرط:أيوى أيوى.

امنة ضحكت: پا ریت لو جبت سیرہ خزنة.

إيمان: شذى يا قلبى، حمد لله على السلامة.

ريماز: يلا يا هبة قومي للميك اب ارست لأنها وصلت خلاص، قبل ما الناس يعقدو.

آمنة: عقد؟

ایمان: للاسف عقدیا صحبتی، خلاص حتکونی فی ذمة عاشق بعد دا، واهو  
خالتی زینب اتصلت شکلو الناس عقدوا خلاص یلا زغردوا لینا.

آمنة: لا إنتو جادين كدا؟ أسي لو أنا ما موافقة دبستوني في عقدا! ببكي  
ليكم أسي.

ـ ضحكوا وبكوا في نفس اللحظة، وأخيراً زهرة تانية في الشلة بقت مع  
المتزوجين عديل -

شذى: إنتو امشوا بيت العقد يا بنات، خلو معاي بس هبة.  
أمل: طيب يا ستي، إيمان هائِك الكيس دا.  
إيمان: ما فهمت دا شنو؟

أمل: الفستاين الجابهم لينا أحمد أمس اختاري البعجبك وخلبي لي الثاني.  
إيمان: لا، يا أمل شكرنا ما كان في داعي.

ريماز: يا بتني ما تحرجي صحبتكِ كدا شيليه.  
إيمان اتردلت بس مدت يدها للكيس بعد اقناع وتحانيس صحباتها: أصلو  
ما جادين؟ عشان كدا أمس اتهامستو كدا وفجأة اختفيتني، بس ما كان في  
داعي للتعب؟

شذى: بختك يا إيمو البسي سريع ما في وقت وتعالي اقعدني لي أزبطك  
عشان أفضى لعروتنا السمحنة دي.

إيمان حضنت أمل وشكرتها، ومشت غيرت وشذى عملت ليها ميك اب  
خفيف وراقي، بعدها مشوا البيت وجهزوا للضيوف العصير. وصلو أهل  
العرис ببص بغنو دلوكة وبيشرو، العريس كان معاه أسرته الصغيرة

والكبيرة وكل الجيران والأهل، وأهل آمنة كانوا ليهم في الاستقبال ومشو على  
الصالحة الخارجية. وجاء وقت الغداء مشت أمل وإيمان لصيوان صغير كدا  
عاملينو كإشراف لبرنامج الغداء، أحمد كان لابس على الله جديدة وكالعادة  
ريحته تسوى كدي.

إيمان: أمل دا أخوك مش؟

أمل وهي ضاحكة: مالك يا بت، ياهو!

إيمان: ما شاء الله من بعيد وجيه.

أمل: انتظري والله الليلة إلا أوريه، يا أحمد بس بس التفت جاي.

أحمد: أمل المقدوم هنا شنو؟ ادخلو جوا سريع.

أمل: رسالتنا خالتى زينب نشرف على الغداء، بس دا ما موضوعنا اسي،  
الأخت احم احم قالت عنك وجيه.

إيمان: طول عمرك فضيحة، ما قلت هو.

أحمد كان زعلان شديد إنه جو الصيوان دا بالذات والمكان كله رجال،  
وعيونهم كلها بقت عليهم فرد ليهم: طيب ما مشكلة، اسي امشو من هنا.

إيمان: طيب يا سيد الرجال نحنا حنشرف على غداء النسوان كيف؟

أحمد بنهرة: يا إيمان ما بخصك الموضوع عندي ولو حصل أي تقصير أنا المسئول، اسي قلت ليكم امشوا من هنا وخلاص.

في اللحظة جاء فيصل ومعاهو مازن واتنين من أصحابهم، أمل و إيمان مشو من غير ما إيمان تقدر ترد ليه، حست بكهرباء جواها، وحست بالانكسار من طريقة الكلام، أمل حاولت تعذر لها عن الأسلوب، وإنه يمكن ديه غيرة أو خوف عليهم، المهم إنه إيمان ما تشغل بالها كتير بالموضوع، في اللحظة ذاتها الخالة زينب نادتهم وأدتهم عمود عشان يمشو يتغدو مع آمنة بغادي. بعد صلاة العشاء الحفلة الصغيرة انتهت، ودا كلو آمنة ما كانت متوقعها وابتسمت شديد باليوم، وبوجود صحباتها جنبها، بعد الناس فرو ومشو، آمنة كانت قاعدة براها كدا \_والسبب صحباتها بغادي شغالين ترتيب جوا البيت عشان يخففو الضغط عليهم\_ عاينت لهم بكل حب كدا، ومسكت تلفونها رفعت بوسن إنه الليلة عقدها ورفعت صورتها يدينهم هي وصحباتها وكتبت "لولا هن لاما كانت للحياة معنى" وبوسن تاني كتبت فيه "العز أهل" نفس ترتيب البوستات رفعتهم استوري على الواتس آب. في اللحظة دي جاهـا أسامة وجـا كرسي وقـد معاـها: مرتـي، حلـالي، مـسوـطة؟

آمنة: أهلين بالعريس، قبيل وقت ضربت لي وقت الصلاة وقلت لي عقDNA، انعقد لساني طوالى، دي شنو المفاجآت دي وسرعة سرعة كدا.

أُسامَة ضحك وقال ليها: عارف إِنك اتفاجئت، بس أنا وقعت في حبك جدًا وعايز نكون مع بعض في أقرب فرصة واعفي لي على الحصول.

آمنة ابتسمت بخجل: وصلنا مرحلة الحب عديل؟ يا داب نحنا في الاعجاب، بس خلاص اتدبست وبقيت راجلي على سنة الله ورسوله.

أُسامَة ضحك على كلامها، جو شذى ومعها مازن جرو كريست وقعدو، وشذى عاينت لآمنة وقالت ليها: الله يعininك بعدين يا آمنة.

آمنة: ليه خير ما تخوفيني ساي.

أُسامَة: مازن خلي مرتك تسكت ياخ، بعدين أنا ما زي مازن لو عمل ليك شيء غلط.

شذى: الله، ومازن شنو البسكتنى يا أُسامَة عن صحتي، كلكم بتقولو كدا، وبعدين بتتملصو من المسئولية وبتخلو شغل البيت كله علينا.

آمنة عاينت لأُسامَة: مش حتساعدني بعدين؟

أُسامَة: عيوني ليك.

مازن: اسمع ما ترقد كدا قدامنا، لمن تكونو براكم اتكلمو كدا.

أُسامه: ما إنتو الجيتو علينا لكن.

-في المطبخ-

إيمان: بنات أنا الأيام دي بقية بتعب سريع، معقوله كبرت خلاص؟

هبة: قالو من علامات الكبر التعب بسرعة تصدقني.

إيمان: إنتِ جادة كدا؟

هبة ضحكت: هو ي يا بت صدقتي، ما تهلهلي فيني ساي وبطلني دراما.

ريماز: اتفضلي يا إيمان اقعدى واشربى الليمون دا.

إيمان: شوفي الحنان عليك الله.

هبة: غايتوا دلع عجيب.

أمل: إيمان طيب اطلعى برا اقعدى مع الجماعة ديلكم.

إيمان: في البرد دا؟ NO way

هبة: أرج عليك الله يا إيمو، أرحمكم لكم شكلهم مبسوطين وهم بيضحكوا  
ما شاء الله عليهم.

أمل: اصبرو علي شوية فضل بس كبابي الشاي دي أغسلها اسبقوني وأنا  
بسوي الشاي وبجيبي ليكم.

في اللحظة دي إيمان جاتها رسالة من أحمد كان بسألها عن مكانها فطنشت الرسالة، وبعدها جات كم رسالة، ريماز وهبة شالو موية وكبابي وطلعوا قعدو معاهם.

أمل: دي شنو الرسائل دي بت، دا منو المهمت بيتك قدر دا.  
إيمان: دي رسائل الواتس عشان فتحت الشبكة يا داب، أرج خلاص نطلع برا.

أمل: اسبقيني طيب كان زهجتي، أو اعملي الشاي إنتِ.  
إيمان كانت خايفة إنه أحمد يتواصل مع أمل ويسأل عن مكانهم، بعد عشر دقائق كدا الشاي طلع، إيمان كانت ماشة وراء شایلة سيرمس الشاي بيد وشغالة بالتلفون باليد الثانية بترد على المباركات، أمل قدامها شایلة الكبابي، لمن إيمان رفعت رأسها وشافت أحمد قاعد معاهم في الدائرة العاملينها وكان قاعد بهز في رجله وأظنه بحسب في الدقائق عشان يشوفها طالعة من جوا، خلت السيرمس في التربية وطالبي رجعت، أحمد وقف وتحرك عليها سريع ناداها بصوت عالي: يا باشمهدسة، لحظة!  
إيمان قبلت عليه وربعت يديها: خير؟

أحمد عاين لأمل: بعتذر عن الحصول قبيل واعتذر وليكم الاثنين، وقادم  
 أصحابنا.

أمل ابتسمت ليه باريحية: حصل خير يا حبيبي.  
أحمد: يا باش إيمان كل القصد...

إيمان قاطعته: يا أَحمد دا ما المكان ولا الزمان المناسب للكلام دا.  
هبة لكزت ريماز: إنتِ فاهمة حاجة؟

ريماز: يطربني كان فاهمة، يمكن حصل بيناتهم مشكلة.  
آمنة وقفت على حيلها: خير في شنو؟  
أحمد: طيب الزمن المناسب متين؟

إيمان: آمنة اطمئني ما في شيء اقعدي، ما مشكلة تعال هنا طرف، ومعليش  
يجماعة على الأزعاج في سوء فهم حاصل.  
أحمد: طيب اتفضلي.

مشو طرف كدا إيمان واصلت كلامها: أنا فهمت عليك وعارفة إنك صح  
والله، بس الأسلوب دا ما كان مكانه، الصراح ما بحل مشكلة فاهم علي؟  
أحمد: فاهم عليك أكيد، بس إنتو العصبتوني بوقفتكم والعيون كلها عليكم.

إيمان: طيب يا سيدى أنا بعتذر عليك عشان عصبناك بس لسه حايف ليك  
في فكرة الأسلوب.

أحمد: وأنا اسي جيت اعتذر عن أسلوبي.

إيمان: طيب حصل خير يا أحمد ما تشيل في بالك.  
أحمد ابتسם وقال ليها: شكرًا ليك طيب.

إيمان: ولو ما بستاهل أنا اعتمدت أجي طرف عشان ما ظريفة ندخلهم في  
خلافهم ما عندهم ذنب فيه فما في داعي يعرفو تمام.

أحمد: اطمئني ما في زول حيعرف وأصلا هي ما حاجة كبيرة كدا، تعالى  
اقعدى مع الجماعة أفضل مما تقعدى براك، وعشان ما ترفضي ساي احتمال  
تطلعي بحاجة مفيدة من الونسة كلهم مهندسين ما شاء الله عليهم.

إيمان: بس أنا صعبة زي ما بتقول، لو خربتها ليكم؟  
أحمد ضحك: يعني؟ أرح نشوف.

مازن شاف أحمد جاي عليهم وإيمان عاينه تدخل على صالة البيت فناداهما:  
يا باشا تعالى خلينا نتعرف عليك.

إيمان عاينت لأحمد: مازن دا مجنون ولا شنو مالو بصرخ كدا؟  
أحمد ضحك: أصلو هو كدا.

إيمان لمن مشت عليهم وقبل ما تقعده، مازن واصل كلامه: والله يا شباب  
شذى بتحكي لي عنكم كثير، وقدر ما بسائلها بتتونس أو بتضحك مع منو  
بتقول لي صحباتي، ومتشوق جداً أتعرف عليكم.

إيمان قعدت في الدائرة معاهم آمنة من يمينها وأمل من شمالها وقصدادها  
طوالى شذى ومازن وهبة، بعدها مازن شاغل أحمد: وسبحان الله إنه أختك  
طلع صحبة شذى!

أمل: فعلًا كلامك صح، أنا ذاتي عرفت صفة إنك صاحبه.

مازن: اسي كان إحم إحم، أقصد كان عرفتنى من بدرى على شذى.  
شذى: إحم إحم قصدك شنو؟ أنا ما مالية العين.

مازن: مالية القلب ما العين بس.

إيمان: بالمناسبة يا مازن شذى ما براها وراها جيش، وحتى إنت يا أسامة فلو  
واحد فيكم غلط على صحباتي ما حيشوف إلا العين الحمراء.  
أمل لكرت أحمد وهمست ليه: شفت مش قلت ليك بتدافع عننا وما بترضى  
لواحدة فينا.

أحمد فهم قصد إيمان من إنه ممكن كيف تخرب ليهم القعدة، وإنه أصحابه  
بتكلمه عن موضوع واحد، هو كان عايزة لها تقدع معاهم، وغير موضوع الونسة:

بالمناسبة يا بشوات أنا وأسامه ماسكين لينا موقع جديد، بكرة إن شاء الله في صبة لأساس raft معزومين معانا، حتى الناس القدمت استقالتها ممکن تجي.

ريماز: ما شاء الله تبارك الله بال توفيق يا باشا، بس العزومة دي خاصة ولا عمامة؟

أحمد: عامة لو عايزين تستفيديو طبعاً في مجالنا إن شاء الله وخاصة للناس العندتهم علاقة قريبة بمجالنا.

إيمان: فهمت عليك، الصبة موقعها وين، وزمنها؟

أحمد وصف ليها الموقع ووراها الزمن، إيمان قالت بعد تمشي المركز حتفش لهم بعادي هي وآمنة، أمل وأحمد وأسامه اتفقو يلاقوهم مع بعض، والباقين اتمنوا لهم التوفيق، واليوم انتهى لمن كل واحد رجع بيته، وكالعادة في داخل كل واحد فيهم قصة أو رواية حاسي إنه هو بطلها، المشاعر، الأحلام، والأمنيات، والأهداف بتختلف من واحد للثاني، وكل واحد فاهم إنه اختلاف الأحلام عمرو ما كان سبب للخصام. أفكارك ما زي أفكري، أحلامك ما زي أحلامي، بس نحنا مع بعض، وحنكم أحلامنا مع بعض.

\*\*\*

-في صباح في يوم السبت-

أمل باتت مع إيمان وما رجعت، ومن الصباح بدري صبحوا على آمنة وأهلها  
وصحبتهم اعتذرت إنها ما حنقدر تطلع من البيت لأنها تعبانة، فمشت أمل  
مع إيمان لمركز التحفظ وكانت أول مرة لأمل تمشي، وكالعادة زي الظهر وهم  
راجعين، سمعوا صراغ غريب.

-إيمان، سامعة ليكِ صوت كديسة؟

-دا ما صوت كديسة، زي صوت بيبي جديد، تقريباً جاي من هناك أرج نشوف  
كدي.

-اسمعيني حتى لو بقى بيبي جديد نحنا ما حنشيلو نتأكد بس ونتصل  
بالشرطة، تمام؟

-ما حنختلف بس نتأكد أول.

مشو باتجاه الصوت وكان في فعلًا طفل صغير بعمر يومين، النمل ماشي  
فيه وجسمه ملفووف بكيس نايلون بس رأسه برا، إيمان رفعته، وقالت لأمل:  
اسمعيني ما تتصلني بالشرطة، أرج البيت ننضفه أول ونمسي بنفسه نوديه  
هناك.

- لا ما حنديه ولا شيء، بيبي وبينك نخلية هنا ونمسي اتذكري إنك واحدة  
أحمد وأسامة.

- ما إشكال حصل لينا أسي ظرف طارئ، والبيوت ما انتهت كل الناس دي  
حبنبي إن شاء الله، أنا ماشة البيت حتجي معاي؟  
- أكيد ما حأخليك أرح.

إيمان مشت البيت وكلمت أمها وأبوها بال طفل ونضفته، وجابو ليه حليب أم  
من الصيدلية.

الخالة تماضر: يا بت جنبي ما كان تجبيبيه معالي.  
أمل: والله خالتو تماضر كلمنتها بس رفضت.  
إيمان: أخليه كيف بس، دي روح يا جماعة.

الخالة تماضر: أسي لو ودتيه القسم بتجرجو فيك إننت، كدي للمساء كدا  
نشوف رايئ أبوك بعد يجي من الشغل.

إيمان: يحليلو عاينو ليه كيوت كيف، غايتوا بنات الزمن ديل ببالغو والله.  
الخالة تماضر: أسي كان عرستي كان بولده.

إيمان ضحكت: يا أمي أكيد حاولد، أنا ما طفلة لكن مستغربة في الزمن  
الغريب دا، كيف الواحدة قادرة ترمي طفل من حشاها؟

أمل: إيمان رائق شنو بدل جرجة القسم دي نوديه للجمعيه؟

إيمان: فكرة أصلًا بكرة مفروض نبدأ الشغل خلاص والواجب إننا نمشي.

أمل: بكرة ورأي شغل كتيرة، بس لو اسي أرح ومنها نمشي لناس أحمد.

إيمان اتصلت لآمنة وحكت ليها، آمنة وأمهم جوا عشان يشوفه، آمنة عجبها الطفل شديد وبكت عليه، وعلى حاله.

آمنة: كيف أم قادرة ترمي طفلها كدا؟

أمل: نفس كلام إيمان، بس دي ما غلطه المجتمع ولا شيء، ما في رقابة للذات.

بالعصر كدا العم محمد جاء ونصح إيمان إنه لازم يمشو بييه قسم الشرطة، وتنبي هم البهتمو بييه، فعلًا مشوا هناك حصلت جرجة في القسم للمغرب، وقالو إنه دا الطفل السادس يجيدهم خلال الأسبوع دا، قريب للعشاء كدا رجعوا البيت، أمل وإيمان وأبوها.

في الغرفة فتحت إيمان تلفونها وبكل تعب: يا أمل، لقيت عشرين مكالمة فائتة من أحمد.

أمل بين نايمة وصاحية من التعب: أحمد منو؟

إيمان: البasha...

ومن التعب ناموا من غير ما يستوعبه الحصول شنو -وفي صباح يوم الأحد- اتصلت إيمان على أحمد زي الساعة ستة صباحاً وكلمها إنه اتصل عشان يعرف سبب تأخرهم أمس، وإنه كان مفروض يجي يسوق أمل، وقتها كانت أمل ودعتها ومشت لشغلها وقالت ليها إنها حترجع البيت بغادي وشكرتها على وقتها السعيد معها، اعتذررت ليه إيمان وحكت ليه الحصول، وعاتبها ووراها إنه كان من الذوق تديه خبر، ووعدته إنه حتتابع معاهم باقي المبني لحدى التشطيبات، فأحمد قبل اعتذارها وقال ليها: الليلة يا باشا إذا ما جيتي الشغل، الباشمهندس الكبير حيجيكم في البيت.

-الباشمهندس الكبير دا منو؟

-يعني السيد المدير.

إيمان ضحكت وردت ليه: طوالى حبابه.

-أنا جادي بالمناسبة.

-وأنا كمان، حبابكم كلكم.

-في المكتب-

المدير اكتشف إنه آمنة نزلت الشغل بس إيمان رفضت، فعلًا قرر يمشي ليها في البيت وجهزوا ليهو العربية وساق معاه أحمد وفاطمة.

أبو إيمان كان مشى الشغل، في البيت في إيمان وأمها، بعد وصل المدير  
وسلم عليهم وقتها المدير عرف القصة الحقيقة وكذلك الخالة تماضر.

المدير: دا كلام غريب، الكلام دا كله حصل في المكتب؟

فاطمة: آيوة يا باشا.

المدير: لو جينل للحق الباشمهندس سامية غلطانة وأنتِ أخذت حرقك، تاني  
المزعلك شنو؟

إيمان: والله يا باشا أنا عارفة إنه سبب سخيف جداً، وأنا لنفسي ما عارفة  
رافضة العمل ليه، يمكن عشان المكتب بقى سام بالنسبة لي؟

المدير: كويس إنك عارفة كدا، على العموم أنا خصصت ليكم مكتب قريب  
لمكتبي وحأكون مشرف عليكم النائب، أو مساعد المدير.

إيمان: شنواو! لا يا باشا ما تتعب نفسك أنا حأرجع بس ما تكلف نفسك قدر  
دا.

المدير: أنا ما قاعد أعمل كذا لأنّي زول بس ما إنه وصوني عليكم لازم أحافظ  
الوصية والباشمهندس ضياء الكنتو شغالين معاه دا ما زول أخونا بس،  
مهندس شاطر في مجال المعماري، وأكيد بما إنك من طرفه فأكيد حتكوني

زيه وأنا بثق في قدراتكم وشفت قبل كدا شغلكم، إنتو كواذر ناجحة الزول ما بتخلى عنها بالساحل.

إيمان: تسلم يا باشا يديك العافية.

فاطمة: يلا اجهزي وأرح معانا.

إيمان: حاضر ممكن تسبقونني.

أحمد: ما أظن المدير يوافق لأنّه ما معروف ممكّن تغييري راييك فجأة.  
المدير: بالضبط ما حاولت حاولت لأنك كنز يا بتي.

إيمان: كنز عديل طيب خمسة دقائق أجهز.

في الوقت البدت إيمان تجهز فيه، أمّها ختن ليهم الفطور واعتذرو بس بعد إصرار فطورو، وهم طالعين كدا إيمان قالت لأحمد: ما كنت قايلاك جادي في كلامك للدرجة.

أحمد: بالنسبة...؟

إيمان: إنه المدير شخصيا والباشمهندس الكبير نجم الدين حيجي البيت.

أحمد: شفتني بعينك، قلت ليك جادي أنا هو لمن يتخذ قرار بنفذو طوالبي.

بعدها مشوا المكتب والمهندسين رحبو بإيمان واعتذروا ليها وخصوصا سامية، في اليوم ذاته استلموا مكتبهم الجديد وبدوا يرتّبه شغلهم الفاتهم

والاتراكم عليهم. في نفس الوقت ساعين إنه يجتهدو عشان يأسسو شركتهم  
الخاصة، في نهاية الدوام اتلاقوا في البوابة أحمد: مش كانوا طالعين بدرى؟  
إيمان: بدرى من عمرك وأنت قاعد تتمشى مش؟

أحمد: قولى كدا.

أسامة: نفسي في يوم تردو لبعض من غير لماضه.  
آمنة: صدقت والله.

أسامة: أرج أوصلك الليلة يا آمنة عايز أقابل أهلك، عشان أحدد معاهم موعد  
العرس.

آمنة: جادي كدي، و إيمان مستحيلة أخليها وراي تعمل جريمة في أحمد.  
إيمان: اطمئني يا عباس، أحمدمكم دا ما بعمل ليه حاجة، بال توفيق يا أسامة.  
آمنة: ماشة وين؟

إيمان: ماشة كدا الليلة على العمارات عندي شغل تاني.

أحمد: سبحان الله! أنا برضو ماشي العمارات عندي مشوار ضروري.

إيمان: أرج طيب، بس أي زول يدفع حق مواصلاته براه عشان بعدين ما  
نتشاكل تمام.

أحمد: حتنشاكل مع الكمساري مثل؟

**إيمان:** ما بعيدة ويساعدني واحد اسمه أَحْمَد؟ بالمناسبة ديل ما كنا نحنا.

أحمد: يعني تشابه على البقر؟

ایمان: بقرة أنتَ، ولو سمحت يا باشا ما تمشى معاي.

أحمد ضحك وأشر للمواصلات: اركبي الحافلة.

بعد نص ساعة في الحافلة وعشان زحمة السير المزورى؛ فاللاتين حكوا بعض حكايات، أحمد أعجب بعقليتها وأفكارها، وإيمان أنبهرت من قدرته على الاستماع، وأسلوبه في الحوار وشخصيته المرحة كانت مخفية وراء الزول الغياظ، كمان طلعت في نقاط مشتركة بينهم، لحدى ما وصلو في واحدة من المحطات.

-عن إذنك يا ياشا أنا حأنزل هنا.

-أنا برضو، إنت ماشة وين بالضبط؟

-ماشة مقر جمعة.

- جمعية خيرية؟ واسمها فرحتي معهم؟ لو دي هي إنتِ فيها من متين؟

-ايواه ياهه ذاتها، بس ما تقول لي إنت ماشي هناك؟

- وأمل هي الدخلتنى اسي لي سنتين فيها، ما حصل مرة اتلaciينا، إنت قديمة  
عديل والله ما شاء الله.

- عدّ اليوم- بالمساء آمنة اتصلت على أمل وسألتها ليه ما كلمتها إنه أحمد  
معاها في الجمعية.

أمل: بالمناسبة قبيل سألني نفس السؤال، بس ما جات مناسبة أقول أعمل  
شنو؟

إيمان: طيب خير ما مشكلة الخميس لازم تمشي معانا لأنه الليلة فقدوك  
في الشغل جدا.

أمل إن شاء الله يا ستي، اها اليوم كان كيف أحكي لي، وكيف من صدمة  
أمس حقن البيبي، ومن تعب أمس.

إيمان حكت لأمل كل الحصول خلاصة اليوم من وقت المدير جاهم في البيت  
لحدى لحظة الجمعية، وأمل حكت ليها كل الحصول معاها بالتفصيل، اتصلت  
ليهم آمنة ودخلت معاهما في المكالمة، وكلمتهم إنه أهلها حددوا العرس في  
أول جمعة في شهر مارس.

\*\*\*

مرّ شهر ديسمبر كله وبذات السنة الجديدة وكانت يوم أحد، إيمان أخذت إجازة من يوم الخميس وسافرت لب عمهها جوري في بلدتهم وقعدت معها ثلاثة أيام، وزاروا كل أهلهم وسلمن عليهم، وأمنة بدأت ببرنامج الحبس وبعد داك بتمشي الشغل عادي، أمل وافتقت بمروان قريب شذى وبدو يتعرفو على بعض، إيمان رجعت يوم رأس السنة ذاته، ووصلت متأخر، نزلت يوم الاثنين الشغل وكانت تعابنة جداً، وفي نفس اليوم مشت للجمعية ونفس الحصول قبل شهر مشت هي وأحمد وأمل انضغطت في الشغل وما مشت، لكن الفترة المضت كانت بتمشي معاهم وانجزو كثير، في صباح يوم الثلاثاء إيمان كانت نايمة في الدرج، والمرة دي وقت جو راجعين ما لقو مواصلات، وفي صباح اليوم دا جاءتهم أمل وكانت المفاجأة بالنسبة ليهم.

-إيمان قومي ما خلطي حته ما نمت فيها.

-تعابنة والله، إنت ما عارفة أمس ما لقينا مواصلات والباشمهندس أحمد كان بيصارع عشان يلقى لينا ولو حافلة واحدة وكتر خيرو وصلني لحدى البيت.

-ما قصر معاكِ، بس بلومكِ إنتِ القعدك للزمن داك شنو وعارفة ما في مواصلات.

-آمنة حبيبتي، ليس من رأى كمن سمع، فإذا أنا حكيت ليكِ ما حاقدر أبر  
ليك.

-طيب يا ستي قومي تمي شغلكِ على الأقل.  
في اللحظة دي دخلت عليهم أمل وصرخت: بنات.  
البنات: أمل؟!

-ايواه بشحمة ولحمة، والمفاجأة الأكبر إني حاشتغل معاكم هنا دي،  
وأوراقي في (HR) وبقيت جزو منكم.  
-يلا ما بصدق.

-يلا صدقني ساي.  
آمنة اتبسطت بكل حماس بقت تنطط وقالت ليها: مبارك مبارك يا أمل.  
-يا سلام، أقعدني معانا هنا.  
-للأسف، اتوزعت مع فاطمة وأحمد.

-المهم إنتِ معانا يا جميل، اها يوم الخميس حتمشى معاي الجمعية مش؟  
-إن شاء الله، أمس اعتذرني لي منهم.  
-خلو الونسة يا بنات أرح نشتغل ونكسب الزمن.  
-إنتِ جادة كدا، يا بت أنا جديدة هنا ما عندي أي شغل.

بعدما مأمل بقت تشتغل مع صحباتها حسوا بالسعادة، وأمل برضو عملت  
حست بالآمان وهي معاهم حصلت ليها كم مشكلة وإنها اتقبلت بواسطة  
عشان أحمد معاها في نفس المكان بس هي وإيمان ما كانو بيسبكتو  
للبنيات، لمن بقو يختربوهم، شهر ينابير انتهى، وشذى ما شاء الله بقت حامل،  
أم أحمد قررت تخطب لأحمد وخطوبة أمل قربت، فأمه قررت إنها تخطب بت  
أخوها لأحمد، رغم إنه رفض بس أمه رفضت رفضه، وأمل أخته قررت تقيف  
معاه، بس كانت عايزه تعرفه هل هو عنده واحدة في حياته ولا رفضه قرار  
شخصي، في لمة في بيت آمنة، كانو قاعدين البنات وبتونسو.  
أمل: ما وريتكم طبعاً أحمد أخوي حي خطب بت خالي أسيل، واحتمال نتزوج  
كلنا في يوم واحد على حسب قرار الوالدة.

إيمان بدھشة: جادة؟

أمل: أيون جادة!

آمنة: والله خبر سمح لكن مبارك جداً.

إيمان وأحمد قربو لبعض في فترة الشهرين وكانت ملاحظة إنه تصرفات  
أحمد معاها اتغيرت وعرفت السبب أسي.

هبة بضحة: الحمد لله غايتو ونحنا حنقدد كذا المتين؟

آمنة: يا بتى جنتى؟

هبة: خير يا فلانة؟

ريماز: هبة البايرة شوفي ليك ود خال.

هبة: وإنـتـ أخوك وينـ؟

ريماز: ما تحلمي عارفاـ هو أصغر منـكـ.

أملـ: إيمـانـ مـالـكـ سـاـكتـةـ.

إـيمـانـ: أـقولـ شـنـوـ بـالـضـبـطـ؟

أملـ: أيـ شـيءـ ما تـسـكـتـيـ كـداـ.

إـيمـانـ: أيـ شـيءـ طـيـبـ.

عـنـدـ أـحـمـدـ وـأـسـامـةـ فـيـ المـلـعـبـ كـالـعـادـةـ بـالـعـصـرـيـةـ.

-آهاـ يـاـ عـرـيـسـ النـقـلـيـاتـ قـرـبـتـ.

-الـلـهـ يـسـتـرـ تـكـونـ قـبـلـ العـرـسـ.

-بـمـنـاسـبـةـ العـرـسـ دـيـ، دـايـرـ أـسـالـكـ آـمـنـةـ عـنـدـهـاـ أـخـوـ اـسـمـهـ مـؤـيـدـ؟ـ!

-قـبـلـ مـاـ أـجـاـوبـ لـيـهـ السـؤـالـ؟

-مـشـ هـوـ خـطـيـبـ إـيمـانـ؟ـ لـيـهـ مـاـ ظـاهـرـ وـلـأـ مـغـتـرـبـ؟ـ مـشـ مـفـرـوضـ يـكـونـ حـاضـرـ

الـعـرـسـ كـمـانـ؟

أُسامه ضحك وقال ليه: لا، ما عندها دي حاجة اخترعوها المجانين ديل.

أَحمد كان فاهم غلط، كان فاهم إنه إيمان مخطوبة جد لمؤيد، لأنها قبل أكدت  
ليه الحاجة دي، وإنه ما صح يفكر فيها، وبالرغم من إنه كان رافض فكرة  
خطوبته من بت خاله إلا وافق في النهاية عشان ما يفكر فيها بس، بعد أحد  
نفس عميق قال لصاحبه: أنا ماشي أجيب أمل من بيت آمنة تمشي معاي؟

أُسامه: جدًا، معقوله أضيع فرصة زي دي.

أَحمد ضحك وقال ليه: دا الدايرو أنت بس حانتظرها برا وما حندخل البيت.

أُسامه: لا، حندخل نسلم على عمي وخالتني.

أَحمد: فقط في السودان ممنوع العريس يشوف عروسته إلا يوم العرس، ودي  
عادات في أسرتنا الله أعلم.

طلع من الملعب ومشو ليهم في البيت طلعت أمل وإيمان سوا وآمنة  
منعوها تطلع تشوف أُسامه طبعاً، قدموا إيمان لحدى البيت ومشو هم  
بالمواصلات في الشارع.

-عملت شنو يا أخوي؟

-بخصوص؟

-أُسيل، يا ود مش قلنا حترفض وخلاص!

-ممکن أسالك سؤال؟ لو أنا عايز أنسى زول حبيته من طرف واحد، كيف  
بقدر أنساهو؟

-يمكن ما يكون من طرف واحد، هل إنت واثق إنه حبك من طرف واحد؟

-أمل جاوي على قدر السؤال...

-طيب فهمت عليك، حاول أبعد من الشخص ومن بيئته، بس غلط تعمل  
خطوة زي البتفكر فيها دي، تخطب أسييل عشان تنسى البت الفي بالك، كدا  
حتأذى إنسان ما ليه ذنب أولاً، ثانياً اعترف ما تكون جبان، أنت ليه خليتو  
من طرف واحد؟

-جبان؟

-ايواة، جبان! أحمد أنت أخوي الكبير وأنا بحترمك بس ما بحب أشوفك  
بالضعف دا، أرفض بت خالي واعترف للبت البحبها، ولو خذلتكم حتكلون  
درس ليك، وتجربة فاشلة، بس ربنا عنده عوض عظيم وما بخذلك، بس أنت  
ما تكون سبب في أذية طرف آخر، وبالمناسبة دا نفس الحصول معاي، كنت  
بحب أسامة من طرف واحد، وغشت نفسي إنه هو بحبني لحدى ما اكتشفت  
فعلاً إني كنت عايشة في وهم، بعدين ظهر مروان في حياته بس ما دخلته  
حياتي طوالى، ما كنت ناوية أذيه معاي، أو أنا أدخله حياتي كعوض لا غير،

وبعدين نطلع ما مناسبين لبعض وأكون السبب في أذيته، أحمد أدي نفسك  
فرصة.

-كبترتي يا أمل!

أمل ضحكت: إنت قايلني الشافعة الجنها بكاء، والبتحب تشتكي ليك  
عشان تحميها، لا يا حبيبي أمل كبرت فعلًا.

أحمد قلبه اشرح من كلامه أمل والعبرة وقفت ليه فرد ليها بكل أريحية: ما  
شاء الله عليك والله.

أمل مسكت يده: أنا بحبك يا أخوي، وبحبك شديد وبتمنى الخير دايما.  
أحمد مسكتها حضنها وباسها في رأسها وقال ليها: ربنا ينور في عقلك كمان  
يا رب، وأنا كمان بحبك يا أختي وربنا يحفظك لي.

-ممكِن أسالك سؤال؟

-سامعاكِ!

-البت دي أنا بعرفها؟

-البت دي إيمان، عشان مانلف وندور كتير، بس ما تحكي ليها شيء، لحد ي  
ما أحكي لها أنا أول!

أمل فرحت وعيونها بقت قلوب: إيمان ذاتها صحتي؟ ولية ما حكيت لي من  
الأول ولية ما كلمتها؟

أحمد ضحك: لأنه الأخت قالت لي إنها مخطوبة لأنو آمنة والليلة عرفت  
من أسامة إنه شخصية وهمية من خيالها، وبعد ما حبيتها أنا بديت أبعد عنها،  
لأنه حسيت بالذنب، وكان غلط العمل فيه دا، بالرغم من إنه كانت رسمية  
جداً في تعاملها معاي، وحادة أحياناً بس لطيفة في أغلب الوقت.  
أمل: كان كدا كنت معذور والله.

أحمد: يلا ادخلني على البيت يا حنينة.

إيمان رجعت البيت تبكي، واتصلت لبت عمها جوري وحكت ليها كل  
الحصل.

-أحمد داير يخطب.

-جادة، ألف مبروك ليه، آها منو؟

-بت خاله!

-ومالك إنت زعلانة كدا؟

-لأنني خسرته خلاص.

-كيف خسرتني؟ خسرتني من ياتو ناحية؟

-من كل النواحي والله يا جوري.

في اللحظة دي الخالة تماضر جات داخلة على إيمان في الغرفة فرحانة، ولقت بتها قاعدة تبكي، قلبها أكلها: بسم الله، يا بتي مالك، فيك شنو؟

-ما في شيء، جوري بتحكي لي في قصة حزينة، وإنه الليلة عندهم حجة كانت بتحكي لي عنها اتوفت كمان!

-يا بت ما علي أنا أحكي لي، لأنني أنا أمك وبعرفك.

-هاك دي جوري سلمي عليها وخليها تحكي ليك هي، ماشة أغسل وشي.

-ألو، يا بت يا جوري، أنا البت دي ما بصدقها أحكي لي في شنو؟

-يا خالتو، كنت بحكي ليها عن البيشن المتابعة معاهَا في المستشفى كانت حجة لطيفة وطوالِي بتحكي لي قصص قديمة، وكانت صحتي جدا، بس حصلت ليها مضاعفات أمس واتوفت.

-إنا لله وإنا إليه راجعون، أصلًا البت دي حنينة بعرفها دمعتها قريبة، اسي جبت ليها خبر سمح، ولازم تجينا هنا، و تكوني قريبة منها، عشان ما تفوتي ولا تفصيلة من الاخبار دي.

إيمان جات داخلة غرفتها، وقعدت جنب أمها وقالت ليها: خير في شنو يا أمي، مبسوطة كدا!

- متذكرة آخر نقاش لينا قبل شهرين قلت لي شنو؟  
-قلت شنو؟  
-لو جاك عريس من غير ما أنا اتدخل حتوافق بيه!  
-آها، أي قلث، في عريس جاء شكلو، خلاص موافقة من غير ما أعرف هو  
منو ذاته.  
-سمعتي يا جوري، هاك بت عمك، ماشة أكلم عمك محمد أنا.  
-جوري، إنت لسه في الخط؟  
-إنت مجنونة؟  
-يا بت مالك هايجة في شنو؟  
-بتوافقني ساي؟  
-مالو، أحسن أحصل القطر قبل ما يفوتني وأعرس مع الجماعة.  
-شكلك جنطي، كدي أمشي حصلني خالتني دي واعرفي لينا دا منو الجاي  
يتقدم ليك دا!  
إيمان بعد خلصت مكالمتها جوري ما ساقها الفضول تعرف دا منو الاتقدم  
ليها، ونامت.

\*\*\*

-تاني يوم- إيمان صحت من الصباح ولقت أمها بتتكلم فيديو كول، وبتضحك بأعلى صوت في الصالة، جات مارة قدامها سلمت عليها فجأة أمها قلبت الكاميرا الخلفية عليها: آي، ياهادي العروسة، صحت بدرى قبيل صلت وتاني رجعت نامت، ويا داب دي الصحية الثانية التقول الليلة ما شغالة!

إيمان: أمي دا شنو، بتتكلمي مع منو وبتصوريني ليه كدا؟  
الخالة تماضر: دي خالتك شيراز في أمريكا.

إيمان: حالة شوشة عديل.

-شيراز بت حالة الخالة تماضر، يعني لإيمان خالتها باللفة وعايشة في أمريكا، أولادها فادي وفداء، والاتنين تؤام قدر إيمان فرقهم أشهر بس-  
شيراز: يا بت يا إيمان كيفك؟

إيمان: أوه مدام أمريكا، I'm fine and you?

شيراز وهي ضاحكة: وريتينا يا هندسة، أخباركِ عليكِ الله ومبارك ليكم كمان، بالجد حتبسطونا.

إيمان: الله يبارك في عمركِ يا خالتو بس على شنو؟

شيراز: زوا جكم إنتِ وفادي ولدي؟ بس خدي بالك هو قال ما حينزل السودان

Never!

إيمان: أجي، فادي ولدك منو؟ بسم الله.

أمها خطفت منها التلفون، وفصلت الشبكة من التلفون: يا بتني جنiti،  
مالك عايزه تفضحيني مع المرا؟

إيمان: أمي؟ فادي الشافع؟ الزي أخوي؟ يا أمي ياخ أمبارح مش كنا بنلعب  
أنا وهو وفاء مع بعض؟ متين كبر لمن يعرس ياخ.

الخالة تماضر: زي ما إنتِ كبرتِ، بعدين أنا ما جبتو ليك، في يوم كنت بتتكلم  
مع أمه عادي وجاء داخل علينا فجأة وسائلني منكِ، وحكيت ليه عنكِ، وإنكِ  
من عرس لعرس بس ما اتزوجتِ، فقال لي هو عايزاكِ من زمان...

إيمان قاطعتها: أمي لحظة، دي شفقة ولا شحدة؟

الخالة تماضر: جنiti، الود قال دايراكِ، فكري فيها حتكوني في أمريكا  
بعدين تسوقينا معاك أنا وأبوكِ وتطلعينا من البلد دي، يا بتني شوفي  
مستقبلك بوين.

إيمان: ما قادرة عليكِ يا حجة، طيب أنا ماشة الشغل لأنّي اتأخرت.

إيمان مشت الشغل، وفي استراحة الفطور حكت لصحباتها الحصل.

أمل: شنو؟ إنتِ جادة؟ بس..

إيمان: بس شنو؟

أمل: ما في شيء.

آمنة: هو ود خالتك دا قايلكِ كرتونة أبي يرسلوكِ ليه بالطريقة دي؟ نحنا ما عندنا بنات للزواج معيش.

في اللحظة دي أحمد جاءهم دق ليهم الباب: يا بشووات، السلام عليكم.  
البنات: وعليكم السلام، اتفضل.

إيمان أدت إشارة لأمل وآمنة يسكتو وما يجيبو سيرة الموضوع هنا.  
- خير جيت في وقت ما مناسب؟

- لا يا باشا افضل، عايز مساعدة في شيء؟

- غريبة ما على عاداتكِ، مش وقت كنت بجيكم زي الزمن دا كنت بتطردininي  
وبتقول لي دا وقت فطورنا؟

- الزمن بتغير، وكل شيء بتغير مع الوقت، خير احكي في شنو؟  
أحمد استغرب من رد إيمان وعاين لأمل، الأدتو إشارة استغراب هي برضو،  
وردت إليه: خير يا أحمد في شيء؟  
- ايواه في اجتماع الساعة 11 مع المدير شخصياً.

آمنة: اجتماع بخصوص؟

أحمد: لمن يجي وقته يا آمنة حتعرفي، يا أمل تعالي لحظة عايزاكِ برا.

-أمل طلعت وعاينت لـإيمان ولقتها محمرة ليها عملت ليها إشارة بضحكِ

لو اتكلمتني -

-إيمان مالا؟

-خلبي بعدين أسي ما بقدر أحكي ليك نهائي، دي بقتلتنى.

أحمد ضحك: للدرجة دي مجنونات، خلاص ما تتأخر عن الاجتماع بعدين،

وحنرجع سوا تمام؟

أمل بعد دخلت إيمان سألتها: قال ليك إيمان مالا مش؟

-لا، قال لي بعدين نرجع سوا، وما نتأخر عن الاجتماع.

-بس برضو قالت ليك إيمان مالا، ما تدسي مني، وصدقيني حأعرف لو

كلمتيه بحرف، المهم يا بنات أنا وافت خلاص، وأديت أمي الكلمة وأمي

أدت المرة الكلمة، الغلط غلطني، يا ليت لو أمس سمعت كلام جوري وقت

قالت لي ما توافقني ساي وامشي أسالينها دا منو.

-اتراجع عادي.

-قائلها سهلة؟

آمنة: الصعب شنو؟

إيمان: ما حتفهمو الحاجة دي إلا في وقتها.

الساعة 11:00 مشو الاجتماع، وطلعت النقليات، وفي بداية شهر أبريل جيمشو وحيرجعوا تاني بعد ستة شهور، أحمد وأسامه حيفترو المرة دي وكل واحدة اتوزع في حته براه، أسامة قرر يتم زواجه ويسوق معاه آمنة اللي زواجهم فضل ليه أسبوع بس، سامية اترقت وتحمسك محل أحمد مع فاطمة، في يوم خميس كانوا قاعدين في بيت ريماز.

ريماز: ما مصدقة الأيام جرت كدا والله.

أمل: حرفياً، وبحس روحنا زي الفي روایة كدا.

إيمان بحزن: بالضبط نحنا روایات، وكل واحدة فينا بطلة في روایتها وبظهر ليها البطل الما كان متوقعة في يوم إنه يكون هو بطلها.

شذى: يا بت يا أم كلام عميق إنت، دا شنو دا.

إيمان: مالك يا شذى مش كلامي صح؟ ولا كيف؟

أمل: دا تأثير البرد عليك بس، إنتو عارفين نحنا فاقدين هبة وآمنة جداً.

شذى: ما هي كمان آمنة ما بتقدر تطلع، فلازم هبة تبعد معها الليلة عشان ما تحس بالخيانة وكدا.

دخلو عليهم أخوات ريماز الصغار رؤى عمرها أربع عشرة سنة، ورونق عمرها عشرة سنين، وسلموا على البنات وقعدوا معاهم، بس ريماز طردتهم.

إيمان: يا بت خليهم، تعالى يا رونق العبي بتلفوني.

ريماز: ما تخربني لي البت، تربيتهم صعبة جدا.

رؤى: التقول ولدتنا هي، قال تربيتنا صعبة.

ريماز: شفتني القلة أدب؟

إيمان وهي ضاحكة: وين ماهر؟

رونق: قاعد مع ماما.

ريماز: إلا دا ما تجيبي سيرتو دا أكثر واحد تعبني.

أمل: ماهر دا مش ولدوه وقت كنا في تانية جامعة؟

ريماز: ياهو ذاتو، اسي عمرو ستة سنة كبير ما شاء الله ودخل المدرسة.

شذى: خلاص حجزتو من اسي لبتي عشان ما تبور.

قعدو البنات يضحكو، واتونسو للعصر كدا، ودي آخر جمعة في شهر فبراير، والبعدها حتكون عرس آمنة.

وبدت التجهيزات للعرس، والجوطة كالعادة بس الاختلاف المرة دي ما قعدو معها زي قعدة العقد أو قعدتهم مع شذى، فكانوا بييجوا وبيرجعوا في اليوم

نفسه، في كل التفاصيل من شيلة لحنة العروس، عدا إيمان وأمها بقعدو معاهم اليوم كله، وبرجعوا قريب لنصل الليل. في الفترة ذاتها الحالة تماضر بدت تزن ليها وإنه لازم تقرب من فادي أكثر، وتحدد معاه شكل وكيفية الزواج، ود كلو عشان ما تكون وحيدة بعد صحبتها تتزوج وتسافر مع أسامة تخليها. آمنة وإيمان حياتهم كلها مع بعض من ما هو صغار، تعلقهم بعض ما زي تعلقهم بباقي الشلة، حتى تفاصيلهم الصغيرة والكبيرة مع بعض. الحالة تماضر كانت خايفة إنه بتها تنها في يوم زواج صحبتها وتحس بالوحدة، وإنه في جزو منها انقطع، عشان كدا فكرت ليها سريع في ود بت خالتها، وقرارها دا كان على أساس تطلع برا، وتبني علاقات جديدة، وتقدر تتأقلم على فراق صحبتها، بس هي ما حتفارق آمنة بس، حتفارق شلتها كلها، فما كان على أمل إلا تتصرف واتذكريت يوم كانوا في المكتب وإيمان حكت ليهم بإنها اتمنت لو سمعت كلام بت عمها، إذا بت عمها يمكن تعرف الفي قلب إيمان منو، وليه زعلانة على موضوع زواجهها من ود خالتها، الممكن سبعين في المية من البنات بتمنوا يلقو فرصة زي دي.

\*\*\*

قبل عرس آمنة بيوم أمل شالت رقم جوري من تلفون إيمان، واتصلت ليها بعد ما سلمت عليها، وعرفتها بنفسها: إنتِ أقرب واحدة لـإيمان ما حصل مرة حكت ليك عن أي زول في حياتها؟

-أنا فاهمة عليكِ يا أمل، بس الحاجة دي بترجع لـإيمان، ولو إنت عايزه تجميعها بالغصب مع الباشمهندس أحمد، صدقيني حتفقط علاقتها بييكِ.

-اطمئني نحنا علاقتنا أقوى من كدا بس وريني؟

-لو واقفة من علاقتكِ بيها إساليها مباشرة، أنا آسفه ما بقدر أفيدكِ بأي شيء.

-جوري عليك اللّه ساعدبني.

-ما بقدر اعفي لي، إيمان ما النوع البيحكي الفي قلبه للناس، مشكلتها كتومة.

-كلامك صح، طيب ما حصل مرة حكت ليكِ؟

-ولا مرة!

-أنا ليه ما قادرة أصدقكِ؟ يا بتبي دي بت عمكِ ساعدبني اللّه يساعدكِ.

-معليش يا أمل، عندي شغل مع السلامه.

أمل اغتاظت من أسلوب وجوري وبرودها، بس جوري كانت عارفة  
الحيحصل شنو، لو أمل عملت الفي الرأسها، إيمان كانت حتكره أحمد  
شخصياً، لأنه ما اعترف ليها، وجاء عن طريق اخته، وأمل عايزه تجمع أخوها  
بحسبتها بأي طريقة، وأحمد منتظر بعد زواج أسامة يمشي يعترف لإيمان.  
في صباح يوم العرس إيمان مشت مع آمنة الكوفير أما باقي الشلة مشوا  
الصالحة طوالى.

- إيمان ما تخليني براي نهائي.

إيمان ودمعتها في عينها: وأنا أقدر؟

- حبيبتي ربنا يحفظك لي.

ومشوا العرسان على الصالة، وأثناء ما الحفلة شغالة، أصحاب آسامه ساقوه  
عشان يرقص و إيمان كانت قاعدة مع آمنة بس شذى جاءت ساقت العروس  
عشان ترقص معاهم، فـإيمان فضلت براهها، مشت محل أمها وأم آمنة  
قاعدات.

إيمان: يا حجات إنتو ما عايزين تهزو ولا شنو؟

وقتها كان العشاء وصل، و إيمان مدت يديها شالت ليها قطعة بطاطس من  
طبق أمها، فردت ليها أمها: إيمان اقعددي أكللي عديل ما تكوني واقفة كدا.

إيمان: لازم أمشي لأمنة يا أمي، غير كدا ما حاقدر اتعشى من غير المزد  
ديلك.

الخالة زينب: الشكية ل الله، عايني المصور البایخ دا جايينا في الشاشة  
ونحننا بناكل، صحي الاختشوا ماتوا.

إيمان ضحكت: شكله حباكم عشان كدا ركز معاكم، خلصو سريع وامشوا  
للعروسة، أنا ماشة على ريماز هناك.

أثناء ما هي ماشة على الطاولة القاعدة فيها ريماز، وقف قدامها أحمد وكان  
مبسوطٌ: حربتي.

إيمان بكل استغراب: حربيت؟ بسم الله قصدك شنو جنiet أنت.  
وضحكت

-حتعرفني كل شيء في وقته، وبارك لصحابتك، دي المرة الثانية نجتمع فيها  
في زواج وعقبال نجتمع لسه ولسه.

-الله يبارك في عمرك وعقبالك قريب يا عريس، اللهم يا رب العباد اطمئن  
لنه حنجتمع فعلًا.

-جمعا يا رب، طيب مالك ما واقفة مع أصحابتك، الشلة بدونك ما حلوة.

إيمان ارتبت و ما عرفت ترد ليه وقالت في نفسه: "يا بت يا إيمان، الود دا بيعمل في شنو، ما هو ما يجهجه أفكاري، المهم ما تشغلي بالك، هيا انطلق من أمامه بسرعة البرق حتى لا تقعي في فخاخ حبه، فخاخ حبه دي كيف؟ حتعايني لزول خاطب يا بت يا إيمان؟ شينة منك والله" قاطعها أحمد: بتفكيري في شنو؟ امشي عليهم إن شاء الله صفقى بس مع آمنة ما تخلية براها.

إيمان: أنا ما كنت واقفة ياهو ماشة وأنت وقفت قدامي، بس حاضر من عنيا يلا عن إذنك.

أحمد قال لنفسه: "أديني بس فترة زمنية أجهز نفسي ونكون أنا وإنت في مكانهم عن قريب، بس قول إن شاء الله يا أحمد، ما حائليك تضيعي من يدي يا إيمان"

الفنان غنى أغنية كانت بتحبها إيمان وطوالى هي مشت وسمعت كلام أحمد، وقررت تجرب ترقص عليها ومسكت يد آمنة، حتى صحباتي استغربوا منها، بس آمنة اتبسطت شديد لمن بكث، وعملوا أحلى ربة، وما شاء الله تبارك الرحمن العرس تم على خير والحمد لله.

-تاني يوم بالصباح- إيمان صحت على تلفون من آمنة.

-يا هلا؟

-مش قلت ليك يا أسامه، والله زي ما اتوقعتك نايمه قومي الليلة السبت،  
نسيري المركز؟

-منو آمنة؟ يا بت إنتِ جنطي مش أمس عرسنا ليك، وبقيتِ في ذمة رجل،  
تاني ما تتصلني لي بالصباح كدا.

آمنة ضحكت: ما تقفلني الخط، ضربتِ أذرك بالمركز.

-طيب اقفلني سريع، خليني أجهز، وأرجع ليك.

-حاضر حبيبتي أنا.

إيمان جهزت وطلعت في الشارع، ورجعت لآمنة، وعرفت إنها وصلت  
الحدود، كانت عايزه تسمع صوتها وتودعها قبل ما تقفل شريحتها. آمنة كانت  
مسافرة شهر العسل {أديس أبابا} وفعلًا سافرت. ومرّ أسبوع على زواج  
الأميرة آمنة، وإيمان نزلت الشغل براها وكانت أمل طوالى معاها في المكتب  
عشان ما تحس بالوحدة.

إيمان قربت تدخل في حالة إكتئاب لأنه وقتها كله كان مع آمنة، واسي وين؟  
اختفت.

في الفترة الأخيرة قبل العرس حاولت إيمان إنها تخلق ليها عوض عشان ما تحس بالفارق، بس ولا شيء قدر يملأ فراغ آمنة جواها. جاءت اللحظة كانت بتتمنى الخالة تماضر تشفف بتها عروس. مشت على بتها في غرفتها، لقنتها بتتفرج على صور آمنة وهي مبسوطة، قعدت جنبها، وقالت ليها: عقبالكِ قريب جداً يا رب.

إيمان وهي ضاحكة: يا حجة عايزه تخلصي مني سريع مش.

- هو أنا كمان بقدر على فرافقِ؟

- أنا كدا ممكن أغير رايئِ؟

- بموت لو غيرتِ رائكِ، براكِ عارفة حالتِي الصحية، والسكري حقي ما بتحمل أي كومة.

- بعد عمر طويل ليكِ يا أمي، ربنا يحفظك لي وما يحرمني منك.

- اللهم جمعاً حبيبتي أنا، قوللي لي شغلكِ ماشي كيف؟

- والله يا هو ماشي حاله...

- خلاص وفقني أوضاعك هنا، عشان تتمي زواجك في أمريكا قبل رمضان.

- كيف؟ أمي صحباتي، وحياتي الها؟

- وفقني أوضاعكِ يا إيمان، عندك شهرين لقادم.

- أمي، أنا زولة كبيرة واعية عندي قرار بأخذو بنفسي.
- كبيرة وداعية صح، بس دخلت في مسار غلط، ومرات الحياة بتفرض علينا  
نحنا الآباء نتدخل عشان نرجعكم للمسار الصحيح.
- مسار غلط؟ كيف وريني؟
- حتفهمي مع الأيام براكِ.
- إيمان بعد ما أمها طلعت منها، اتصلت بجوري وحكت ليها، عن كلام أمها.  
-والله يا إيمان مسار غلط غير الحتدخلي فيه دا أنا تاني ما شايفه أي مسار،  
خلاص يعني اتفرض عليكِ فادي؟
- فادي دا لطيف بكل معنى الكلمة، بس فيه عيوب أنا ما حاقدر اتحملها،  
وما شايفه فيه مميزات الأب المستقبلي لأولادي، دا غير إنه بحب يعلق على  
أي شيء بسلبية، اللود دا خمسطاشر سنة في أمريكا وطبعاه السودانية كلها  
اتغيرت، صدقيني ما بقدر أضحي وأقبل بصفاته دي نهائى.
- جوري ضحكتْ: طيب ما ياهو الحل في يدكِ.
- قصدكِ أرفضه؟ أبي ما حتكلم معاي تاني لمدة شهرين والله.
- لا، خليه هو يرفضكِ، اعملني الحاجات اللي هو ما بحبها دي، عشان يتخللى  
عنكِ، اتنازلي عن كونكِ مثالية شوية.

- فهمت عليك يحميل إنت، اسمعيني أمل دى داخلة على في الخط كدى  
اقفلني أرد ليها وبرجع ليك بعدين.
- يا إيمان صحي خلاص حتعرس الامريكانى دا وتمشى، يا إيمان ماتتهوري  
عليك الله.
- يا بت جنיתי في شنو؟
- كيف في شنو، ما شفت خالتو عاملة شنو؟
- قصدك أمي، عملت شنو؟
- رافعة فيديو عرسك، عرس عديل يا إيمان ما خطوبة ولا عقد ولا تمهيد، ما  
تتهوري، إنت عارفة إنه أحمد أخوي بحبك مش فما تكسرية بالطريقة دي  
عليك الله.
- إيمان نست كلام أمل الأول وركزت على الجزئية الأخيرة بس، وقالت ليها:  
أمل، أكسر منو، وأحمد منو البحبni إنت ما جادة؟
- لا جادة، وعارفة أنا بقول في شنو.
- بتمنى كلامك ما يطلع حقيقي، عشان دا ما يأثر في علاقتنا.
- ما حيأثر وبطلي تربطي صحوبيتنا بموضوع حساس زي دا.
- أمل مع السلامه كدى.

قفلت إيمان الخط من أمل، وفتحت الواتس ورسلت لأحمد رسالة عشان  
تتأكد إنه أونلاين: "يا باشا مساء الخير، لو فاضي ممك تتصل لي؟ أو أنا  
عادي بتصل ليك لو ما فيها إزعاج"

أحمد قرأ الرسالة واتصل ليها طوالـي: لو ما فاضي بفضـي ليـك، أحـكي لـيـ!  
إـيمـانـ: أحـكي لـيكـ شـنـوـ، هوـ أـمـلـ خـلـتـ فـيـهاـ حـكـيـ، ماـ هوـ مـمـكـ طـولـ الفـتـرـةـ  
ديـكـ كـلـهـ ماـ اـتـجـرـأـتـ أوـ اـتـشـجـعـتـ إـنـكـ تـتـقـدـمـ خـطـوـةـ تـجـاهـيـ، وـأـسـيـ بـكـلـ سـهـولةـ  
بعـدـمـاـ اـتـخـطـبـتـ مـرـسـلـ لـيـ أـمـلـ، وـعـشـانـ هـيـ صـحـبـتـيـ تـفـتـكـرـ حـأـقـتـنـعـ لـيـهاـ؟ـ لـاـ  
إـنـَّـ غـلـطـانـ جـدـاـ يـاـ باـشـمـهـنـدـسـ، بـعـدـيـنـ إـنـتـ مشـ نـاوـيـ تـخـطـبـ بـتـ خـالـكـ،  
فـطـلـعـنـيـ مـنـ رـأـسـكـ وـرـبـنـاـ يـسـهـلـ لـيكـ كـلـ أـمـورـكـ، يـاـ رـيـتـ مـاـ تـرـبـطـنـيـ مـعـكـ  
فيـ مـوـاضـيـعـ وـعـلـاقـةـ حـتـكـونـ شـبـهـ سـامـةـ، بـسـ مـاـ تـسـكـتـ وـتـسـكـتـ وـتـجيـ  
تـتـكـلـمـ فـيـ النـهـاـيـهـ، نـحـنـاـ مـاـ فـيـ فـيـلـمـ هـنـدـيـ وـالـبـطـلـةـ أـوـلـ مـاـ تـعـرـفـ إـنـهـ الـبـطـلـ  
بـحـبـهـ تـقـومـ تـنـطـطـ وـتـجـنـ!

-الحصلـ شـنـوـ يـاـ إـيمـانـ؟ـ وـلـيـهـ الـكـلـامـ دـاـ كـلـهـ.

-اسـأـلـ أـمـلـ هـيـ مـعـكـ فـيـ الـبـيـتـ، كـلـامـيـ لـحدـيـ هـنـاـ اـنـتـهـىـ، يـلـاـ سـلامـ.  
إـيمـانـ قـفـلتـ الـخـطـ وـقـلـبـهـ وـجـعـهـ شـدـيدـ وـبـقـتـ تـبـكـيـ عـلـىـ الـكـلـامـ الـقـالـتـوـ  
لـأـحمدـ، فـيـ الـوقـتـ ذـاـتـهـ رـجـعـتـ لـجـوـرـيـ وـأـقـنـعـتـ إـنـهـ حـتـأـخـ خطـوـاتـ كـتـيرـةـ فـيـ

حياتها، لحدى ما أَحْمَد يخطب بت حاله ويُشيلها من رأسه، عشان ما تبقى  
ليه سبب في أي شيء، أما هو مشى طوالى سأل أمل، ردت ليه وهي بتبكي:  
أنا قلت ليها إنها ما تتوافق وإنك بتحبها وما لازم تخسرك أو تخسرها.

أَحْمَد غضب شديد: ليه كدا يا أمل؟ مش قلت ليكِ ما تسبقيني بخطوة، ليه  
عملتِ كدا؟ اسي خلاص خسرتها للأبد، ما حاقول السبب إنتِ، بس مشاعركِ  
الطيبة هي السبب، وما حالموكِ يا اختي.

أَمْل زادت في بكاءها وبقت تعذر: ما تقول كدا، ما حتخسرها، أنا آسفة جداً  
يا أَحْمَد، وأنا اسي الخايفه أخسرها.

أَحْمَد: إنتِ ما حتفقدي صحبتك، مستحيل تتخلّى عن علاقتكم بالسنين كدا  
بالساهل، لكن هي شايفه إنه أنا الرسلتك بدلي، بس خير اسي اهدئي، أمي  
لو شافتكم بالحالة دي حتعمل لينا قومة وقعدة، استغفرى واهدى.

أَمْل هدئت وصلت وبقت تدعوي ربنا إنه إيمان تسامحها، عند إيمان كانت  
قاعدة ومساهرة وبقت تتكلم مع نفسها: "ليه لمن أنا أصرّ على موقفني الناس  
بتشووني غلط؟ وليه لمن أنا اختار مسار وأمشي فيه فجأة تطلع لي عقبة،  
كل ما أتقدم خطوة لازم أرجع وراء ألف خطوة، أَمْل، أَحْمَد، وكمان فادي القديم  
الجديد، القديم في حياتي والجديد في تفاصيله، يا رب إن الأمر أمرك والقضاء

قضاءك، والخلق خلقك، اللهم إني وكلتك، وفوضت أمري إليك، إيمان اهدي  
وفكري كثير، قبل ما تتأخذني أي خطوة، وما تتهوري فعلاً. بالرغم من أنني ما  
 كنت بؤمن بالحب بس في الوقت ذاته أح مد قدر يحرك ويلاعب بأصابعه على  
 مشاعري وما عايزه أخسره حقيقة.

صح انبسطت لمن عرفت إنه بحبني وحبيته، لكن كرهته أكثر لأنه ما كان  
 عند الشجاعة الكافية عشان يتعرف لي بذاته، أيواه هو ما كان شجاع في  
 إنه يتكلم معاي بنفسه، يمكن بعدره آمنة دايماً كانت بتقول لي أحسني الظن  
 يا إيمان، وأنا دايماً متسرعة في قراتي، ياه يا بت إيمان كدا بتمرضى، كدى  
 نومي وربك كريم للصبح خلي الأوقر ثينك"

نامت إيمان بعد ما قفلت صفحة الدفتر الفتحها في رأسها، وتحدخلها في  
 م tahات ودوامات، فما عليها أسي إلا ترجع خطوة لوراء، وتبعد عن أح مد  
 وأمل مؤقتاً عشان ما يضغطوا على تفكيرها، أو بطريقة بسيطة تعزل عن كل  
 ناس عشان تفكرب بكل أريحية.

\*\*\*

مرّت ثلاثة أسابيع وجاء اليوم الحترجع فيه آمنة، وقتها كانت إيمان مقاطعة أمل وأحمد، يمكن أحمد حاول معاها بكل الطرق عشان بس ما تقطع علاقتها بأمل وما تخلي ساعة خصومة تنسيها سنوات المحبة بينهم، بس هي قفلت كل الطرق بينهم. أمل حاولت تدخل صحباتهم كواسطة واتصلت بجوري وحكت ليها، ردت ليها الأخيرة إنه قبل كدا حصل ليهم موقف في الأسرة مشابه وإيمان قاطعت بت عمتهم وللآن ما متواصلة معاها، وإنها كلمتها وحدرتها.

آمنة لمن وصلت أول حاجة عملتها بعد ما سلمت لأهلها مشت لإيمان في البيت، بعد السلام وتبادل الأسواق، وكل كانت يوم بتحاول تصل معاها لحل بس إيمان ما أدتها فرصة، لحدي ما جاء يوم الخميس وكان يوم خطوبة أمل وأحمد، واترجحت آمنة إنه تجيب معاها إيمان، آمنة لمن مشت لإيمان في

البيت: نفسي أعرف الحصول شنو، وليه ما بتحاولي تحكي لي إنت؟  
نفس السمعتيه منهم يا آمنة، لا عندي زيادة لا عندي نقصان.

-إنت عارفة كوييس إني ما بحكم من طرف واحد لازم أسمع القصة من الطرفين، صح أمل اتواصلت معاي، بس دا حيظهر لي إنتِ الغلطانة.

-ممكنا تقولي قولي كدا.

- إيمان ما تجنيني عليك الله، الحصول شنو، ما كنتو حلوين قبل ما أسافر؟
- ما تشغلي بالك كتير، كل شيء حيتحلى في وقته.
- نحنا في الحياة دي ما عندنا وقت، الوقت ما للخصام وللعتاب، استغلني كل فرصة وسامحي الناس ما تخلي في قلبك غل لزول حتى لو إنتِ غلطانة، اتذكري نحنا اتعلمنا شنو ونحنا صغار.
- حتعدى يا آمنة والله، الموضوع دا لازم ياخذ وقته عشان يعدي وأقدر أرجع أتعامل معاهم عادي، كل الواقع عنى إنه أحمد ما اتكلم معاي مباشر، وأمل اتكلمت بدله.
- وهنا أمل ذنبها شنو طيب؟ بتعرفها ليكِ كم سنة؟ يا هو لا من الليلة لا من بكرة ويمكن إنتِ أكثر زولة فينا عارفة إنها بتحبك قدر شنو ويتفضلوك علينا، ياخ دي في الهطار بتغير من علاقتنا أنا وإنتِ عايزة إنتِ تكوني أقرب ليها مني، وأكيد هي اتصرفت من غير ما ترجع ليه، ما تنسي إنتِ غلطانة وقت هظرتي مع أحمد بموضوع مؤيد وهو افتكرو حقيقة.
- اسي بقيت أنا الغلطانة؟ ومؤيد الدخلو شنو هنا؟

آمنة ذكرتها موقف مؤيد، وقالت ليها: خلي الأوقر دراما يا إيمان، قومي صالحية البت، الليلة خطوبتها، وهي زعلانة جداً إنكِ ما حتحضري معها يوم زى دا.

-ربنا يهنيها ويتم ليها على خير.

-بقيتي باردة ومستفردة جداً، وأوفر في الدراما، ما تضخم الموضوع وتديه أكبر من حجمه وما تقولي إنكِ براكِ عايشة في ماسي، أنا ماشة وبرجع ليك المساء نمشي ليها سوا غصب عنكِ تمام، أنا وأسامه نزلنا في بيت أبي هنا عshan أصالحك.

-في تفاصيل يا ريت لو قادرة أحكيها ليكِ بس، لكن ما تتبعي نفسكِ وتجيني، أنا من بيت أبي ما طالعة.

بالمساء آمنة مشت لـإيمان زي ما كلمتها، بس إيمان رفضت تمشي، وأسامه اتصل ليها تطلع عshan الزمن ما يتاخر ليهم ويقدرو يصلو ويرجعه بدري. إيمان اتذكرت إنه خطوبة أحمد مع أمل في اليوم ذاته، اتبسطت إنها خلاص حتىتخلص منه، وزعلت لأنه خسارتها ليه حتى تكون أكبر تحدي ليها خلال العام دا، وشريط ذكرياتهم مع بعض مر عليها، من أول يوم في المواصلات والشكلة، لأيام كثيرة كان بساعدها فيها، وأيام شغل الجمعية وقت كانوا

بوصلوها هي وأمل، ومرات براه. بعد الذكريات دي بكت واتصلت على جوري وقعدوا يحكوا مع بعض عن أفضاله عليها، وعن السبب الجذبها فيه، كمان بكرة آخر يوم ليهم في الخرطوم وبعدها كل واحد حيمشي للمكان الوزعوه فيه لمدة ستة شهور حتى يرجعوا تاني.

آمنة لمن رجعتْ البيت اتصلت بـإيمان عشان تجيها تودعها لأنه حتسافر هي مع أسامة برضو، وفعلاً إيمان مشت ليها بس اشتربطت عليها ما تجيب ليها سيرة أمل وأحمد نهائي وودعتها، وأنباء ما بتونسوا ونستهم العادية، آمنة تلفونها نور شالتو فتحتو، وان فعلت: الله دي صور الخطوبة، يا سلام رسلاوها في القروب.

إيمان ما أدت أي رياكشن بس لاحظت إنه صحبتها بدل ما تدخل ملابسها في الشنطة بتطلع فيها: معيش بس يا مدام أسامة، إنت جيتي من شهر العسل يا داب ليك أسبوع، مفروض أصلًا ما تستفي شنطة، لأنك ما حتكوني فضييتها، ليه اسي بتفضي فيها؟  
- عندي ليك مفاجأة.

- اللي هي، استني كدا، إنت ما حتسافري مش؟

-يا الله، كان تخليني أقولا أنا، آي ما ماشة، لأنه أسامة حينزل في ميز، ومع  
صاريف العرس دي ما فضل ليه حاجة عشان إيجار بيت جديد وكدا، فاتفقنا  
إني أقعد هنا.

-يا سلام، حنرجع للروتين القديم حقنا، لمدة وتناني ترجعي لمدام أسامة.  
آمنة ضحكت: أيواة مؤقتاً.

-تاني يوم - بعد ما آمنة وأهلها ودعو أسامة، مشت الشغل هي وصحتها،  
كان الجو كئيب بعد سفر الثلاثي أحمد وأسامة وفيصل، وفضل في المكتب  
بس منير، وبباقي المهندسات، ولمن جات استراحة الفطور، جاتهم أمل جارية  
 وأنفاسها طالعة نازلة وكلماتها متقطعة: ريماز ومحمد أخوها حصل ليهم  
حادث.

إيمان: شنو، جادة في كلامكِ دا، الكلمكِ منو؟  
أمل: هبة.

آمنة: ودي شذى متصلة لي بسم الله يا الله، يا بنات قومو أرحمكم سريع.  
إيمان: في ياتو مستشفى لكن؟  
أمل: السلاح الطبي أم درمان.  
إيمان: حأتصل بأمي أديها خبر، اطلبوا لينا ترحال سريع.

بسبب زحمة الطريق وصلوا بعد نص ساعة من الاتصال، لقو شذى ومازن ومعاهم هبة قاعدين مع أهل ريماز، جرت إيمان عليهما: يمة زهور ريماز ومحمد كيف؟

الخالة زهور وهي بتبكي: ما عرفنا عنهم حاجة يا بتي.  
شذى: مازن شوف ليانا طريقة تخلينا ندخل نشوفها.

مازن: الاثنين دخلو في غرفة العمليات، ما في طريقة يا شذى.  
أبو ريماز كان متوتر ماشي وجاي فيهم وقال: ادعوا لأخوانكم يا أولادي.  
إيمان: إن شاء الله يا عم حيقوموا بالسلامة، عن إذنكم.  
أمل: ماشة وين انتظري جاية معاكِ.

مشوا مسجد المستشفى صلوا ركعتين وقرروا ليهم سورة يس، بعدها مشوا يشوفوا لو حصلت حاجة جديدة ولا لسه، ومع وصولهم كذا القوا الدكتور طالع من غرفة محمد.

الدكتور: إنا لله وإنا إليه راجعون، الشاب اتوفى ربنا يرحمه والمريضة اتحولت على العناية المكثفة.

أم ريماز وقعت بعد كلام الدكتور، أبوها ضغطه ارتفع وبقى يردد: جائز، جائز  
الحمد لله، إنا لله وإنا إليه راجعون، اللهم أجرني في مصيبتي وأخلف لي  
خيراً منها، الحمد لله.

مازن: البركة فيكم يا عمي وربنا يعظم أجركم.

أمل اتصلت بأحمد وبقت تحكي ليه وتبكي لحدى ما وقعت وودوها الإقامة  
القصيرة أدوها درب ملح ومشت معاه إيمان، بعد ربع ساعة أمل فتحت  
عيونها وبقت تبكي شديد وإيمان بتبكي معاه، أمل قالت لإيمان بأنفاس  
متقطعة: أنا آسفة اعفي لي عليك الله عن كل الحصول بینا، الدنيا قصيرة  
شديد وخايفة أموت وإنتم ما بتتكلمي معاي.

إيمان: اهدئي يا أمل، ما حصل بینا شيء، أنا عافية ليك إنتم اعفي لي.  
حضنوا بعض وبقوا يبكوا، في أقل من ساعة أهل ريماز المستشفى ملوا  
المستشفى وأصحاب محمد، محمد دا بعد ريماز طوالى يا داب خريج في  
الجامعة، الحادث حصل ليهم بعد ما قدموا ضيوف كانوا معاهم، ومحمد كان  
سايق سريع ودخل فيه قلاب، بعدها أهل البنات جوا ووقفوا مع أهل ريماز،  
ولسه محمد ما طلعوه.

عم إبراهيم (أبو آمنة): إكرام الميت دفنه يا جماعة.

أبو ريماز: لسه يا حاج في اجراءات ما اتعملت.  
أخوان ريماز الصغار جو جارين وجابتهم خالتهم، لقوا أمهم صحت ورجعت  
قعدت معاهم تاني.

ماهر: بابا، محمد وريماز وين؟

الخالة زهور: ماهر حبيبي، محمد مشى لربنا خلاص.

رونق اتصدمت وبقت خاتمة يديها في خشمها: ريماز وين يا ماما؟  
الخالة زهور: بين الحياة والموت ادعني لأنحك يا رونق.

ماهر: أنا برضو ماشي مع محمد أخوي.

رؤى بقت تصرخ بأعلى صوت ومسكت ماهر: لا، يا ماهر ما تقول كدا نحنا  
ما بنقدر نفقدك، واي يا محمد أخوي، واي يا محمد.

الخالة تماضر: يا بتى اتصبرى وقولي الحمد لله وادعى ربنا يقوم ريماز تطلع  
بالسلامة، وربنا إن شاء الله حيعوض شبابه في الجنة. بعد نص ساعة الجنائز  
ومشوا يدفنوه، الجيران ما قصرت مشوا البيت وهناك عملوا الصيوان وواجب  
العزاء. عد أسبوع وريماز لسه في العناية المكثفة، والبنات ما قصرت كانوا  
بتناوبوا يطلوا على أهل ريماز بالفترات خلال اليوم، فصادف يوم إنه أمل

وإيمان جوا مع بعض، لمن كانوا قاعدين في الأرض، أمل بدْ تتكلّم معها:  
مسكينة ريماز والله ما تستاهل الحصول ليها.

- دا قضاء ربنا يا أمل، وما في مفر منه، الحمد لله على كل ابتلاء.
- صدمة عليها تكون لمن تعرف إنه محمد أخوها وصاحبها أتوفى.
- حنفيق معها حندعمها إن شاء الله وتحتقبل الموضوع.
- أمل بعدها حاولت تبرر لا إيمان: اليوم داك، أنا كنت غلطانة يا إيمان.
- ياتو يوم؟

-فاهمة عليك وإنْتِ ما عايزياني أجيب سيرة الموضوع الزمان داك، بس لازم  
تفهمي أنا عملت كذا ليه.

إيمان: فهمت عليك والله يا أمل، بس كان غباء مني إني كبرت الموضوع،  
أنا الغبية كنت، وبالمناسبة مبارك الخطوبة ليك ولا حمد.

- الله يبارك فيك، كان نفسي تكوني حاضرة.
- ما مشكلة الأفراح الجاية أكثر إن شاء الله، أولهم بعد ريماز تقوم علينا  
بالسلامة إن شاء الله.
- أحمد ما خطب أسييل يا إيمان.

-شنو؟ وليه؟

-أحمد جاءه شعور بالذنب من الحصول بینا، ورفض إنه يرتبط في الوقت الحالي.

-أسي هو كيف، وتلفونه فاتح؟

-فاتح آي، بس ما تشغلي همك، فترة وحيرجع.

-لا يا أمل، أحمد كان بالنسبة لي صديق لطيف وأكتر من كدا والعملو لي ما بسيط، وقف معاي كتير جدا، أثبتت لي إنه ليست العبرة بمن سبق وإنما بمن صدق، فأعفي لي يا صحتي حأشغل بالي بيه، لحدى ما يطلع من دوامة الذنب الدخل فيها بسببي دي.

بعد شهر ريماز فتحت ونقلوها عنبر، بس ما كانت عارفة الحصول لأخوها لسه والدكتور قال حالتهم ما بتتحمل أي صدمة. بعد فترة تانية بقت تتكلم، وتسأل عن أحوال أخيها، وقالوا ليها إنه كويis وبعد تتحرك وتمشي ممكن تمشي عليه تشووفه وإنه هو برضو بيسأل عنها.

إيمان اعتذر لـأحمد واتصالحوا وعلاقتهم رجعت أفضل من أول، وفادي اتخلى عنها من نفسه وأقنع أمه والخالة تماضر إنه كان متسرع وكان مفتكرها

إيمان الزمان، وإنها تتغير وأفكارها تتغير، وأمّها نسبة للحدث الحصل  
ريماز ما قدرت تتكلّم معها ولا تعاتبها.

三

مرث خمسة شهور من الحادث وريماز اتحسن، وزي ما وعدوها إنها أول ما تمشي براها ممكن تمسي لأنوها تشوفه، فصحباتها بقوا يشاغلواها، ردت عليهم وهي ضاحكة باهته: سوقوني غرفة محمد أخوي عليكم الله. آمنة: محمد سيقك وخرجوه على البيت.

ريماز: كيف الكلام دا؟ نحنا الحير جعنا منو وبشنو؟  
الحاله زهور ما قدرت تتحمل الموقف وبقت تبكي  
ريماز: أمي مالها يا هبة؟

هبة: يمكن دموع الفرحة ياخ تميتي ستة شهور عديل وماشة للسابع كنتِ  
الخالة زهور: كفاية نكذب عليها، ريماز يا بتي أخوكِ مات وليه ستة شهور.  
الصدمة كانت كبيرة جدا على ريماز وحصل ليها هبوط، الدكتور وقت جاء  
شاكلهم، وقال ليهم الأخبار الزي دي العقل ما بستوعبها من أول مرة

وبتختلف من إنسان لإنسان في درجة تحمله وصبره، وريماز لمن تفتق  
احتمال تكون داخلة في حالة النفسية، لدرجة ممكّن تتحول فيها لمصح  
عقلي.

الخالة زهور: ووب علي، كان فقدت بيتي أنا السبب.  
الدكتور: الله يرضي عليك يا خالة ادعى ليها تخف بس، ونحنا معها بإذن  
الله، وتحبقي كويسة.

في الوقت دا أحمد وأسامي رجعوا تاني من جديد، آمنة اعتذر لأسامة شديد  
عن تقسيرها في حقه وإنها ما كانت متواصلة معاً كتير، وانقطعت عن أهلها  
لفترة طويلة بسبب الحادث.

أحمد بعد ما رجع البيت كلم أمه إنه أخيراً لقى البت المُناه يتزوجها، ولازم  
تبارك ليه الزواج بالدعوات، وأمه فرحت ليه جداً من غير ما تسأل عن هي منو  
لأنها واثقة من اختيار ولدها، شذى تمّ وجاء موعد ولادتها، وولدت في  
المستشفى الفيها ريماز وجابت أحلى بنوتة، ولأنه الأفراح لا تأتي فرادى  
وقتها ريماز كانت بدت جلسات علاج نفسي وخفت. شذى اتفقت مع مازن  
يخلوا ريماز تختار اسم بتهم واختارت لهم اسم رهف.

شهرين مرّوا سريع ورهف كبرت، وريماز أتحسنّت وطلعت من المستشفى.

في يوم خميس وقبل زواج أمل بيوم، جاءت لأخوها وقالت ليه إنه عندها مناسبة وهو لازم يمشي يوديها، في البداية رفض ليها وقال ليها إنها عروس وما لازم تطلع قبل العرس بيوم وتفقد نورتها كعروس بس هي أصرت، وفي الوقت ذاته آمنة قالت لا إيمان إنه الليلة خطوبة نبراس الشغالة معاه ولازم يمشوا ليها، إيمان اعتذر من لها عشان زواج أمل وهي محتاجة ليهم، ولمن آمنة أصرت عليها مشت طلعت وحكت لأمل الحصول وإنه بكرة تكون معها في بيت خالتها من الفجر إن شاء الله، وأمل عذرتها. لمن وصلت إيمان اتفاجئت بأحمد ومعاه بت لابسة نقاب، مشت عليها وقالت ليها بكل هلعة: أمل؟

أمل: إيوأة أنا، الراجيك جوا في الصالة ما هنا.

أحمد ضحك: إيمان وآمنة خير برضو جايين لصحتكم؟

آمنة: أرحمكم ندخل وحنفهم أي حاجة جوا.

بعدين لمن دخلو اتفاجئوا بكل أهلهم جوا، وكانتين اسم إيمان وأحمد بخط عريض وصورتهم وفي النص بينهم خاتمين.

إيمان: في شنو؟

أحمد: فيلم هندي سوداني دا، بس واضح إنه أنا حاختبك وهنا وأسي.

إيمان: الله، إنتو عملتو دا كلوا؟ أمي وافقتي كيف؟

الخالة تماضر: عايزانى أرفض ولا شنو، بعد لقيتى زول تحبيه ويحبك،  
ويخاف عليك، وإنتم أكثر واحدة عارفة إنو دي اللحظة البتمناها أنا من زمان.

أمل: مالك يا إيمان، ما عايزة أخوي؟

إيمان: لا، طبعاً أرح يا أحمد اخطبني بسرعة قبل ما تجي واحدة تخطفك مني.

-ولبسوا بعض الخواتم -

أحمد مسك يد إيمان وباسها: ألف مبروك عليكِ.

-الله يبارك في عمرك يا أحمد.

-عمري إنتِ.

-ما عرفتكَ، تتغزل فيني قدام أهلي يا ود، عندك لي عريس ولا عايز تعرسني  
لأ خوك؟

-هبلة، إنتِ لمي فيني أول وبعداك فكري في أخوي.

أيهم سمعهم ورد لهم: لو ما أحمد لبسكِ الخاتم أسي كان سرقتك منو.

إيمان: بس ما كنت حاختار غير أحمد يا أيهم يا ولدي.

أمل: يا إيمو، أحمد عshan ما يفترى عليك ساي، ما كان حيخليلك لأخوه،  
المهم كان لازم تكونو مخطوبين قبل زواجي، وأنا مسوطة بيكم شديد  
جبابي.

إيمان: يا أمل، أنا بحبك ومهمما اختلفنا برجع بحبك أكثر من الأول.  
أحمد: أنا لسه واقف جنبك بالمناسبة يعني حأغير من أمل حتى لو أختي.  
إيمان ضحكت: إنت مجنون أكثر مني.

هبة: يا شباب، الكلام دا زاد عن حده، شوفو لي عريس اسي أنا خلاص  
اتمغست من الجو الهندي الما بحصل في السوداني نهائي، وحصل عندكم  
يا هو وعملناهو لإيمان وأحمد ولازم تتصرفو تعملو لي مفاجآة. ضحكوا  
كلهم، ورجعوا بيولهم مسوطين بالليلة دي، في الليل أحمد مسك تلفونه  
ورسل لإيمان: حربتي صاحية؟

-أكيد صاحية بس حربتي دي شنو ما تكون من حرباء؟  
أحمد ضحك: يعني البت الحربية.

-أحمد أنوثتي لو سمح حربية كيف؟  
-إنت بتخللي فيها أنوثة؟

إيمان رسلت ليه صورة يديها اليمين بالدبلة: قصدك إنك خطب ليك راجل؟

أحمد دموعه جرت من الضحك: والله بحب هبالتكِ وردودكِ دي، المهم رسلت  
ليكِ أسائلك، ليه ما جيتو بيتو مع أمل؟ أنا بتذكر إنه في زواج آمنة وشذى  
كنتو بتعملو مبيت جماعي، البت وحيدة اسي مع أهلها مع عايزه تقدعد.  
- هي أمل قاعدة في البيت؟ إنت فاتك كتير وقت كنت مسافر، وأصلًا بكرة  
من الفجر نحنا حنكون معها، فأحاقول ليك تصبح على خير.  
- يا سلام، حاكون في انتظارك.

إيمان بعد ما قفلت من أحمد ضحكت وقالت لنفسها: " واي مني، حتى  
الكلام السمح ما بقدر أرد ليه، أنا عندي جفاف مشاعر ولا شنو؟ لا داشكلو  
تصحر عديل، كيف ما يكون كدا واسي قفلت الأربعه وعشرين وكان زول  
عاين لي ساي بحمر ليه لمن ينسى اسمه منو، يا بت نومي حتتجني بسبب  
أحمد دا"

أمل اتزوجت وعدت الأيام، لا عدت سنة على زواجها وسافرت السعودية مع  
مروان، آمنة حملت وأجهضت مرتين لمن قربت تجن وتدخل في حالة نفسية.  
في نهاية السنة وفي أول جمعة من شهر ديسمبر كان زواج أحمد وإيمان،  
ولمعارفهم الكثار، العرس عملوه في صالتين، صالة رجالية وصالة نسائية،  
وكل الطقوس والعادات عملوها لإيمان حفلة لمبيت كل صحباتها كانوا معها

لحدى آخر لحظة، في فترة الخطوبة أَحمد و إيمان استغلوها عشان يتربوا  
 أمورهم، واتفقوا إنه فترة تعارف على بعض أكثر، والحب البجي يعد الزواج  
 أجمل بكثير من القبله. فكانت لقائهم خفيفة، لكن برنامجه مع صحباتها  
 زي ما هو ثابت، كل شهرين عندهم لمة وطلعة مع بعض، ويتصلوا لأمل  
 مكالمة فيديو، واللي هي ممفوسة جدًا من عدم قدرتها إنها تصل وتحضر  
 زواج أخوها وصحبة عمرها، أَحمد أول ما عقدوا وأصحابه ضربوا السلاح مسک  
 تلفونه ورسل لـإيمان: أول مرة حارسلا ليك عديل، بحبك يا إيمان، بحبك فوق  
 ما تتصوري، احتمال ما في بت قدرت تسرق قلبي وتشغل بالي بالطريقة دي  
 غيرك، مميزة بطريقتك الخاصة، وفيك شبه مني، وأنا كنت منتظرة للحظة دي  
 من زمان عشان أرسل ليك وأقول ليك الكلام دا بحبك.  
 إيمان ردت ليه وهي مبسوطة وخجلانة: أَحمد وأنا بحبك زي ما بتحبني وأكثر  
 يا قلبي ومبسوطة بيكم إنك ح تكون في حياتي، بس بعد ما الدبلة صدت  
 عديل ياخ نحنا لينا سنة مخطوطين.

أَحمد ضحك واتصل ليها، بارك ليها العقد أول شيء وقال ليها: بحبك يا  
 مجنونة، ويا أجمل صفة كتبها لي القدر.

\*\*\*

أحمد و إيمان اتزوجو وسافرو شهر العسل ماليزيا، وكانو مبسوطين شديد، ولمن رجعوا استقرو في بيت أحمد في الطابق الثاني فوق. وبعدها عدث سنة هبة سافرت فيها السعودية عشان تشتغل هناك، ريماز بقت كويستة جدًا ورجعت لشغلها، آمنة ولدت بـ وسمتها زينب، لكن في عمر الخمسة شهور الطفلة ما صبرت على مُرّ الحياة كتير وبقت سلف، أمها تعبت شديد لمن فقدتها، لأنه ولدتها بعد كم إجهاض حبتها واتعلقت بيها، كانت خايفه عليها شديد، لدرجة إنه الشغل وفته خالص عشان تكون مع بتها كل الوقت، وصح الحكمه البتقول كل ما اتعلقنا بحاجة حنفتها، ولحكمة ربانية فقدتها برضو، الحمد لله ربنا عوضها بوقفة صحباتها معاها، وبوجود أسامة الكان سند ليها وساعدها إنها تتجاوز الفترة الصعبه ليهم سوا، بس آمنة ما قدرت تتخطي الفكرة من الأساس. وبعد أسبوع كامل مُرّ وهي في بيت أمها، إيمان وريماز غشوها من الشغل عشان يشوفوها بقت كيف، وجابوا إليها أكل معاهم ودخلوا قعدو جنبها.

إيمان: أمنة، عرفت من خالي زينب إنك أبيت الفطور قبل، فهاكِ أكلني دا.  
آمنة: لا ما عايزه، ما في سبب بخليني أعيش أصلًا.

ريماز: يمكن تحسي يا آمنة إنه ما في زول حاسي بيـك، والجمـرة بـتـحرقـ الواطـيـها، بـسـ كـلـنـاـ فـقـدـنـاـ أـعـزـ نـاسـ لـيـنـاـ، وـصـعـبـ تـانـيـ يـرـجـعـوـ، وـيـاهـوـ مـسـتـمـرـينـ فـيـ الـحـيـاـةـ لـيـهـ؟ـ لـأـنـهـ دـيـ سـنـةـ الـحـيـاـةـ، وـإـنـتـ لـازـمـ تـسـتـمـرـيـ.

إيمان: كلام ريمـازـ صـحـ، يـلاـ اـنـشـجـعـيـ شـوـيـةـ.ـ آـمـنـةـ:ـ وـالـلـهـ مـاـ عـنـدـيـ نـفـسـ.

أسامة في اللحظة ديك وصل وجاء داخل عليها وقال ليها: آمنة، إنت لسه في حالتـكـ دـيـ؟ـ

آمنة: أطلع بـراـ يـاـ آـسـامـةـ، وـيـاـ رـيـتـ تـخـلـيـنـيـ فـيـ حـالـيـ.

إيمان: اهدـيـيـ يـاـ بـتـ دـاـ آـسـامـةـ، وـمـاـ غـرـيبـ عـنـكـ اـتـكـلـمـيـ بـرـوـاقـةـ مـعـاهـ، أـرـحـ بـراـ يـاـ رـيـماـزـ نـخـلـيـهـمـ عـلـىـ رـاحـتـهـمـ.

وطـلـعـواـ بـرـاـ لـقـواـ شـذـىـ وـصـلـتـ عـلـيـهـمـ:ـ بـنـوتـ،ـ آـمـونـةـ كـيـفـ؟ـ

إيمان: حـالـتـهـاـ صـعـبةـ وـالـلـهـ،ـ المـهـمـ آـنـاـ لـازـمـ أـرـجـعـ وـرـايـ التـزـامـاتـ ضـرـورـيـةـ،ـ نـاسـ الـبـيـتـ طـلـعـواـ وـأـمـيرـةـ فـيـ الـبـيـتـ عـيـانـةـ الـلـيـلـةـ،ـ لـازـمـ أـرـجـعـ أـعـمـلـ الـغـدـاءـ،ـ وـأـشـوـفـهـاـ أـخـدـتـ الـأـدـوـيـةـ وـلـاـ لـأـ،ـ وـعـايـزةـ أـغـشـىـ أـمـيـ أـوـلـ قـبـلـ مـاـ أـطـلـعـ،ـ وـمـفـرـوضـ مـاـ نـخـلـيـ آـمـنـةـ فـيـ وـضـعـ زـيـ دـاـ.

شذى: كلامك صح والله، بس رهف في البيت اسي بتكون مغلبة لي أبوها،  
لو كان جبتها معاي كان قعدت معها أنا.

ريماز: ما مشكلة أنا موجودة، لا متزوجة لا عندي بببي، امشوا وأنا معها.  
إيمان: طيب يا ريمو لو حصلت أي حاجة أدينني تلفون تمام، اسي حادخل  
عليها أودعها.

وفجأة آمنة بقت تصرخ وتعلّي في صوتها، وبتحاول تطلع في أسامة،  
صحباتها جرو عليها، وإيمان حاولت تطلع أسامة بهدوء: خليها تهدأ وتعال  
راجع ليها تاني بعد كم يوم تمام؟

-لمتين لكن يا إيمان؟

-اصبر أنت بس خليها على الأيام إن شاء الله.

-طيب، الصراحة يا إيمان أنا تعبت بس لسه حأتعب عشانها.

-ربنا يحفظكم لبعض.

بعد داك طلعوا منها وشذى أتأخرت معها لحدى ما تنوم، أما عن أسامة فقدم  
إيمان لحدى شارعهم. شذى اتكلمت مع آمنة: بالطريقة دي يالسمحة  
حتضيعي أسامة من يديك ما تعامليهو كدا.

-ما حيضيع مني أنا واثقة، بس لازم يفهمني ويقبل شعوري دا، ما ممكن كل مرة عايز يسوقني بيتهم داك.

-في شنو؟ أحكي لي؟

آمنة سكت مسافة وارتبت: ما في شيء.

-هو في شيء بس وقت تقرري تحكي أنا موجودة المهم لازم تعرفي إنكِ ما براكِ.

شذى طلعت قريب للعصر، وإيمان لمن مشت البيت لقت أحمد ما جاء، واستغربت إنه مفروض يكون طلع من أسامة وكان مفروض يجي يسوقها برضو.

أميرة: يا السمححة بتفكري في شنو؟

-السمححة إنتِ والله، في أخوك اتأخر كدا مالو؟ وإنْتِ بقيني كيف؟

-ما اتأخر، جاء وطلع مشى يلعب كورة أظنه، أنا كويسته.

-بالله؟ شايلة هم ساي أنا يعني، آها أخذتي أدوينتك في وقتها مش؟

-آي أخذتها، أمونة كيف الليلة؟ أجي بتشيللي هم لسيد الرجال مالك؟

-آمنة تعبانة والله، يمة هنادي وين؟

-يحليلها ربنا يعوضها، فقد حار، أمي مشت للجيران.

إيمان مشت غيرث ملابسها وعملث الغداء بعدها ناس البيت جو بالدور  
أيهم، من أبو أحمد وأمه كمان، واتغدو وشربو شاي المغرب، واتونسو لحدى  
صلوة العشاء وبعدها كل زول مشى لعرفته.

أحمد: آها الليلة آمنة كيف؟ أسامه قال لي ما رضت ترجع معاهو البيت.  
-آمونة نفسياتها طين شديد.

-لو إنتِ كان عملتِ لي كدا كان عرسُ فوق ليك، بس آمنة ما تستاهل،  
وربنا يعوضها كل خير.

-أحمد، إنتِ جادي في كلامك دا، أوريك وأنا كمان ما حأرجع ليك وحأعرس  
فوق ليك برضو.

أحمد ضحك: حبيتي إنتِ متخلفة مش؟ تعرسي كيف أنا الراجل ومحلل لي  
أربعة.

-لا، يا حبيبي مباح ليك بس، لكن ما مشكلة اتهناً وعرس تاني وتالت ورابع،  
كتر خيري أنا الوافقت بييك من زمان.

-بالله، خلاص من بكرة بعرس.

إيمان شالت المخدة ورمتها في أحمد وقامت مشت قعدت في الكرسي  
وطلعت اللابتوب حقها، وهو كان بيضحك عليها: حريتي، تعالى مكانكِ  
إنتِ عارفة إنه ما عندي غيركِ والله.

-ما عايزه معاكِ كلام، اسكت عندي مكالمه من ريماز.

-ريمو، آها آمنة كيف؟

-الحمد لله هدئت، شذى اتكلمت معاهها كتير.

-يحليلها ياخ، وإنانتِ كمان ما قصرتِ.

-الصحابات اتجود عشان شنو؟ بكرة جاية عليها إنتِ مش؟

-أيون، بكرة الخميس وكدا حأقعد معاهها، بس انتظريني لمن أجي برضو، يلا  
سلام.

أحمد كان بضبط في المنبه بتلفونه: آمنة كيف؟

-قالوا نايمة.

-خير إن شاء الله.

تاني يوم بعد الدوام ما انتهى، إيمان مشت لقت آمنة لسه في حالتها النفسية،  
لدرجة هي رافضة تطلع برا الحوش خلي البيت كله، جاتها صدمة من وفاتها  
بتها، وهي ما تعبت شديد، ومرضها كان بسيط وجاء فجأة بس قدر الله، إيمان

جاءتهم بدرى وقررت تعامل ليهم مفاجأة: آمنة إنت لسه في حالتك دي؟  
قومي يا بت الليلة الخميس حنطلع من البيت زي زمان، ريماز اجهزي سريع.

ريماز: حاضر كابتين.

آمنة: ما بقدر يا إيمان، الله يرضي عليك الله خليني امشي إنت وريماز.  
إيمان: أخليك وين؟ قومي يلا أرح حمسبي نطلع اسي، وإذا حتعملني لي  
حركاتك دي، اسي حامشي وتناني ما بعتب باب بيتكم، لازم تغيري جو  
وحاحكي ليكم حاجات حلوة في الشارع.

ريماز: آها يرضيك إيمان تزعل منكِ كدا؟ أنا كان علي جهزت يا إيمان أرح.  
آمنة: لا دقيقة كيف ما حتجي يا إيمان، ليه عايزه تخليني أفقدك إنت برضو.  
إيمان: أنا مقدرة حزنكِ جداً، وإنتم مؤمنة بالقضاء والقدر صح؟ وبتكم قلث  
ليكِ ح تكون ليكِ سلف ولسه الحياة قدامكِ وتحببى أحلى تؤام صدقيني  
إن شاء الله، وحتملئي البيت كله عيال.

آمنة: أولاد تاني ما دايرة، كفاية فقد، ما بقدر أتحمل إنهم يموتوا قدامي.  
ريماز: البت دي جنت يا إيمان صدقيني.

إيمان وهي بتساعدها إنها تقوم وطلعت ليها عبایة: كلامك صح يا ريماز بس  
تقولي شنو، قومي البسي شوفي نحنا لسه بنات وممكن نلبس عبایات ما  
حصلنا عمر الخالات، يلا أرج نطلع.

آمنة: أنا بقول في شنو، وإنتم بتقولو في شنو؟  
إيمان: يلا نطلع.

آمنة: تعبت منكم طيب.

وهم طالعين من البيت جاء أسامه وأحمد داخلين.

أسامة عيونه وقت شاف إيمان في وشه: ما شاء الله وصلتي متين يا  
إيمان؟! وماشين على وين؟

-معاك شخصياً السوبر خارقة إيمان، قل هو الله أحد، خمسة وخمسة  
انضلو يا جماعة، خالتى زينب وعمو إبراهيم جوا نحنا طالعين.

-بس أنا قلت ما شاء الله.

-كل عين ساحرة.

-إلا من قالت ما شاء الله.

أحمد: ريماز كيف حالك، آمنة بقىتي كيف وماشين على وين؟  
ريماز: أهليين أحمد، والله سايقانا إيمان دي.

أُسامَة: دا السؤال السأّلتو ليهم وما ردوا عليه.

آمنَة: الحمد لله والله يا أَحْمَد إِنْتِ كَيْف؟ عَلَى قَوْلِ رِيمَازِ مَاشِينَ وَيْنَ اسْأَلَ  
الْأَخْتِ دِي!

أَحْمَد: الحمد لله، آهَا يَا الْأَخْتِ رَدِي لِي إِنْتِ؟

إِيمَان: حَبِيبِي أَنَا، مَاشِينَ نَغِيرَ هَوَاءَ وَجْوَهَ، وَإِنْتُو أَتَفَضَّلُو الْبَيْتَ بِيَتِكُمْ.

آمنَة: حَتَّجِيبُو لِيَنَا أَوْلَادَ مَتِينَ يَا أَحْمَد؟

إِيمَان انصدمت وجرت آمنَة: وَوَبَ عَلَيِّ مِنْكَ يَا مَحْرَجَةَ، دا مَا سُؤَالٌ بِتَسْأَلَ  
كَدَا.

رَفَعَتْ رَأْسَهَا وَشَافَتْ أَسَامَةً وَأَحْمَدَ قَاعِدِينَ يَضْحِكُوْنَ وَنَادَتْ عَلَى أَحْمَدَ مِنْ  
مَسَافَةَ بَعِيدَةَ حَبَّةٍ: يَا أَحْمَدَ، بَعِدِينَ مَا تَنْتَظِرُنِي.

أَحْمَد: مَا تَصْرِخِي فِي الشَّارِعِ، عَارِفٌ أَصْلًا مَا جَاءَ عَشَانِكَ، جَاءَ عَشَانِكَ  
خَالْتِي وَعَمِّي.

بعدها دخلوا بيت أبو آمنَة، وأُسامَة ساقَ أَحْمَدَ الصَّالُونَ وَهُنَّاكَ سَلَمُوا عَلَى عَمِّ  
إِبْرَاهِيمَ وَقَعُدُوا يَتَوَسَّوْنَ مَعَاهُ.

-وَهُمْ فِي الشَّارِعِ-

رِيمَاز: آهَا يَا سْتِيْ حَنْمَشِيْ وَيْنَ؟

إيمان: بعد كلام آمنة القبل شوية تاني في نفس نفس للمشي؟

آمنة ضحكت: مالك؟ عايزه أشوف أولادك يختي.

إيمان: بالغت لكن، أرحمكم عازماكم في البيت السوداني.

آمنة: مطلعانا من البيت عشان البيت السوداني ما حاسة نفسك بالغت معانا  
شوية.

ريماز: بالغت معها شديد يا إيمان والله.

إيمان: إنت بالسمنة صحي قبيل ليه ما اتكلمت مع أسامة؟

آمنة: وإن ليه بتحبي تغيري الموضع؟

إيمان: ما تهربني من الإجابة، بس خلاص بهظر معاكم في البيت السوداني،  
أرحمكم المصري عديل بس جهزولي قروشكם.

ريماز وآمنة: قروشنا؟

آمنة: العازم الثاني منو يختي؟

إيمان: صدقتو؟ طيب حادفع ليكم بس شيلو طعمية وما تزيدوا.

ريماز: كدي أرح وبعدين بنوريك بنشيل شنو.

آمنة: طعمية؟ أرح رجعني لأحزاني.

إيمان: كلو ولا أحزانك بس نصل، آها جاوي علي.

آمنة: إيمو ما تذكريني حاليا، لأنه أنا بالجد كلما أشوفه، بشوف فيه بتي.

إيمان: ودي ماخدة نقطة ضعف مفروض ما تخليه كدا، أسامة برضو تحتاج  
وقفتكِ معاه حتى أحزانكِ في أحزانه، حاولي ارجعى البيت معاه كان ما الليلة  
بكرة، وإلا حيجيب ليكِ مرة في البيت.

آمنة ضحكت: منو يعرس؟ أسامة أساليني أنا مستحيل يفكّر في نقطة زي  
دي حتى.

إيمان: طيب ليه أحمد قال حيعرس فوق لي لو كنت مكانكِ؟  
ريماز: أحمد قال كدا، شكلو بهظر معاكِ.

آمنة: أكيد، إنتِ يا إيمان أكتر واحدة قريبة منه ومفروض تكوني فهمتية  
خلاص، كلام لسان ساي.  
البنات وصلو المطعم -

إيمان: وروني نفسكم في شنو؟

آمنة: جيبي لي بيرقر، شاورما، بيتزا حجم عائلتي المهم حاجات تفتح النفس  
مش طعمية تسد نفسي.

إيمان: خلاص يا ستي امشو اقعدو إنتو بس.

بعد خمس ساعات وقرب للغرب بشوية كدا وَدَّعو ريماز، وهم رجعوا البيت  
ومبسوطين، ولقو أسامه قاعد منتظرهم لسه.

إيمان وهي بتهمس لآمنة: أسامه لسه منتظركِ أو عاكِ تردي ليه كعب، أنا  
حامشي أدخل لخالي زينب اقعدني معاه.  
أسامة: إن شاء الله دايماً مبسوطين.

- جمعاً يا رب، كيف عامل وكيف ناس البيت؟

- كلهم كويسيين البيت بس فاقدكِ.

- أسامه بكرة حارجع البيت إن شاء الله.

أسامة من الفرحة: جادة؟

- آي إن شاء الله.

- أحلي خبر دا، ياخ خلاص بكرة من الصباح معاك ومن الليلة حارجع عشان  
أفرش ليكِ البيت زهور.

- ما تبالغ.

عم إبراهيم: ما في ليك مشي الليلة يا ولدي اقعد معانا هنا، والصبح امشوا  
مع بعض.

في المطبخ إيمان لقت الخالة زينب معها أمها: أمي، إنت هنا؟

الخالة تماضر: قبيل حيرتني طبعاً مشيتى بسرعة ما شربتى العصير مالك؟  
إيمان: قلت ليكِ مستعجلة، لكن ندمت على إني ما شربتو إن شاء الله خليته  
لي في التلاجة.

الخالة تماضر: قبيل أحمد ولدي جاء وشربو.

إيمان: ايواه قولي لي كدا، قلت لي أحمد ولدك مش.

الحاجة زينب: دي شنو الغيرة دي يا بت؟ وبالغت امشي التلاجة تلقى ليكِ  
برقال سوي عصير وأديننا معاكِ.

إيمان: خالتى زينب إنتِ صدقتي، بطني مليانة فل، بس بشغلها للحاجة، آها  
أبوي كيف وجاء متين من الشغل، وأسي هو قاعد في البيت براه؟

الخالة تماضر: كوييس، معاه أحمد.

إيمان: أحمد؟! معقوله للآن ما رجع البيت؟

الخالة تماضر: يا بت مالك طارداه؟

الحاجة زينب بتضحك: بالغتي والله يا تماضر.

الخالة تماضر: بالغت أنا ولا هي يا زينب؟

إيمان: طيب عن إذنكم، أنا زعلت.

الخالة زينب: زعلكِ ما بهون علي، عاينه معانا قهوة؟

إيمان: تسلمي لي، شكرًا بالهنا ليكم ياخ.  
في الحوش آمنة وأسامه كانوا بتونسو وبضحكو، وأبو آمنة دخل الصالون  
وخلهم.

إيمان: يا سلام ياخ تردوا الروح وإنتو بتتونسو وحلوين مع بعض زي زمان،  
أيوة كدا.

آمنة: آمنة حترجع البيت بكرة يا إيمان.

إيمان: ليه وافتِ ترجع عاوه؟! بهظر ياخ، أحسن قرار إتخاذته، ياخ بالجد  
فرحت ليكم شدید.

آمنة وهو ضاحك: خوفتنيي لمن قلتي ليها وافتني ليه؟  
آمنة: إيمان هي الأصرث على إلا أرجع.

آسامه: أفهم إنك ما عايزه ترجع عايه بارادتك؟ كتر خيرها إيمان ياخ ما قصرت.  
إيمان: بالعكس بارادتها هي بس بتبالغ.

آسامه: طيب خير، عن إذنكم أنا غاشي أحمد، حنمسي الجامع وإحتمال  
نجي بجاي نودعكم ونمسي طوالى.  
آمنة: مش أبوبي قال ليك ما تمسي.

إيمان: حلوة يا باشا ما تمسي قلتني لي؟

أسامة: طيب حاكلم أحمد إني قاعد تمام؟

إيمان: خلاص يا أمونة بقتي ما محتاجة لي، فحأمشي أبيت الليلة مع أمري  
بغادي.

آمنة: يا بتبي فرقت شنو بيتي معاي هنا، أسامة مع أبوى في الصالون، وأنا  
وإنتِ مع أمري.

إيمان: خليها في مناسبة تانية يا جميل، حتى ولو ما بقدر أخلي أمري براها.

\*\*\*

تاني يوم بعد صلاة الظهر أحمد جاء إيمان، وأول ما رجعت البيت لاقتها أميرة  
وقدudo مع بعض في المظلة الخارجية: عايزه أقول ليك حاجة يا إيمو بس  
أحمد حيقتلني إذا عرف إنك عرفتي مني.

إيمان: أيواة، يلا حماس، سريع قولي في شنو؟ أكيد ما حيعرف أرح.

أميرة: المشكلة إنه حذرنا، ونحنا حلفنا ليه، بس هو الليلة حيقول ليك براه.  
آمنة رجعت مع أسامة، وفي البداية كانت متربدة بعدين إتذكريت إنها وعدته  
وعاينت ليه، ولحالته النفسية و إنه انبسط فما جبْ تكسر بخاطره تاني. آمنة

لمن رجعت من البيت لقت أخت أسامة رجعت من السفر وهي من زمان بتكره  
آمنة وبتتعاملها كعب، عشان بس آمنة طيبة والأسرة كلها بتحبها وفضلتها  
عليها. ولمن شافت آمنة دخلت مع أسامة كشت وقلت ليهم: حمد لله على  
السلامة يا سندريلا، ما كان تجي والله، كتر خيركِ الفكرتي تجي وإنه عندكِ  
بيت هنا.

آمنة: أختكِ جات متين؟ ما كلمتنني.

أسامة: يابت اتكلمي معاها بأدب دي زوجة أخوكِ وعارفاني حاتصرف معاك  
كيف؟

أسماء: أنا آسفة يا أخوي.

آمنة فاصلين ليها بيتها براها وزعلت من كلام أخته: أنا ماشة بيتي بغادي.  
أسامة: طيب سلمي على أمي من أمس منتظرالـ.  
أسماء: كانت منتظرها، بس اسي نامت.

آمنة مشت بيتها وبقت تتذكر في بتها ورجعت تبكي تاني، أسامة قدر ما  
حاول معاها عشان تسكت ما قدر، لمن تعب وقرر إنه يطلع من البيت، أسماء  
طوالـي بعدهما أخوها طلع وبقت تتكلم معاها: بالمناسبة يا هانم، أنا قبيل

السبب فى موت بتك بطلی استهبالك دا.  
سکتا ليک عشان خاطر أخوي الكبير وعشان بحترمه وبعزم وبحبه، بس إنتِ

آمنة وهي بتبكى: أنا ما السبب والله، الله يرضي عليك خليني في حالٍ  
والله ما بقدر عليٍ كلامك دا أنا.

أسماء: قدرتي تقتلني بت أخوي بدمكِ البارد دا و إهمالكِ وما قادرة تسمعي  
كلامي، عليك الله اطلقي منه وريحه نفسيًا من خلقتك دي، واقطعى أي  
رابط بينكم، ما في شيء بيربطك بيه بتكم ومات، حلبي عننا ياخ.

آمنة: حتى لو أسامي قرر القرار دا، أنا ما حاخدية، إنتِ ما فاهمة الرباط البينا.  
أسماء وهي ضاحكة شريرة: إنتِ مستفزة بشكل، قال رباط بینا يختي إنت  
عايزه تعكري لينا وليه مزاجه، ياخ إنتِ كتله أحزان ماشة.

أم أسامة جات ت Shawf بتها بتكورك وبتتكلم مع منو، ولمن شافت آمنة اتبسطت ومشت عليها: آمنة يا بتي إنتِ وصلتي متين؟ تعالى يا الرضية تعالى الحنينة، الزينة السمحنة.

آمنة لمن شافتْ أمَّ أَسَامِةَ بَكَاهَا زَادَ وَحْضُنَتْهَا: أَمَّيْ كِيفُوكِ وَكِيفُ عَامِلَة؟  
أمَّ أَسَامِةَ: الْحَمْدُ لِلَّهِ الْحَمْدُ لِلَّهِ بَسْ فَقْدَتِكِ حَتَّى جَارَاتِكِ فَقْدَنِكِ، بَتِبَكِي مَالِكِ  
اهْدِيَءِ، وَبَتِكِ رَبِّنا يَجْعَلُهَا لِيَكِ سَلْفَ.

أسماء غيرث نبرتها بعد أمها جات و طوالى ردت ليها: من قبيل بقول ليها كدا  
يا أمي.

أم أسماء: امشي يا أسماء اعملي لأنك عصير.

أسماء لنفسها: "تشرب السم عاد الكريهة"، وبعدين ردت لأمها: حاضر يا  
أمي من عيوني.

شوية كدا آمنة هدئت بعد شافت أم أسماء وقعدت اتونست معاها وغيرت ليها  
جوا.

أسماء بعد طلع منها اتصل لأنّه: أبو حميد، وصلتو كيف؟

-حبيبي يا سمسوم الحمد لله، وإنّتو؟ وآمنة كيف حالتها؟

-رجعت تبكي تاني، والله إلا طلعت خليت ليها البيت والله.

-ما كان تخليها وراك وهي بتبكي.

-ياخ معقوله يا أحمد أخليها كيف، بس حاولت معاها شديد وتعبت وقلت  
أغير جو بدل ما أدخل في حالة سيئة برضو.

-بشواف إيمان لو بتقدر تمسي علىها إن شاء الله.

-يا ريت تكون ما قصرت، آها خلصت شغل قبيل أمس؟

- فضل لي بسيط قلت أتمه بكرة، الليلة ما كان لقيث ليه زمن بس إيمان  
قالت هي حتمو أسي وشغالة فيه جنبي هدي.
- طيب موفقين، تحياتي ليها، يلا سلام حامشي البيت أشوفها أمونة بقت  
كيف؟
- حربيتي فاضل ليكِ قدر شنو؟  
إيمان لابسة نظاراتها ومركزة مع الشغل: ما بعيدة، قربت أخلص، أسامة قال  
آمنة مالا؟
- قال صحتك تعبت ورجعت تبكي تاني.
- عادي لكن حتتحسن، مفروض تكون في بيتها عشان تطلع من الحالة دي.  
كويس منطق برضو.
- أحمدى يا حبيبي.
- عيون أحمد، عايزة تقولي شنو؟
- ما عندك لي مفاجأة أو نفسك تقول لي شيء بيرجح؟
- دایرة شنو إنتِ، وأنا بجيبيو ليكِ.
- إنتِ عندك شنو؟
- أيهم أو أميرة في واحد منهم أتكلم معاك مش؟ بس بطين عيشتهم.

-لا، ما في واحد منهم لمح لي، بس أنا بفهمك من بعيد.

-إيمان مفاجأة زي شنو، أقول ليكِ أنا حامل مثلًا؟

إيمان قفلت اللابتوب ومشت قعدت جنبه في السرير: الحمد لله كدا خلصت، أحمد جنت أنت راجل كيف حامل؟ وريني كيف يعني؟ خلاص أنسى ويلا تصبح على خير.

-طيب حبيبي ما تزعلني مني بهظر معاكِ، ما تنسي بكرة تمشي تشوفي آمنة، وعلى المفاجأة الدايرة تعرفيها، صحبتك حترجع السودان في نهاية الشهر دا، وما كنت ناوي أوريكِ إلا تشوفيها قدامكِ لكن شايفكِ زعلتِ جداً وما بهون علي زعلك.

-جادي؟ أمل يا سلام ياخ، يعني أسامة قال آمنة تعbaneة شديد، عشان بكرة عندي برنامج مهم مع ريماز وضوري.

-برنامج شنو؟ ممك تمسيه وتجيها راجعة.

إيمان طلعت من شنطتها منقة خضراء وبقت تأكل فيها: ريماز عندها زميلها كان معاه في الجامعة قال عايز يقابلها، وقالت لي ما بتقدر تمسي براها، هبة أو أمل لو كانوا هنا كان واحدة فيهم مشت معاه، وشذى راجلها بكرة قاعد في البيت برضو فما بتقدر تطلع، وأمنة زي ما إنت عارف حالتها.

أحمد بكل غيرة: نعم نعم، وإنْتِ ما عندكِ راجل مثلًا؟ وبعدين دا شنو القرف  
البتاكلي فيه دا؟

-منقة لكن ما فيها شطة والله، ملح بس، أَحمد ما كدا، بس ما حائلني البت  
تمشي براها، ذاتو أعرف فهمه شنو.

-إرميها ما تأذى روحكِ ياخ، بشرط أمشي معاكِ أنا.  
إيمان ختن يدها في يدو: أَحمد، خليكِ واثق مني ما حيحصل لينا شيء، إنْت  
عارف كوييس إنه أنا كيف بقدر أتصرف.

-واثق منكِ بس ما منطقى الكلام دا، أكون عارف وأخليكِ تمشي تلاقي  
راجل أجنبى.

-افهمنى أنا ما حاتكلم معاه أصلًا، بس حاكون معاهها عشان هي ما تلاقي  
راجل أجنبى، وخت في بالك حنلاقيه في مكان عام، لو حصلت لي أي حاجة  
حأتصل ليكِ بس إنْت خليكِ قريب.

أحمد ضحك: ليه أنا فلاش مان يعني؟ غايتو حائليكِ تمشي عشان  
صحبتك بس، لكن خلي بالك من نفسك ومن ريماز وأوعاكِ تفتحي خشمكِ  
معاه تكوني ساكتة، إعرفي فهمه شنو، لو محترم وعايزها على سنة الله  
ورسوله يتقدم طوالى.

إيمان ضحكت وردت ليه: ما تتسبقى الأحداث أسي إحتمال بينهم شغل وأوراق.

في اليوم الثاني إيمان مشت لآمنة أول بالصباح، حاولت معاها شديد تخليلها تمشي المركز بس آمنة رفضت، ورتها إنها بعد المركز عندها مشوار مع ريماز وتحتفشها نهاية اليوم. في واحدة من الكافتریات كانوا البتين قاعدات وجاء زميل ريماز ومعاه صحبه، إيمان استفزت من حركته وكانت عايزه تنفعل فيه، إنه كيف جاي يقابل بت ومعاه صحبه، سلم عليهم وإيمان رفضت تسلم عليهم بحجة إنها ما بتتصافح وكانت لابسة جوينتات، ريماز اتحرجت من عدم سلامها، لكن مشت ليها وقعدو الشاب كان اسمه مزمل، وصاحب المعاہ سالم، بعد السلام والتعرف، مزمل قال لـإيمان بكل خباثة: ريماز ما قالت لي جايبة معاها مزة.

إيمان ردت ليه بابتسمة خبيثة: الغريبة إنها قالت ماشين نلاقى راجل.

ريماز همست لصحابتها: يا بتي، عليك الله اسكنتي ما تحرجينا.

-ما بسكت والله، وأسي قومي أرج نمشي من هنا.

-طيب نشوف فهمه شنو أول.

مزمل اغتاظ من كلام إيمان بس حاول يستظرف معاهما: شكلك صعبة يا باشمهندسة...! معليش اسمك منو تاني؟ خير بتوسو في شنو؟ إيمان: أعتقد إنه من حسن إسلام المرء تركه ما لا يعينه، يا باشا، اسمى ما قاعدة أكرره.

سالم: يا السمححة خليكِ رايقة وخلينا نتكلم شوية، ونخلي الجوزين ديل يتفاهم مع بعض.

إيمان وقفت على حيلها ودقت ليهم التربizza: الجوزين ديل؟ إنتو متاكدين إنكم أولاد ناس؟ وبعدين دي شنو الأشكال دي العايزينا نلاقيها يا ريماز، واي منك سريع قومي أرح قدامي.

مزمل مسكت يدها الشمال: اقعدني يا أختنا وما تفضحي نفسكِ إنتِ زولة واعية.

إيمان فكت الجويت حقها وحنتها ظهرت، وأدت الولد كف بيدها اليمين والناس كلها بقت تتفرج فيهم: أحسن ليك تفك يدي بهدوء، لأنه أنا لو فكيتنا حاًتصرف معاك تصرف تاني، وما في زول بحلك مني، وفضيحة شنو بالله، إنسان مُتخلف رجعي، صحي الإنسان هو البطور نفسه لا قرابة جامعة لا شيء مع إنها بتفرق وبتربي كتير لكن يا خسارة.

ريماز: مزمل فك يديها سريع، وأنا بقيف مع إيمان كنت قايلاك زول محترم،  
بس طلعت أي كلام وصحي زي ما حذروني بنات الدفعه منك، لكن قلت  
أديك فرصة.

مزمل بعد فك يد إيمان: طلعتي متزوجة كمان ولا دي حركات بايرات، المهم  
ريماز، أنا جادي في حنكي معاكِ أنا عايزةاكِ يا بت الناس على سنة الله  
ورسوله.

إيمان ضحكت على كلامه: اعتبرها حركات بايرات، قومي يا بت أرح، طلبك  
مرفوض يا أستاذ.

مزمل اغتاظ من إيمان شديد، ومن جواه قرر ينتقم منها، بس ما عارف غير  
اسمها إيمان بس ومهندسة معمارية، فقرر إنه يعرف عنها معلومات أكثر.  
أما ريماز بكت من صدمتها وإيمان واستهها ووصلتها البيت وطالبي طلعت  
مشت لآمنة وقعدت معاها أول وحكت ليها الموقف الحصل ليهم دا وبعدها  
لاقت أهل بيتهم واتونست معاهم ورجعت البيت وهناك أحمد كان منتظرها.  
أما عند آمنة بعد ما إيمان طلعت وأم أسامة طلعت للجيران.

-قومي ختي لي غداء.

-خلي أمي تجي ونخته كل مع بعض.

أسماء رمت تربizza وصرخت: قلت ليك حتى لي الغداء ما تقولي لي أمي  
وبتاع، وبعدين دي أمي أنا، فما تعملني لينا فيها طيبة.

آمنة بقت ترجم من الخوف وردت ليها بنبرة خايفة: حاضر، حأقوم.

آمنة ما كانت عايزة ترجع البيت مع أسامة عشان تعامل أسماء، البتجي كل  
ثلاثة شهور وبتقعد معاهem ثلاثة شهور كامل وتناني بتمشي، وكانت عارفة  
إنه الفترة الجاية هي حترجع في أي لحظة، عشان كدا حاولت ما ترجع البيت،  
ودا السبب الشكت فيه شذى، كمان آمنة بتحاول تكسب قلب أسماء بالخير،  
لكن الأخيرة كانت مليانة منها وبتكرهها شديد، وما عايزة تقدم ليها أي خير.  
إيمان حكت لأحمد الحصل بينهم كله مع الشاب، وأحمد انبسط من ردُّ  
فعلها وحذرها إنه تخلي بالها، لأنه ممكِن يغدر بيها، فطمنته إنه ممكِن ما  
يحصل شيء بإذن الله.

\*\*\*

صباح بداية الأسبوع ودؤام جديد بالصبح وفي بيت أسماء بعد صبح على  
آمنة، وسألها إذا حتنزل الشغل ولا لا، إلا إنها أعذررت واتحاججت أنها مرهقة  
لكن حتنزل قريب إن شاء الله، ورد ليها: حاخد ليك أورنيك مرضي طيب، لأنه  
إجازتك انتهت ومفروض تنزلي من الأسبوع الفات، وأنا لازم أمشي الليلة  
عندنا مشروع مهم لازم يتسلم.

آمنة: تسلم لي، موفق يا رب.

أسماء بعد ما طلع آمنة رجعت لأسطوانة البكاء وما أظنها تعبت من البكاء  
ولا دموعها جفت، أسماء وقت سمعت صوتها بتبكي طوالى جاتها: يا بت  
الناس دي شنو الحركات دي؟ كفاك أزعجتينا وأزعجتني الجيران.  
آمنة: اغفوا لي يا أسماء غصب عنى.

أسماء ضربت ليها الباب: يلا غصب عنى بلا بطيخ معاك، خلي استهبالك  
دا، أسماء أخوي معرسك عشان تخدميه إنت، ما أنا، شاي الصباح ساي ما  
سويته ليه ونایمة زي الملكة كدا، أسي قبل ما أمي تجي من السوق الكان  
مفروض تمسيه إنت قومي سريع نضفي البيتين وجهزى الفطور.  
آمنة: طيب، حاضر.

أسماء لنفسها: "البت دي مالا حاضر و طيب و مسكينة كدا، شخصيتها ميتة  
أسي لو كنت بحبها كان قويت ليها شخصيتها، بس مشكلتي ما بريد  
خلقتها"

أسماء بعد وصل لاقته إيمان: أسماء صباح الخير، خير آمنة وين وعدتنى تنزل  
شغل الليلة.

أسماء: صباحك خير يا إيمان، قالت ما بتقدر أسي ذكرتني أشيل ليها  
الأورنيك قبل ما انشغل صحي، أحمد وصل مش؟

وقتها أحمد جاء طالع وشاييل فلاش في يده: أكيد وصل، صباح الخير يا باشا،  
خير آمنة مالا، هاكِ يا إيمان دا الفلاش راجعي شغلك وورياني ليه.

-أسماء، آمنة عيانة؟ حاضري يا باشمھندس أحمد.

-تقريباً، قالت مرهقة بس.

-غريبة أمس كانت كويستة، خلاص جهز لي الأورنيك بشيلو ليها بعد شوية،  
في الوقت دا حارج الشغل سريع.

-ما في داعي حاتصل بأسماء تجي تستلم الأورنيك مني وتسوّقها توديها  
المستشفى، اشتغل بي براحتك.

-ما مشكلة حادي شغلي الجديد للباشمهندس نبراس قاعدة تسد لي وأسد  
لبيها.

-الباشمهندس نبراس؟

أحمد لكز صحبه وغمز ليه: بالغت يا سمسوم المهندسة المعمارية الفي  
قسمنا بغادي.

-آها اتذكرتها، بالله البت بتاعت سمسوم دي هي، الغريبة بعرفها كشكل  
أكتر، يخرب بيتكم باسمكم الجديد دا نسيتو أسماء الشباب ديل.

-مالكم بتتكلمو بالإلغاز كدا؟

أحمد: ما في أي إلغاز خلاص يا باشمهندس إيمان كلميها، وإنتم ممكن  
تمشي.

إيمان شكت في طريقة أحمد وكلامه ورفعت حاجبه وردت: لا بالله، للدرجة  
دي؟ طيب عن إذنكم، وهاك شغلك راجعه براك يا باشا أصلًا أنا نحنا ما قسم  
واحد، وأديه لسمسوم تتمو ليك رأيك شنو؟

بعداك مشت منهم زعلانة، وأخذت إذن وأورنيك آمنة، وطلعت على بيتها  
طوالى هناك فتحت ليها أم أسامة وسلمت عليها وقالت ليها: خالتو كيفك،  
جيـت أـفـاجـي آـمـنـة طـبـعاً فـحـبـيـت أـسـلـم عـلـيـك وـأـدـخـلـ بـالـبـاب دـا.

أم أسامة: تنوري في أي وقت، هي بقادم ومعها أسماء.  
إيمان: تسلمي يا رب، كويس طيب.

المفاجأة كانت لـإيمان بدل ما هي تفاجئ آمنة وعرفت إنه أسماء بتشاكل آمنة  
وقاعدة تهينها وآمنة ساكتة ليها وتبكي.  
إيمان: أسماء؟!

ردت ليها أسماء بكل خوف: إيمان؟ جيتني متين إنت؟  
- خليلك مني وجيت متين، مالك مع آمنة؟ آمنة خط أحمر يا أسماء فاهمة؟  
بعدين إنت ما بتؤمنني بالقضاء والقدر؟

- إنت فاهمة غلط، أسي أنا قلث ليها شنو بسم الله؟  
آمنة وهي بتدافع عن أخت راجلها: ما قالت لي شيء يا إيمان، امشي إنت يا  
أسماء خلاص.

- أنا مشكلتي سمعتها بس ما اتوقع إنها تكون كدا نهائي، أسامة وخالتو  
عارفين البحصل معاك دا؟

- البحصل شنو؟ وصحي إنت الحاجبك شنو، من الليلة شغالة؟  
- ما في ليك مفر تهرب والله، من البحصل ليك مع أسماء دا.  
- إنت فهمتي غلط، نحنا كنا بنمثل مع بعض بس.

إيمان قالت في نفسها: "شكلها آمنة عايزه تدرس مني، سبحان الله قبل فترة شذى سألتني إذا عندها مشكلة في البيت بتكون قاصدة دي، كدي لبعدين الكلام دا" قومي البسي عبایة أرح نمشي المركز جبت ليكِ أورنيك مرضي.

-أسامة أداكِ ليه إنتِ؟ ما قال لنهاية اليوم.

-أنا جيت خلاص، إنتِ بس قومي.

بعد أقل من ربع ساعة وصلوا المستشفى ولاقو الدكتور الكان ماسك حالة ريماراز لمن جاءتهم بالحادث، وسألهم عنها وعن حياتها، وإنه عايز رقم تواصل ليها، وتتابع معاهم حالة آمنة ووداهم لدكتورة أخصائية باطنية، وبعد الكشف والفحوصات، طلع عندها مضاعفات ونقص في الفيتامينات والدم بسبب عدم الأكل، وكتبوا لها العلاجات واستلمتها إيمان وجابتهم ليها، في اللحظة دي إيمان حست بدوخة خفيفة فالدكتورة قالت ليها افحصي إنتِ، شكلو عندكِ أعراض حمل.

-حمل؟ لا، ما أظن في حاجة زي دي.

آمنة والدكتورة أصرّوا على إيمان إلا تعمل الفحوصات، لكن إيمان قالت للدكتورة إنها عملت الفحص في البيت مما تعبت ليها كم يوم وما ظهر ليها

شيء وقالت يمكن أعراض متلازمة ما قبل الحيض، في النهاية أقتنعت لبهم  
و عملت الفحوصات و طلعت إيجابية وفي الشهر الثاني.

- الحمد لله يا إيمان مبسوطة ليك شديد، حأهتم بييك أنا شخصياً تاني.

- حبيبي يا آمنة، ودا الخايفه منه، إنه وإنـتـ أحـمـدـ تـمـنـعـونـيـ منـ أيـ شـيـءـ  
مـتـعـودـةـ عـلـيـهـ،ـ وـأـوـقـفـ حـتـىـ روـتـينـيـ البـسيـطـ العـادـيـ.

- تاني ما في ليك إلا الدلع يختي، وكلمي أحـمـدـ لـأـنـوـ ماـ كـلـمـتـيـهـ إـنـتـ حـأـكـلمـهـ  
أـنـاـ.

- أحـمـدـ عـدـيلـ،ـ مـاـ مـمـكـنـ نـأـجـلـهـ لـكـمـ يـوـمـ؟ـ

- ولا دقيقـةـ.

إيمان رجعت آمنة البيت وحضرت أسماء إنها تسبب لها مشاكل، المثلث دور  
الطيبة المسكينة والحقيقة ما بتتفرعن مع آمنة إلا في غياب الناس، لكن  
في وجودهم كأنها ملاك نزلت على الأرض. إيمان مشت بيتهم طوالى لأمها  
وكلمتها بالحمل، أمها ما صدقـتـ وكانت عـايـزةـ تـطـيرـ منـ الفـرـحةـ وـوـصـتهاـ تـهـمـ  
بنفسها، أو تجيـ تـقـعـدـ مـعـاهـاـ،ـ إـيمـانـ كـانـتـ خـاـيـفـةـ مـنـ نـقـطـةـ كـيـفـ تـوـفـقـ بـيـنـ  
شـغـلـهـاـ وـبـيـنـ الـبـيـبيـيـ الـحـيـجـيـ،ـ وـبـيـنـ شـغـلـ الـبـيـتـ،ـ وـأـكـدـتـ لـنـفـسـهاـ إـنـهـ أحـمـدـ لـوـ  
عـرـفـ حـيـنـزـلـهـ إـجـازـةـ سـنـتـيـنـ بـدـوـنـ مـرـتـبـ عـادـيـ.ـ بـعـدـاـكـ رـجـعـتـ بـيـتـهاـ وـاتـصـلتـ

على شذى وبعد السلام والتحايا طوالى دخلت ليها في الموضوع بدون مقدمات: شذو أنا حامل طفل في أحشائي.

-جادة ألف تيريليون مليون مبروك، أخيراً حتجيبيي اخت لرهف أو عريس ليها.

-شذى أنا خايفة من المسئولية.

-مسئولية شنو دي أحلى مسئولية يا قلبي إنت بس ما عارفة ساي، أقلها تخفي على آمنة حزنها بال طفل الجديد دا.

-كوييس جاتني فكرة أديه لأننة تربيه.

-تربي شنو ومنو؟ حيوان أليف هو يا بتى؟ صدقيني حأديك كورسات في الأئمة، أسي اهتمي لي بنفسكِ وأكلك لحدى ما تولدى، اسمعوني كلمتى أحمد أو ردت فعله كانت شنو؟

-لسه ما عارف وما بقدر أكلمه في الوقت دا يمنعني من الشغل ساي.

أحمد في اللحظة دي جاء داخل وسمع الكلام قال ليها: عملتِ شنو مصيبة داساها مني؟

إيمان ضحكت وختت أصعبها السبابة في القفص الصدري حقها: يخسي عليهكِ أنا بتاعت مصائب؟

شذى ضحكت: كلميه يلا يا هبلة، حلوة ذاتو لمن يعرف منك.

-من عيوني، بس لمن يجي الوقت المناسب.  
-دي شذى ولاً منو الكنٍ بتتكلمي معاها دي، وداسته مني شنو؟  
-ياها شذى، ما داسته منكٍ شيء معقوله، بس انتظري لوقت المناسب.  
-بالله؟ بقى بینا في أسرار؟  
إيمان طلعت كيس منقة من شنطتها وبقت تأكل فيها: معقوله أدس منكٍ حاجة؟  
أحمد وهو بمديده عشان يشيل منها الكيس عشان يرميه: مش قلت ليكٍ  
تاني تأكللي الحاجات دي؟  
إيمان من غير ما تحس على نفسها وهي بتزح يد أحمد عشان ما يشيب منها  
الكيس: الواحدة لمن تكون حامل يا أحمد بتتحوم مرات على الحوامض دي.  
-و إنتِ علاقتك بيهم شنو؟ لحظة، لحظة، إنتِ حامل؟  
إيمان بصدمة: حامل، منو، أنا؟ القال ليكٍ كدا منو؟  
أحمد وهو طاير من الفرحة: دي الحاجة المعايزه تكلماني بيها مش؟ يا سلام  
ياخ، اسمعني من الليلة شغل ما في وحترتاحي في البيت هنا بس، وتهتمي  
بنفسكٍ، و و

إيمان وهي بتصلح في قعاتها: أَحْمَدُ، مَا فِي حَاجَةٍ زِيَّ دِيِّ، مَا تَوَقَّفَنِي مِنِ  
الشُّغْلِ سَاعِيٌّ، يَا رَبِّي آمِنَةٌ بِتَكُونَ كَلْمَتُ أَسَامِي وَأَسَامِيَّةٌ اتَّصِلْ لِيْكَ كَلْمَكَ  
مَشِّ؟

أَحْمَدُ: لَوْ مَا مَنْتَبَهَةٌ يَا هَبْلَةٌ، إِنْتِ اللَّسَانُكَ الْخَانُكَ قَبْلَ شَوَّيْهٌ، فَالظَّاهِرُ إِنَّهُ  
حَتَّى صَحْبَاتُكَ عَارِفِينَ وَهُمْ أَهْمُّ مَنِي أَنَا مَشِّ؟

إيمان بعدها حست إِنَّه أَحْمَدُ زَعْلٌ، مَدَتْ يَدَهَا وَمَسَكَتْ يَدَهُ: أَحْمَدُ وَاللَّهُ مَا  
قَصْدِي، بَسْ كُلُّ الْخَايِفَةِ مِنْهُ إِنَّهُ تَمْنَعَنِي الشُّغْلُ، وَأَنَا زَوْلَةٌ مَلْوَلَةٌ بَمْلُ شَدِيدٍ،  
بَخَافَ مِنِ الرَّوْتَيْنِ الْوَاحِدِ عَشَانِ كَدَا، كَمَانَ مَا فِي زَوْلِ عَارِفٍ وَاللَّهُ، غَيْرُ آمِنَةٍ  
وَأَمِي وَشَذِيٌّ.

أَحْمَدُ: بِاللَّهِ، بَسْ دِيلَ وَكَلْمَمَ عَرْفُو قَبْلِي؟ اسْمَعْيَنِي أَنَا بَسْ خَايِفٌ عَلَيْكِ  
وَإِنْتِ عَارِفَانِي بَخَافٌ عَلَيْكِ قَدْرَ شَنُو؟

إيمان ضحكت: مَالِهِمْ كَتَار؟ فَاهْمَةٌ عَلَيْكِ، بَسْ بَوْعَدُكَ أَهْتَمْ بِنَفْسِي لَكِنْ  
شَغْلِي أَهْمُّ مَا أَمْلَكُ.

أَحْمَدُ: وَإِنْتِ أَهْمُّ مَا أَمْلَكُ، الْمَهْمَ بِنْتَفَاهُمْ إِنْ شَاءَ اللَّهُ، آهَا وَآمِنَةٌ طَلَعَ عَنْهَا  
شَنُو؟

إيمان وأحمد اتونسو كتير، وأحمد نزل كلم أهله فإنه حيقي (بابا) وأخوانه فرحو ليه، وانبسطوا وقعدوا الليل كله يتونسو وعملوا سهرة مسائية، وبعدها كل زول رجع لسريره.

أما أسماء بعد ما عرف إنه آمنة عندها فقر دم ونقص فيتامينات عامة، نادى  
أخته وبقى يوصيها عليها، وأمنة خافت من إنه تعمل ليها حاجة بس ما قدرت  
تمنع كلامه، عشان ما يحس بحاجة في الوقت دا أسماء كانت بتحرر لآمنة،  
وما سمعت إلا صوت أسماء: أسماء إنتِ مركزة معاي؟  
أسماء: آي، معقولة يا أخي الوحد.

أَسَامِيْهُ: أَوْلًا مَا فِي زُولِ مُغَاطِلَتِكِ أَكِيدُ أَخْوَكَ الْوَحِيدِ، بَسْ أَنَا قَلْتُ شَنُو مَا  
أَظْنَ إِنْكَ كَنْتِ مَرْكَزَةً، بَسْ حَأْيِدُ لِيْكَ تَانِي آمِنَةً زَيْ أَخْتَكَ خَلِيْ مِنْهَا بِالْكِ  
شَدِيدٌ، إِنْتَ عَارِفَةٌ إِنَّهَا مَهْمَةٌ عَنِّي شَدِيدٌ.

عُدَّ أَسْبَوْعٍ وَجَاءَ يَوْمُ الْخَمِيسِ الْمُنْتَظَرُ وَأَمْلَ جَاءَتْ مِنَ السُّعُودِيَّةِ وَاسْتَقْبَلُوهَا فِي الْمَطَارِ، وَنَزَّلَتْ فِي بَيْتِ أَهْلِهَا—أَمْلَ وَلَدَثُ وَلَدُ اسْمَهُ مَاجِدٌ مَعَ بَنْتِ آمِنَةَ الْأَئْتُوفُوتْ وَوْقَتُهَا أَمْهَا سَافَرْتْ لِيَهَا، وَقَعَدَتْ مَعَهَا شَهْرَيْنَ وَرَجَعَتْ الْبَلْدَ تَانِي يَوْمَ الْجَمْعَةِ عَمِلَوْ لِيَهَا كَرَامَةً وَاتَّلَمُوا الصَّحَّابَاتِ مِنْ جَدِيدٍ عَدَا آمِنَةَ، أَسْمَاءَ: فَهَمْتَ عَلَيْكَ وَاللَّهُ، مِنْ عَيْوَنِي.

واتصلو بيها هي وهبة مكالمه فيديو القعدت المكالمه كلها تبكي ليهم وإنه عايزه تكون معاهم بأي طريقة، في نهاية اليوم شذى قالت لهم إنه يمشوا معها البيت، وإيمان قالت لهم إنه يقعدو معاهم، وأمل ردت لهم الاثنين بإنه حتمشى بيت نسبتها.

شذى: بالله، أصلًا أخذت الإذن من خالي وقلت لي موافقة، عليك الله يا أمل بس يومين.

إيمان: يا شيخة يومين كاملات؟ أمل إنتِ حتبقى عمة أقعدى معاي اهتمى بالبيبى بس أسبوع.

أمل ضحكت: أسبوع عديل، إنتِ قاعدة تحنكى فيني بالبيبى يا بت، لكن إجازة مروان كتيرة ياخ ثلاثة شهور عشان كدا حازوركم كلكم، كدا قصرت معاكم؟ بس أسي عشان مرة أخوي السمحه دي حأقعد هنا.

شذى: كويس، بسوق مروان وماجد معاي، وإنتمو اقعدو مع بعض إن شاء الله التلاتة شهور.

أمل ضحكت: يا بت لا.

مروان: خلاص يا أمل اقعدى هنا، وأنا بمشي مع شذى بت خالي.

شذى: أرح والله يا أخوي أصلًا ما عندنا غير بعض.

أمل: تمام يا سيدى، وإن شاء الله تضوى ليك.

شذى: ببقى ليه نجفة، أرحك يا مروان شيل لي رهف دى، الليلة مازن حيفح  
لمن يشوفك.

مروان: أمل أجي أسوقك متين؟

أمل: إنت صدقث يا راجل، انتظر بمشي معاكـ وعاينت لـإيمانـ حبيبتي  
 حاجي أقعد معاكـ شهر كامل والله، بس حنمسي أسي مع شذى وحنمشي  
 بيت نسابتي وبعدها بجي بقعد معاكـ لحدى ما تزهجو مني وتطردوني أسفافـ  
 تاني، المهم نطلع نزور البنات ديل كمان وأشوف آمنة كمان.

إيمان: طيب بس الليلة وبكرة نمشي سوا لـآمنة وامشي لـشذى رايـك شـنو؟  
أمل فـكـرـتـ وـوـافـقـتـ عـلـىـ رـايـ إـيمـانـ، وـمـروـانـ مشـىـ معـ شـذـىـ بـيـتهاـ.

\*\*\*

أمل و إيمان الاتنين كانو قاعدين في صالة البيت بيتونسو، وأميرة بتلاع  
ماجد لحدى ما نام، وزهجمت من ونستهم الما بتنتهي ومشت نامت هي  
الثانية، أمهم قفلت البيت والبنات لسه، من الكتبة ما قاموا، لحدى ما جاء  
أحمد: يا بنات إنتو ما جادات يلا على النوم.

أمل: اصبر يا أبو حميد والله لسه ما شبعنا من بعض.

أحمد: حتشبعو في يوم واحد؟ لسه عندكم الأيام جاية، إيمان قومي، نسيتي  
عندك شغل قدر شنو؟

إيمان: اصبر يا أحمد اسي الساعة 30:12 ادينا بس نص ساعة.

أحمد: إذا ساهرت حامنعت كدا من الشغل، لا موقع لا مكتب، كدا حتأذني  
ولدي بالسهر والتعب، وتحجيبة لي معاق.

أمل: سجمك يا بتني، دا خايف على الولد عشان كدا.

إيمان: هو ساي مفتکرو ولد وأنا حاسة إنها بت، لكن خير يا أحمد.

أحمد ضحك: يلا إنتو هبل، أكيد خايف عليك قبله، أو قبلها زي ما تحبي  
إنت.

البنات ضحكوا، وأمل ذكرت أَحمد إِنه زمان كان براضيها بالشوكلاته ولازم  
يجب لإيمان منها، إيمان اتفاجئت إِنه أَحمد ما حصل جاب ليها شيء بس  
غير الشغل، لكن رغم كدا هي مبسوطة بالشغل شديد، قفلو الأنوار ومشوا  
على نامو، على أساس بكرة السبت يمشوا لآمنة بعد الفطور.

في صباح اليوم الثاني وبعد ما نضفو البيت وفطرو وانتهو، أَحمد جاء نازل  
من فوق الزمن وكان لابس تيشيرتي زيتي وبنطلون بيجمي، وشاييل مفتاح  
عربيّة أبوه في يدو، وقال لأَمل: أنا ماشة عندي صبة أعمدة، طالعة أقدمك  
معاي؟

أَمل: آي، ماشين لآمنة.

أَحمد: ماشين؟ معاكِ منو؟

إيمان جات شاييلة صينية الشاي وختت قدامهم؛ أنا ما عاجباك؟  
أَحمد: ما جادة طبعاً، كفاية خلاص تاني ريفي نفسك حبة.

إيمان ختت يدها في نصها: من زمان ليه ما قلت لي كدا ولا عشان خايف  
على ولدك.

أَحمد: إنتِ ليه ما قادرة تفهمي.

أمل: أَحْمَد إِنْتِ مَكْبُرَ الْمَوَاضِيعِ سَايِ، بِرَكَةِ الْمَا قَالَتْ لَيْكَ أَرْجُحُ سُوقَنِي مَعَاكَ  
الْمَوْقِعِ.

أَحْمَد: كَلَامُكَ صَحٌّ، طَيْبٌ اجْهَزُو سَرِيعٌ وَأَرْحَكُمْ.

وَصَلُو بَيْتَ آمِنَةَ وَقَعْدُو الْخَمْسَةَ مَعَ بَعْضِ عَمَلِو قَهْوَةَ، وَحَكُوا قَصَّةَ مَزْمَلَةَ  
وَالْمَطْعَمَ، وَإِيمَانَ حَذْرَتْ رِيمَازَ مِنْهُ، وَرِيمَازَ رَدَتْ لَيْهَا إِنَّهُ الدَّكْتُورُ مُحَمَّدُ  
الْكَانَ بِعَالِجَهَا اتَّصَلَ لَيْهَا، وَقَاعِدٌ يَتَكَلَّمُ مَعَاهَا وَاتَّسَّ وَقَالَ عَايِزٌ يَتَقَدَّمُ لَيْهَا،  
كَلَّهُمْ فَرَحُوا لَيْهَا وَانْبَسْطَوْا، أَحْمَدٌ اتَّصَلَ لِإِيمَانَ وَرَاهَا إِنَّهُ حِيجِيٌّ يَسُوقُهَا فَمَا  
تَطَلَّعَ بِرَاهَا، شَذِيٌّ وَرِيمَازٌ وَأَمْلٌ طَلَعُو مَعَ بَعْضِ.

آمِنَةَ بَعْدَ أَسْبُوعِ الشَّغْلِ، وَهُنَاكَ النَّاسُ كَلَّهُمْ فَرَحُوا إِنَّهَا نَزَلتْ، وَبَدُو دَوَامُهُمْ  
الْطَّبِيعِيُّ، وَبَدُونَ مَقْدَمَاتِ إِيمَانٍ سَأَلَتْ آمِنَةً: مَا قَلْتِي لِي أَسْمَاءَ أَخْبَارَهَا  
شَنُو؟

آمِنَةَ ارْتَبَكَتْ فِي الرَّدِّ: أَسْمَاءَ مَنُو؟

إِيمَانٌ ابْتَسَمَتْ ابْتِسَامَةَ خَبِيثَةَ: إِنْتِ فَاهِمَةَ عَلَيِّ، نَفْسِي يَوْمَ أَمْشِي مَعَاكَ  
الْبَيْتَ عَشَانَ أَشْوَفُهَا بَقْتَ مَحْتَرَمَةَ وَلَا لَسَهَ.

- إِيمَانٌ خَلِيٌّ أَمْوَارُ الشَّرِّ دِيِّ، أَنَا عَايِزَةَ أَكْسِبُهَا بِالْمَحْبَةِ وَمَا عَايِزَاهَا تَكْرَهَنِيِّ.

إيمان ضحكت: الطينته كعبة بفضل طول عمرو كعب، البت الهبلة دي جات  
من وين نفسي أعرف، أهلها كلهم طيبين المشكلة.  
-ما تقولي عليها كدا.

-حمستيني أمشي الليلة معاكِ، وما تخافي أنا ما بتاعة مشاكل.  
-المشكلة إنتِ المشاكل ذاتها.

في اللحظة ديك جاتهم المهندسة نبراس داخلة: كيفكم يا بنات؟  
إيمان: هلا، يا باشا.

نبراس: قالو لي نزلتِ يا آمنة، حمدلله على السلامة جيت أشوفك بقىتي  
كيف، ياخ أسامة كان شايل همك شديد، لدرجة إنه هنا ما بيأكل.

آمنة: تسلمي، هو حكى ليك إنه شايل همي؟  
نبراس ارتبكت في البداية: لا، بس ظاهر في وشه.

آمنة: كمان لدرجة بتعايini في وشه؟

إيمان: آمنة مالك مع المهندسة في النهاية زميل شغل وكدا.

نبراس: وريها عليك الله يا إيمان، بالمناسبة شغل الأسبوع الفات سلمتو  
للباش مهندس أسامة.

إيمان: ياته واحد، الأديتك ليه استلمته منكِ.

نبراس: ايواه خلاص معناهو اتلخبطُ، داك كان شغل الباش أسامه ذاته  
واشتغلتو ليه.

نبراس: طيب عن إذنكم.

آمنة: أنا شاكته إنه البت دي لسه بتعain لأسامة متذكرة المشكلة الكان  
حصلت قبل سنة لمن كان أسامه رجع من السفر والدراما حقتها ديك؟

إيمان: ما بتذكر والله، بس ما تشكي ساي، ولو عندك فلاحة زي دي، ما  
تسكتي لأنسماء.

آمنة: كيف ما بتتذكري حكيت ليك، وقت قلت ليك لقيت منها رسائل في  
تلفونه وأعترفت ليه بحبها وكلام كتير.

إيمان ضحكت: أي صح، بس دي حاجة قديمة، وأظن إنتِ ردتي ليها ما  
أظنها تاني تعain ليه.

آمنة بقت تحاكي في أسلوب نبراس: هوبي ماشة الحقها أنا بقىت خايفه على  
أبو عيالي منها.

إيمان: يلا مبالغة منك.

آمنة طلعت برا لقت نبراس واقفة مع أسامه وبتضحك طوالى انصدمت ونادت  
إيمان: تعالى شوفاهم يا إيمان، الرجال طلع بخونى فيني، واي بخونى، أسامه  
خاين.

إيمان: يا بت مالك؟

أسامة جاء داخل عليهم وسلم لهم، وأدى إيمان فايل عبارة عن شغل، كان  
اشتغلتو ليه الباش مهندس نبراس بس قال ليها تتأكد منه، وشاف آمنة  
مكشة ومنهارة: مالك يا آمنة، ما تكوني تعبت؟

-ما في حاجة لقيت الشغل متراكم، بس شايفاك بقى ما معتمد علي زي  
زمان، صحي المقوله بتقول ما نفرح بال بدايات ساي.

-معقوله أقدر استغنى عنك أنا؟

-لو سمحت نحنا في مكان الشغل، امشي شوف شغلك بوين.  
أسامة طلع وإيمان بقت تعاين ليها ساي: والله إنت غايتوا، افتحي عينك  
وشوفي الحقيقة بتكون هي وقفته بس هو مستحيل يخونك واحتمال وقفها  
هو يسلم عليها بس، بعدين قلت ليك طاقتك دي اصرفيها في القاعدة ليك  
في البيت ديلك.

-يا إيمان إنتِ ما فاهمة علي، نفسى علاقتى معاهما زى علاقتك مع أخوات  
راجلك.

إيمان ابتسمت: آمنة أولًا أنا بعرف أمل وأميرة قبل أحمد ذاته، دا غير في فرق  
أسلوب وتعامل، البت دى شايلة عليك شديد، شكلو بينكم في شيء؟  
بعدما انتهوا من الدوام، أسامة غشى آمنة عشان تطلع معاه، بس هي رفضت  
وقالت ليه إنها حتطلع مع إيمان، لأنها ماشة معاهما البيت.  
أسامة: إيمان، أحمد عارف إنت ماشة معاهما.

إيمان: حاكلمه وأنا طالعة.  
لا قاهم أحمد مستعجل: إيمان أنا ماشي على القيادة اسبقيني إنت على  
البيت.

-كدي اقيف لحظة أقول ليك دا.  
-قولي سريع.

-عندي موضوع في بيت آمنة وضروري بس أوعدك حارجع بدرى.  
-امشي، لكن دى آخر طلعة ليك ليك بيت آمنة، تاني إلا بعد تلدى إن شاء الله.  
-اسكت اتكلم براحة، ربنا يحيينا يلا أمشي بالتوقيق.  
-طيب يا أسامة أرج معاي وفي الشارع بحكي ليك الموضوع.

آمنة مسكت إيمان من يدها: كنت بتتهامسو بتقولو في شنو إنت وأحمد؟  
- قلت ليه جيب معاك غداء ما بقدر أطبخ، لأنه ناس البيت طلعوا مشو  
يسلموا لنسبة أمل والبيت فاضي.

- بتكوني استئذنت منه برضو، الزمن اتغير والله، يحليل زمان كنا بنتلاقى  
كثير وبنطلع مع بعض كتير، أسي كان ما الشغل دا والله ذاته ما نتلاقى إلا  
بالشهور، إيمان أنا قررت قرار أسي، حأطلق من أسامة عشان أرجع لحياتي  
الزمان، مما عرستو بس في البدايات أيامنا كانت حلوة، وأسي بقيت عايشة  
في أحزان بس، حتى أخته على قولك في البيت ما مرياحاني، وإنتم اطلقي  
من أحمد أرجع لأمهاتنا.

إيمان خدت يدها في بطنها وضحكـت: والبيبي الـهـنا أـريـهـوـ منـ غـيرـ أبوـ،  
بعدين أـمـكـ إـنـتـ بـتـقـبـلـكـ وـالـلـهـ أـمـيـ تـطـرـدـنـيـ الشـارـعـ، جـنـيـتـيـ إـنـتـ، قـرـارـ زـفـتـ دـاـ  
وـالـحـيـاةـ أـكـيـدـ يـوـمـ عـلـيـكـ وـيـوـمـ لـيـكـ اـصـبـرـيـ مـعـ العـسـرـ يـسـرـ.

- ونعم بالله، بـسـ أـنـاـ تـعـبـتـ خـلـاصـ، حـاسـةـ أـيـامـيـ كـلـهاـ نـحـسـ فـيـ نـحـسـ بـسـ،  
حـأـطـلـقـ جـادـةـ.

- إنتِ ما نصيحة في مخك، سلمي أمورك لله، ودايما قولي: "اللهم إني أبدأ  
نفسى من حولي وقوتى إلى حولك وقوتك، ومن ضعفى إلى قوتك، ومن  
عزمى إلى عزتك" وخليها لله تانى.
- أنا جد كدا يئست من حياتي دي.
- أرح البيت كدي، وبنتفاهم.

\*\*\*

البدين وصلو البيت وقعدو يعملا ليهم في وجبة نص، وبدو يستغلوا في  
مشروع خاص بيهم، وجهزوا ليه عشان ينشئوا اسم عملهم الخاص، في  
اللحظة ديك اتصلت شذى على آمنة، عشان تسأله آخر أخبارها شنو، ولقت  
إيمان معها وطوالى حكت ليها هي وأمل الحصول: ما وريتكم الهبلة دي  
جاتها فكرة طلاق في رأسها.

شذى ردت لها وهي فاتحة الاسبيكر وجنبها أمل: إنتِ جنiti مش؟  
أمل كانت شايلة ولدها وبتهز فيه عشان يسكت لها وصوتها جاء بعيد:  
بالجد مجنونة ودايرة تطلقى من منو؟ أسامة شخصياً.

آمنة: المانع شنو، في النهاية بشر وطلع بخون كمان.  
أمل جات قريب من التلفون وضحكـت باستهـتار: أسامـة؟ وبخـون، إـنت ما  
. something wrong كـذا خالص

آمنة: بتقولـي كـذا لأنـك كنتـ بتحبيـه مشـ؟

أـمل: أوـلـا دـا مـا سـبـبـ، ثـانـيـا بـراكـ قـلتـيها كـنتـ، بـعـدـين اـكتـشـفـتـ إـنـي خـلـقـتـ حـبـ  
وـهـمـيـ فـيـ رـأـسـيـ تـجـاهـوـ وـلـوـ مـاـ كـنـتـ بـعـرـفـهـ هـوـ مـنـوـ وـإـنـتـ مـنـوـ كـانـ كـرـهـتـكـمـ  
الـاتـنـيـنـ، وـحـتـىـ زـوـاجـكـمـ مـاـ كـانـ حـضـرـتـهـ، لـكـ بـكـرـهـاـ وـبـقـولـاـ لـيـكـ مـسـتـحـيلـ  
يـفـكـرـ سـايـ يـخـونـ.

إـيمـانـ قـرـصـتهاـ وـقـالـتـ لـيـهـاـ: مـاـ صـحـ الـبـتـقـوليـ فـيـهـ دـاـ.

شـذـىـ: مـاـ فـيـ دـاعـيـ لـكـلـامـكـ الـمـحـرجـ دـاـ يـاـ آـمـنـةـ، كـدـيـ خـلـيـنـاـ نـتـفـاهـمـ، أـسـامـةـ  
مـسـتـحـيلـ يـفـكـرـ كـذاـ عـلـىـ قـوـلـ أـمـلـ، وـمـشـ لـأـنـهـاـ كـانـتـ بـتـحـبـهـ وـزـيـ مـاـ بـتـفـكـرـيـ  
إـنـتـ، بـسـ عـشـانـ صـحـبـتـهـ لـأـحـمـدـ أـخـوـهـاـ طـوـالـ السـنـيـنـ دـيـ، أـوـ قـوليـ خـوـتـهـمـ،  
وـأـنـاـ أـشـهـدـ اللـهـ عـلـىـ ذـلـكـ إـنـهـ هـوـ أـرـجـلـ رـاجـلـ لـاقـانـيـ وـبـالـجـدـ اـسـمـ عـلـىـ مـسـمـيـ  
بـسـ إـنـتـ مـعـمـيـةـ عـلـىـ حـقـيقـةـ غـائـيـةـ عـنـكـ بـسـ.

إـيمـانـ: وـرـيـهـاـ يـاـ شـذـىـ بـالـاضـافـةـ لـأـنـهـ زـوـلـ وـاـضـحـ وـمـحـترـمـ جـداـ فـيـ حدـودـ  
عـلـاقـاتـهـ، فـماـ صـحـ تـتـهـمـهـ بـالـبـاطـلـ كـذاـ مـنـ غـيرـ دـلـيلـ.

آمنة: بالجد إنتو غريبات يا بنات، يعني أنا في بشوف في المسلسلات إنه البت أول ما تشتكي عن حبيبها أو زوجها البخونها؛ صحباتها بقيفوا معها هي، ما مع راجلها، بس هنا أنا شفت العكس تماماً، على العموم أصلاً أنا واثقة من جبه ومتأكدة إنه مستحيل يفكر في كدا ودي كانت لحظة شيطان، بس ساعدوني أبعد نبراس دي عنه.

شذى: نبراس دي منو؟ ايواه كدا دا الكلام الصح وتاني ما تفكري كدا عshan تعيشي حياة زوجية متناغمة ولازم يكون في ثقة بينكم وتفاهم، الحب ما ضروري يقول ليك كل يوم أنا بحبك وكدا، لاحظي لتصرفاته أكثر، أو قولي أفعاله عshan الحب أفعال وليس أقوال، وبعدين بطريقتك الدرامية والأوفر دي أسامة حيزهج منكِ، فكري إنك تجيبي طفل تاني عshan يقوي الرابط بينكم أكثر من كدت، ياخ إنتِ بقيتي راكبة رأس الأيام دي وتسناهلي دق عديل.

إيمان: أجيـب ليـها مـفراـكة مش؟ الـبت عـايزـانا نقـيف ضدـ الحقـ وندـعمـهاـ هيـ، وـاللهـ دـاـ كـلامـ.

أمل: امشي جيـهاـ وـاديـهاـ جـلدـةـ عـشاـنـ تـتعـدـلـ.

آمنة: والله خلاص اتعدلت ما في داعي، إنتو عارفين إيمان بتعمل ما تقولو  
ليها كدا.

إيمان جرت على الطبخ تجيب المفراكة لقت أسماء واقفة تتصنّت على  
كلامهم، طوالى انغعلت فيها: إنت؟ بتعملني في شنو هنا؟  
أسماء وهي بتحرك عيونها في الأرض عشان تلقى حاجة تنقذ بيها نفسها:  
جيـت أشـيل الخـرطـوش دـا.

إيمان: بتشيلـهـو كـدا، بالـشـبـاكـ لكنـ؟  
في اللحظة دي جات صحـبةـ أـسـمـاءـ وـكـانـتـ بـتـنـادـيـ عـلـيـهاـ: ياـ بـتـ وـيـنـكـ نـحـناـ  
ـأـتـهـرـدـنـاـ بـالـسـخـانـةـ.

أسماء طوالى غـيرـتـ المـوـضـوعـ وـقـالتـ لـإـيمـانـ: خـلـينـيـ أـعـرـفـكـ عـلـىـ رـيمـ  
ـصـحبـتـيـ مـعـايـ فـيـ الجـامـعـةـ وـرـفـيقـتـيـ فـيـ الدـاخـلـيـةـ، نـعـمـ، تـخـصـصـاتـنـاـ مـخـتـلـفـةـ  
ـهـيـ اـنـتـهـتـ مـنـ اـمـتـحـانـاتـهـاـ أـمـسـ وجـاتـنـيـ اللـيـلـةـ وـبـكـرةـ حـتـسـافـرـ بـلـدـهـمـ، وـيـاـ رـيمـ  
ـدـيـ إـيمـانـ صـحـبةـ آـمـنـةـ.

ريم و إيمان اتعرفو على بعض، و إيمان سـأـلـتـهـاـ إـذـاـ اـتـعـرـفـتـ عـلـىـ آـمـنـةـ وـكـلـمـتـهاـ  
ـإـنـهـ كـانـ بـتـتـمـنـىـ بـسـ أـسـمـاءـ رـافـضـةـ، طـوالـىـ إـيمـانـ سـاقـتـهـاـ وـوـدـتـهـاـ لـآـمـنـةـ  
ـوـأـتـعـرـفـوـ عـلـىـ بـعـضـ وـأـتـونـسـوـ وـاـكـتـشـفـتـ رـيمـ إـنـهـ آـمـنـةـ لـطـيفـةـ مـاـ زـيـ كـانـتـ

متوقعها أو ما زي صحتها كانت بتحكي ليها \_قريب للعصر\_ أحمد اتصل على زوجته عشان يشوفها رجعت ولاً يرجعو سوا، لقاها قاعدة ومشى مع أسامه البيت، وساق إيمان وفي الشارع وهم راجعين أحمد مسك يدها: يا ستي بما إنو نحنا برانا وفي الشارع نفسك في شنو؟  
 إيمان اتهلعت في البداية وتاني ضحكت وردت ليه: هلعتني طبعاً وقت مسكت يدي فجأة، في شنو بسم الله، كدي عندك حمى؟ لا، الحمد لله لقيتك كوييس.

-والله بغير رايئ أسي.

-شكلك جادي والله، نفسي نكون مع بعض طول العمر حلوين كدا وما تحصل بینا مشاكل ولو حصلت نحلها برانا وسوا من غير ما نكبرها ونخلي غيرنا يسمع حاجة ما بترضيه، نفسي جداً كمان نحفظ أسرارنا بين بعض أنا وإنـتـ البـشـوفـنا يـشـوفـنا حـلـوـينـ بـسـ وـرـبـنا يـحـفـظـناـ مـنـ العـيـنـ، بـسـ فـيـ الـبـيـتـ نـتـشـاكـلـ وـنـتـضـارـبـ عـدـيلـ معـ إـنـهـ أـنـاـ مـاـ قـدـرـكـ وـكـداـ.

أحمد ضحك: في شيء غير كدا؟ ما دا الحاصل حبيبي وإن شاء الله يا رب للأبد، بس قصدي أسي نفسك في شنو أجبيه ليك؟

-لا ما في بس الليلة عملت حاجة ندمت عليها وما بقدر أحكىها ليك فما  
تسألني تمام لمن يجي وقتها لو ربنا شاء إني أحكىها بس تعرف في الوقت  
ذاته حليناه الموضوع ودي الحاجة البسطنمي الحمد لله.

المهم فهمت عليك حبيبي أنا، طيب نفسي في آيسكريم من ثلاثة طبقات  
شوكولاته وفانيلا وموز، وب Russo في شيبس ومنقة حامضة بالملح وأرجع  
البيت بدري وأنوم وبس.

-بس كدا من عيني كله عُلم إلا الاتنين الآخiras ديل.  
إيمان ضحكت وما عرفت ترد ليه، والاتنين مشوا أقرب حلواوي في شارعهم  
واشتري لها الاسكريم وبيقو ماشين في الشارع، إيمان وهي سرحانة شوية  
كدا قالت: ياخ يا ريت لو كان معانا آمنة وأمل و...

أحمد قاطعها: خلاص اسكنتي، ما ممكن تكون نحنا برانا؟

-ليه ما ممكن؟ أكيد ياخ وأنا تكون مبسوطة لمن أكون معاك، أقول لك  
سر؟ شعوري لمن يكون مع البنات تكون مختلف لمن أكون معاك، يعني  
آي أنا معاهم مبسوطة وفي آخر ليفل من السعادة، بس معاك كل شيء  
مختلف.

- عشان كل واحد فينا قادر يخلق ليك سعادتك بطريقة مختلفة، المهم أنا  
عشان لي كم شهر كدا ما كنت مهتم بيكم فقررت الليلة أسعدك بطريقتي  
وعلى اختيارك إنتِ.

- ربنا يحفظك لي يا أحمد.

- ويحفظكم إنتِ وفي البطنك لي وبحبك أي بقولها ليك لو إنتِ خجلانة  
تقوليها لي.

إيمان وهي خجلانة ويتاعين في الأرض: أجي أخجل في شنو؟ أي أنا كمان  
بحبك.

أما عن آمنة فاستقبلت أسامة بكل فرح عشان تقدر تعدل الموقف الدخلت  
فيه ورددت فعلها الكان عملتها بالنهار وأول ما جاء داخل استقبلته: يا راجلي  
العزيز وينك من الصباح فقدتك والله.

أسامة مستغرب: آمنة؟ مالك الليلة، بس ما علينا أنا كمان فقدتك والله  
وشایفة الجو السمح دا بشبهك كيف؟ أرج نطلع فيه رائك شنو؟  
- موافقة انتظر البس توب على السريع.

لمن مشت آمنة تطلع ليها توب دخلت عليه أخته ونادته إنه يجيها برا، أسامة  
رد ليها وهو مبسوط: سمية قولي طوالى.

-ما هنا ما عايزه مرتك تسمع.

-أنا وأمنة واحد بس يلا أرح الحوش.

بعد طلعوا أسماء حكت ليه الموضوع: معاكم في الشغل واحدة اسمها نبراس؟

-ايواه وإنْتِ عرفتي كيف؟

-يعني في، المهم يا أخوي أنا ما برضي فيك الكلام الشين نهائي، ولو في طلاق الأفضل تطلقها ساي ولا تقول عنك كلام شين.

-يا بت في شنو وطلاق شنو؟

-دي مرتك قالت إنْتِ بتخونها مع نبراس وآخر طلعتات وونسات، سمعتها بالغلط وقت جيت أشيل الخرطوش، المشكلة ما هنا يا أسامة، المشكلة ما عندها سر، حكت الكلام دا لصحابتها وكانت فاتحة الاسكبيـر كمان.

-لا، شكلك كنتِ نايمة آمنة مستحيل تعمل كدا.

-معقوله ما بتصدق أختك؟ عشان واحدة عرفتها يا داب ليكم سنة؟ أسامة انتظر أنا دي ليك ريم صحبتى تأكد ليك كمان.

-ريم دي منو؟ صحبتك الفي الجامعة ديك؟

-ياها ذاتها حضرت الكلام دا برضو قبيل.

أُسامَة زعل منها ونهرها: ما في داعي عليك الله، امشي بعادي سريع.

أُسْمَاء جات ليها دمعتين حقت تماسيح: دا جزائي إني كنت خايفه عليك وما رضيت ليك الشين؟ تطردني من بيتك؟ طيب يا أخوي يا ود أمي وأبوي، زعلك دا ما تطلعو فيني، طلعوا في الغلط في حبك.

آمنة جات مبسوطة: حبيبي يلا نمشي، ورائك شنو لو نسوق معانا أسماء وعندها صحبتها اسمها ريم جاتها الليلة نغير ليهم جو معانا.

أُسامَة أخذ تنهيدة طويلة ورد لها: أنا خليت الطلعة، ادخلني جوا يا آمنة.

آمنة استغربت من كلامه ومن طريقته: ليه في شنو؟

أُسامَة دخل وآمنة جات وراها وهي لسه بستفسر ليه غير رايوا، وهو رد لها: فسري لي إنتِ كلامكِ وتصرفاتكِ لمتين يا آمنة وريني بس لمتين؟ فق شنو ما عملتو ليكِ؟ في شنو ما أديتو ليكِ؟ وريني بس حاجة قصرت فيها معاكِ

لمن يخليك تقولي عنكِ كلام زي دا؟

آمنة: إنت بس وريني مالك هايج كدا أسي؟

أُسامَة: بعد دا كلو عاملة فيها ما عارفة، خسارة يا آمنة خسارة ثقتي فيكِ والطلعتيها إنتِ أى كلام وخلاص، المهم كلام إني كنت بخونك دا وصلني...

آمنة فهمت عليه وقاطعته: كان سوء تفاهم والله ما تركز وأنا آسفة وبعذر ليك.

- بعد شنو؟ من الأول ما كان عندك ثقة فيني أو ثقتك كان ضعيف، ومش دايرة الطلاق؟

- لا ما عايزاو، عايزه أكون معاك وبس، صدقني أنا آسفة، ما قصدى عارفة نفسى غلطانة بس عليك الله اعفي لي.

- آمنة أنا صبرت بما فيه الكفاية وعشان أريحك مني وترتاحي وترجعي تعيشي زي ما كنتِ أول أنا حاطلقك.

آمنة وهي بتبكي: أسامة دي لحظة شيطان، اهدا وما تعمل كدا، أنا حأبعد عنكَ فترة وحامي بيتنا بس اتذكر إنه أبغض الحال عند الله الطلاق.

- إنتِ الفكري فيه قبلي، المهم أنا اسي طالع وما داير أشوفك لأنه خلاص بطني طمت يمكن أول مرة أقول الكلام دا، بس الشعور الوصلني بس تعبي معاك ودا كان جزائي. وبعداك طلع خلا ليها البيت في الوقت دا أسماء كانت بتتصنن لكلامهم، أول ما طلع جرت فرحانة لريم.

- أخيراً يا ريم حأتخلص من السوسة دي الحمد لله.

ريم بكل اشمئاز من تصرفات صحتها: إنتِ غلطانة يا أسماء وأنا عمري  
كله ما اتوقعتك كدا.

-يا بت مالك قلبي علي فجأة؟

-لمن تفهمي نفسك أول، اساليني تاني راجعي تصرفاتكِ كلها وشوفي  
الحاجة العايزه تصلي ليها شنو؟ شوفي خربتي شنو بفتنك دي.

ريم وأم أسامه مشوا لآمنة وواسه وخففو عنها، وأمه وعدتها إنها تتكلم معاه،  
وتحاول تفهم العاصل شنو وعاتبت آمنة برضو عشان شكت فيه حتى ولو  
بالهظرار وإنه ما صح تحكي أسرار بيتها حتى للنملة. الساعة جات 10:00  
مساء وأحمد وإيمان لسه ما رجعوا البيت.

-قبيل قلتِ لي عايزه بطل مش؟

-بطل دا شنو؟

-البطاطس المقرمشة يا هبلة.

إيمان ضحكت: والله أهبل أنت، اسمو شبیس يا ولدي.

-دا في زنكم دا؟ في زمنا كان إسمو بطل وانتظريني وتعالي أشيلو ليك  
من البقالة دي.

في الوقت دا آمنة اتصلت بصحبتها عشان تحكي ليها الحصول معاهما وهي

بتبكي والكلام بطلع منها بصعوبة: أسامة يا إيمان.

أحمد: افضللي الشيبسي يا ستي.

إيمان: أسامة مالو؟

أحمد: أسامة مالو؟

آمنة بكت وقالت ليها: وصلنا لطريق مسدود وقرر يطلقني.

إيمان وهي ماسكة في أحمد وضغطت عليها: شنو طلاق؟ عملتي شنو إنت؟

أحمد: طلاق؟

إيمان: طيب اسمعيني اهديي وما تتواري، حاكلم أحمد حيتصل ليه.

آمنة: أحمد ما يعرف الحصول دا يا إيمان ما ناقصة مشاكل والله، كلمتك بس

إنت عشان أقرب لي زول مع إنه مفروض ما أتكلم من الأساس بس عشان

ما تزعلني مني. إيمان ضغطت على يد أحمد إنه ما يتصل ليه بعدما كان طلع

تلפוןه وقالت لآمنة: خلاص ما حيعرف إن شاء الله، طيب اسي اهديي وصلبي

ركعتين واقري قرآن واستغفرلي كمان، يلا سلام.

-إيمان في شنو؟ وكيف أسامة يعمل كدا؟ معقوله يطلق آمنة؟

- عشان خاطري يا أحمد لو ما وأسامة جاب ليك سيرة الموضوع بنفسه ما تفتحو معاه طيب.

- عايز أعرف في شنو بس وليه يتخذ قرار زي دا.

- خليها تجي منه هو أحسن، ونحنا ما نتدخل بينهم اسي عشان ما نكبر الموضوع أكثر، نخليهم يروقو شوية، بس إن شاء الله ما حيحصل طلاق.

\*\*\*

الساعة جات 12:00 و إيمان وأحمد انشغلوا بمشكلة آمنة وأسامة ومع الجو انشغلوا يرجعو البيت، وكانو بيحللو في القصة ووصلو لموضوع نبراس ودا الصدم أحمد: معقولة آمنة تشك في أسامة؟

- أنا شايقة إنو دا سوء فهم بس والشيطان غشائهم.

- طيب إذا آمنة ما حكت ليه هو عرف كيف؟

- أنا شاكه في أخته البت دي حية خلاص.

- ما تقولي عن زول حية.

- بس هي جد حية.

- إيمان.

- ما تزعل خلاص أنا الحية.

أحمد ضربها في رأسها ضربة خفيفة؛ ولا إنتِ كمان، المهم أسماء هدفها  
شنو يعني من الموضوع دا؟

إيمان وهي بتخت يديها في رأسها: البت دي غريبة بشكل يا أحمد دائمًا  
بتعمل مشاكل مع آمنة بدون سبب والله أعلم قصدتها شنو؟  
أثناء ما هم قاعدين كدا وما حسو بالزمن وقف قدامهم تاتشر شرطة ونزلوا  
عساكر اتنين، واحد فيهم قال ليهم: يا سلام جوز اللوز الصاعين في البلد دي  
وفي أنصاص الليالي كمان.

أحمد قبل ما يتكلم معاهم، الثاني طوالى قال: ياهم ذاتهم الخاربين لينا البلد  
وماليين لينا المايقوما عيال حرام.

إيمان: احترم نفسك لو سمحت وانتقي أسلوبك.

أحمد قال لإيمان: أقيفي ورأي وما تتتكلمي عشان ديل بكونو سكارى مرات.  
ال العسكري الأول: عاين بت الذين كمان بترد.

أحمد: احترم نفسك لو سمحت دي زوجتي.

ال العسكري الثاني ضحك: بالله، كدي قسيمة زجاجكم ساي لو معاكم.

أحمد: ما ضوري أوريكم اثبات ومعاكم الملازم أول أحمد عثمان محمد.  
العسكري بعد ما شاف بطاقة أحمد اعتذر ليه هو وصاحب، ومشو خلوه.  
-ما كان تخليهم يمشو كدا كان ترفع فيهم قضية.  
-يا بيبي دا شغلهم.  
-شغلهم في الماشي والغاشي لكن، الناس كعبين ياخ.  
-خلاص انسيهم المهم نحنا لسه مع بعض اسي، وحاقول ليك آمنة قدرهم  
إنه يكونو مع بعض فما حينفصلو عشان كدا اطمئني.  
-عشان خاطرك بس، الساعة واحدة وحاجة الليلة ما حيدخلونا البيت.  
-ليه؟ نحنا شفع وما عارفين؟  
إيمان ضحكت: خلاص أرح نرجع.  
-ما ماشي الليلة وقاعد هنا بس.  
-بقد عاك ما عندي مشكلة.  
-مجونة إنت والله، قومي أرح، حتى لو لقيناهم نايدين نمشي على بيتنا  
طولي فوق.  
المفاجأة لمن وصلوا لقوا الخالة هنادي صاحية واستقبلتهم  
الخالة هنادي: ما شاء الله جوز اللوز شرف.

إيمان مسكت في يد أَحمد: تاني جوز اللوز دي؟

أَحمد ضحك وقال لأَمه: الجميل مساهير مالو؟

أميرة وأيهم كانوا صاحين وبحضوره في فيلم لمن سمعوا صوت أحدهم بتتكلّم

برا طلعا، وأميّرة طوالى اتكلّمت: ها أخيراً جيتوا، كنتوا وين قلقتنا علىكم؟

وعاينت لأيهم نظام بتغيظ في أَحمد. سقتنى وين يا أيهم الليلة؟

أيهم: ما بقيف معاك يا أميرة والله لو أَحمد ضربك بشيء اسي، وأمي كمان

ما حقيق معاك.

أَحمد: وما في زول حيحلاها مني.

إيمان: معيش يا يمة هنادي إننا أتأخرنا بس كُنا...

الخالة هنادي ختت يدها في خشم إيمان وقالت ليها: ما مشكلة يا بتي بعدين

ما صغاري إنتو وما بنخاف عليكم والحمد لله واعيين.

إيمان: يعني ما زعلانة؟

الخالة هنادي: بالغتي يا بتي عايزه تشيليني وش القباحة وإنني النسبة

الكعبة ولا شنو؟

إيمان: العفو ياخ، أنت أحلى أم لينا والله.

الخالة هنادي: حبابي، ربنا يحفظكم إن شاء الله، شوفي ليك بجنس راجل  
أسي دا محل يتتجارو فيه يا أولاد إنتو كبرتو.

أميرة: وريهو يا أمي، أحمد معيش عليك الله خلاص آخر مرة، إيمان اتكلمي  
معاه إنت طيب عارفة أمي ما حتقيف معاي عشان ولدها.  
إيمان: أحمد خلى البت في حالها.

أحمد: بس المرة دي حاصليك، وآخر مرة كمان.  
أميرة: ايوة كدا، اسمع لي كلام مرتك.

أحمد: مصورة إنت؟

مسكها وقرصها من أضانها وهي بقت تكورك: كفاية معيش عليك الله أنا  
أختك الصغيرة ياخ.

أحمد: عشان تانيي تحترمي نفسك، وهاك لبابة دي واسكتي عشان الحاج  
ما يجي يطين ليك ليلتكم دي لأنه عارفة ما في زول بحلك منه إلا أنا.

أميرة: لبابة؟ تجيب لي لبابة أنا يا أحمد؟

أحمد: غلطان أنا أصلًا. ومشى على أمه وطلع ليها شوكلاته أداها ليها وباس  
رأسها وأعتذر ليها عن الحصول بينه وبين أميرة قبل شوية قدامها.  
أميرة: أحمدي أخوي، وحبيبي.

أحمد: نتحل من أمل تجيني إنت خير أحكي يا عيون أحمد.  
أيهم: الله يحلنا منها هي ذاتها، أمل والله كانت أرحم.  
أميرة: أمين يا رب، عريس مغترب كدا وأسافر زي أمل برا أشوف الدنيا دي  
ساي، بس يخسي عليكم والله زعلت منكم.  
الخالة هنادي: بطلى دلع في أخوانك يا بت.

أحمد: خليها يا أمي لو ما اتدلعت فينا حتتلع في منو يعني؟  
تاني يوم الصباح- إيمان صحت كسلانة وما قدرت تقوم من السرير عشان  
تمشي الشغل، فأحمد طلع خلاها نايمه، وهي صحت متأخرة بس جرت لحقته  
في الشغل، وفي المكتب لاقت آمنة عليها ضلام الدنيا لابسة أسود في  
أسود ووشها باهت، دخلت المكتب وفتحت الشبابيك والمكيف وولعت ليهم  
ند واتكلمت معاهما: السمحه مالها زعلانة؟

آمنة بابتسامة باهتهة: أنا الفرح بقى ما بشبهني، أعمل شنو يعني؟  
إيمان: لاه يا بت دا شنو اليأس دا، عمرنا كلنا ما اتعلمنا إننا نكون بالضعف  
دا، دا غير إنكم ما حتنفصلو اطمئني، أسامة كلمته أخته مش؟  
آمنة: يا ريت لو كلامك دا حقيقي بس ما في شيء حيتغير، وما عاينزة أظن  
فيها بس هي اتكلمت معاه ومزاجه طوالى التغير.

إيمان: العقربة، السوسة حالي حذرتها بس ما بتتوب.  
آمنة: والله يا إيمان ما قادرة أضحك بس الحصول حصل خلاص، وفعلاً دي  
ما نهاية الحياة زي ما قلتني بس هو اختار كدا خلاص، الليلة حأرجع بيـت أمي  
وطبعاً بتكون زهـجـتـ منـيـ ومنـ عـمـاـيلـيـ.

إيمان: عـيـبـ عـلـيـكـ خـالـتـيـ زـينـبـ كـانـتـ بـتـتـمـنـيـ إـنـكـمـ تـعـيـشـوـ مـعـاـهـاـ عـدـيـلـ، بـسـ  
أـسـامـةـ شـافـهـاـ شـيـنـةـ فـيـ حـقـهـ، اـسـيـ كـنـتـوـ حـتـكـونـوـ حـلـوـيـنـ.  
آمنة: كان بـسـ خـلاـصـ كـلـ شـيءـ اـنـتهـيـ.

في اللحظة ديك اتصلت ريماز بـإـيمـانـ وـطـلـبـتـ منـهاـ تمـشـيـ تـلـاقـيـ محمدـ  
الـدـكـتـورـ الـكـانـ بـتـتـعـالـجـ عـنـدـهـ، لـأـتـهـ طـلـبـ يـلـاقـيـهاـ وـكـالـعـادـةـ رـيمـازـ ماـ عـنـدـهاـ غـيرـ  
إـيمـانـ، وـهـيـ وـافـقـتـ، بـسـ بـرـضـوـ كـانـ شـاغـلـةـ بـالـهـاـ بـمـوـضـوـعـ آـمـنـةـ، وـصـحـبـتـهاـ  
طـمـنـتـهـاـ إـنـهـ ماـ تـشـيلـ هـمـ وـلـوـ فـيـ خـيـرـ فـيـ عـلـاقـتـهـاـ مـعـ أـسـامـةـ ماـ حـيـنـفـصـلـوـ  
بـإـذـنـ اللـهــ. إـيمـانـ رـسـلـتـ رسـالـةـ أـحـمـدـ إـنـهـ طـالـعـةـ مـعـ رـيمـازـ مشـوارـ مـنـ دونـ  
تـفـاصـيـلـ المـشـوارـ، وـأـحـمـدـ ماـ اـسـتـلـمـ الرـسـالـةـ.

-إـيمـانـ وـرـيمـازـ اـتـلـاقـوـ وـهـمـ مـاـشـيـنـ فـيـ الشـارـعـ-  
-آـهـاـ المـرـةـ دـيـ حـنـلـاقـيـ الدـكـتـورـ وـيـنـ؟ـ  
-تـعـرـفـيـ مـاـ نـفـسـيـ أـلـاقـيـهـ.

-لية في شنو احكي لي؟

-متذكرة مزمل؟ التافه بقى يهددني، المشكلة إنه أصلاً ما كان بتجمعني  
بيه علاقة قبل كدا، دا غير إنه ما عندي نفس لأي علاقة قريب لا عرس لا  
حب.

-يهددك في شنو؟ دا مجنون؟ وما فتحتي فيه بلاع؟

-العرفتو من الدفعة إنه الولد دا سمعته كعبة وممكن يعمل أي شيء،  
والخوف يعمل شيء في دكتور محمد لو عرف إنه عايزة تقدم لي.  
-قومي أرح مركز الشرطة يا بت، ولا أقول ليك أرح للدكتور أول نلاقيه عشان  
بس وعدتني وما حلوة تخلفي وعدك كدا.

-إيمان افهميني أنا ما عايزة يصيبه ضرر بسببي، في حاجات كتيرة بتمنعي  
إنه أوقف بيه أولهم اسمه زي اسم أخي المرحوم، ولو وافتقت ودا احتمال  
ضئيل جداً إلا كان تجربة.

-تجربة؟ الزواج ما للتجربة نهائي، دي مؤسسة كبيرة ولازم تدخلني فيها  
بإرادتك وكونك رافضة الموضوع دا طيب خير وبركة بس ما تدخلني فيها  
كتجربة خالص.

- طيب، محمد متصل على حأعتذر ليه بطريقة لطيفة كدا ونمسي نفتح بلاع  
في مزمل على قولك.
- اسمعني ما ترفضي الموضوع نهائي خليه يديك فرصة وإنك حاليا ما  
مستعدة بس.
- دا كلامك؟ طيب خير.

\*\*\*

مررت شهرين مما آمنة وأسامه اختلعوا وقتها كانت في بيته أبوها بس المرة  
دي كانت مختلفة وقوية شوية ومواصلة في شغلها عادي صح حاولت كم مرة  
تعذر لأناسة وهو كان رافض أي تواصل معاه وبعدها تركته للله، وقتها أسماء  
حسن بالذنب بعدما شافت حالة أخوها واعترفت ليه إنها أصلًا ما كانت  
بتحب آمنة وعملت الموضوع دا كله عشان تخرّب بينهم، أسامه ما صدق  
العملتو أخيه وقدر شنو هي ممكن تكون ضرت علاقته بزوجته، وكان عايز  
يطلع يخلّي لهم البيت بس أمه اترجمته يقعد وما يطلع وإنه هي حتمشى بذات  
نفسها تعذر لأنمه وتجييها بس أسامه رفض الموضوع وقال لأنمه إنه هو

الحيمشي ويسوق معاه أخته وهي الحتعتذر بالرغم من إنه آمنة بpresso  
غلطت في حق أسامة وقت شكت فيه.

بعدما مزمل اتقبض عليه ريماز حست بالآمان وإنها مرتاحه نفسياً منه  
وبتقدير تتنفس بحرية بعد دا. أما أمل كدا تمت التلاتة شهور ورجعت  
السعودية ووعدت إيمان إنها لو لقت طريقة حتجي ومعاه هبة يحضرن عرس  
ريماز وولادتها مرة واحدة. بعد أسبوع أسامة وأمنة اتصالحوا وأحسن من  
أول وعلاقتهم بقت أقوى، واكتشفوا نقاط الضعف بينهم وعالجوها مع  
بعض واتفقوا إنه مشاكلهم تاني تفضل بينهم وما في داعي أصحابهم يعرفوا  
بيها وأسرار بيتهم تفضل جوا بيتهم وبينهم الاتنين بس، وكمان آمنة ونبراس  
علاقتهم مع بعض بقت سمحه ولطيفة. في صباح الأحد البشوش السعيد  
أسامة جاء يصحي زوجته للشغل: أمنة الكسلانة، صباح الخير، ما ماشة  
الشغل الليلة؟

-قدري، اسبقني بطلع بعدين أنا ما بقدر اسي.

-قدري؟ غريبة نايمة لسه عشان كدا بتهلوس، طيب قومي للصلاة.

-قلت ليك بصلبي بعدين.

أُسامَة وَهُو بَحْرُ الْبَطَانِيَّةِ عَنْهَا: مَتِينٌ قَلَّتِ لِي؟ وَمَا فِي شَيْءٍ اسْمُهُ بَعْدِيْنْ  
قُومِي سَرِيعٌ.

آمِنَةٌ قَعَدَتِ فِي السَّرِيرِ: أَوْه يَاخ، حَاضِرٌ طَيِّبٌ، صَبَاحُ الْخَيْرِ.  
-صَبَاحُ النُّورِ، يَلَا عَلَى الصَّلَاةِ سَرِيعٌ أَنَا مَاشِي أَحْصُلُ الْمَسْجَدَ لَوْ طَالَعَة  
مَعَاهِي خَلِيلَكَ جَاهِزَةً.

آمِنَةٌ صَلَتْ وَجَهَزَتِ الشَّايِ وَلَبَسَتْ وَلَمَنْ أُسَامَةَ رَجَعَ لِقَاهَا جَاهِزَةً حَتَّى الشَّايِ  
جَاهِزٌ شَرِبٌ وَطَلَعُوا سَوَا فِي الشَّارِعِ.

-فِي الْمَكْتَبِ لَمَنْ وَصَلُوا وَبِدُو الشَّغْلِ فَجَأَةً الْبَابِ ضَرَبَ-  
آمِنَةٌ: يَا هَلَا اتَّفَضِلِي.

نِبَرَاسٌ: صَبَاحُ الْخَيْرِ يَا مَهْنَدِسَاتِ.

إِيمَانٌ: صَبَاحُ النُّورِ بَاشْمَهْنَدِسَةِ نِبَرَاسٍ.

نِبَرَاسٌ: جَبَتْ لِيْكُمْ خَرْطَةً ظَرِيفَةً تَعَالَوْ نَشْتَغِلُ عَلَيْهَا سَوَا، وَالْبَاشْمَهْنَدِسَةُ  
فَاطِمَةُ عَنْدَهَا اجْتِمَاعُ الْلَّيْلَةِ مَطْلُوبٌ حَضُورُكُمْ كَمَانٌ.

إِيمَانٌ: يَا سَلَامٌ حَمَاسٌ شَدِيدٌ، تَعَالَيِ اقْعُدِي هُنَا، وَالْاجْتِمَاعُ عَنْ شَنُو؟

نبراس وهي ماشة تقعد في النص بينهم ردت: ما عندي فكرة للآن تكون عن آلية الشغل عموما، الأهم من كدا المدير حيجي برضو وحيداً  
السـ12:00ـ ساعة ظهراً.

آمنة: كويس حلو طيب إن شاء الله كل خير.  
في الوقت دا جاء أسامة داخل شايل ملف في يدو وهو بيضحك عشان  
شاغلوه برا إنه داخل مكتب زوجته، سلم عليهم: يا باش نبراس كيفك، عندي  
تقرير سنوي شغال فيه وعايز أربطه بالجداول الزمنية للمشاريعنا الاشتغلناها  
السنة دي، فلو بتقدري تنجزيه وترفعيها لي في الجهاز تكوني ما قصرتي  
وضروري تشغليه قبل الاجتماع.

نبراس: باش أسامة أسي شغالة أنا في حاجة مهمة برضو، شوف معماري  
تاني.

آمنة: هاتو يا أسامة بشتغلو ليك.

أسامة: إنتِ الزيت ذاتو والله، طيب يلا سريع نص ساعة بتكتفيك مش؟  
آمنة وهي بتقلب في الملف: ما تشيل هم، الشغل دا بسيط بنتهي في تلت  
ساعة كمان أو أقل.

أسامة: يا سلام عليك، يلا عن إذنكم يا بشوات.

في تمام السـ 12:00 ساعه ظهرًا بدأ الاجتماع وكانت الأجندة الفي  
مراجعة شغلهم على أربعة أرباع في السنة، ووضعوا خطة العام الجديدة،  
وناقشوا شغل العام الماضي عموماً والتطورات الحصلت لهم، وأدواتهم زيادة  
في المرتبات، وطلعوا منه السـ 02:00 ساعه ظهرًا وهم مبسوطين جداً.  
- زيادة المرتبات دي أحلى حاجة حصلت الليلة في الاجتماع.  
- فعلًا والله.

إيمان وهي بتعالين في ساعه يدها: كان مفروض يكون الليلة عندي موضوع  
مع الدكتور السـ 12:00 ساعه ظهرًا بس يلا الزمن فات تاني إلا الأسبوع  
الجاي السـ 08:00 ساعه صباحًا.

- جادة وليه ما أخذتِ إذن طيب، بالغتِ ياخ.  
- الشغل شغل يا زولة، والحياة الخاصة موضوع تاني.  
- قوللي كدا سمح لحدني ما يحصل ليك الحصول لي.  
- تفيها عليك الله، والله الحمل دا متعب وصعب جداً تخسري طفل بعد  
التعب دا، وادعى لي بس.  
- عشان كدا أحسن تتبعي مع الدكتور كوييس.

أثناء ما هم واقفين كداً أَحمد جاء مستعجل: إيمان اجهزي وأرج المستشفى سريعاً.

-عافية في شنو؟

موعدك نسيتي؟

- الزمان فات لكن!

-الزمن فات لكن!

-بالله أنا اتصلت للدكتور أسي وطلبت منه ينتظراً للساعة 3:30 في البداية رفض بس اقتنع.

-ركبو تاكسي واتجهوا على المستشفى.

-لیه ما ذکرتینی قبیل؟

-وَالْجَمَاعَ؟

-بِاللَّهِ؟ دَا عَذْر لِيْكِ، عَارِفَةُ الذِّكْرِ نَمَوْ؟

-منو؟ بعدين كفاية إنت موجود عشان تهتم بي.

-ولمن أموت حيهم بيـكِ منو؟

بعد عمر طويل إن شاء الله، بس لمن تموت أو موت أنت بالأول، وأنا  
أعترف كيف أهتم بروحني.

وصلو المستشفى في الزمن ودخلو طوالى وعملو الفحوصات والدكتور قال ليهم إنه الجنين وضعه كويس، لكن إيمان دمها تعان وكتب ليها فايتمينات، وسألها عن زوجها لو معاها وعن شغله فردت ليه، وطلب منها إنه تكلمه يدخل، إيمان في البداية اترددت لأنه خايفه الدكتور يقول لأحمد حاجة في صحتها وأحمد يمنعها من الشغل، بس تاني اتشجعت وكلمتاه، بعدما دخل وسلمو على بعض الدكتور اتكلم معاه: يا باشمهندس الجنين وضعه كويس، بس زوجتك وضعها الما كويس لازم تبعد كل بعد التعب والإجهاد، والشهر، ودي الأدوية الكتبتها ليها، وخليها تحافظ على صحتها مش دا أول جنين ليكم، وأنت عشان اتصلت بي من شغلك وطلبت مني انتظر حبيت أقابلك شخصياً وأطمئنك، بس لازم تتبع معاها عشان صحتها.

أحمد: كلامك صح يا دكتور، المشكلة إنها عنيدة ومصرة تشتعل وشغلنا غير إنه في الجزء المكتبي في الميداني المتعب فعشان كدا حامنعوا بس.  
إيمان لروحها: "ترم ترم دكتور الهناء والسرور، آها جبتها لنفسي براي"  
الدكتور: وكمان شغالة؟  
أحمد: الأحسن إنها تأخذ إجازة.

الدكتور: لو بتحافظ على أكلها وصحتها وبقت بعيدة عن شغل الموضع  
وركزت على شغل المكتب تكون أفضل ليها، وعادي ممكّن تواصل عشان  
ماتدخل في حالة اكتئاب من قعاد البيت ساي، وحاليا إنت عارفة فضل ليكِ  
كم للولادة مش قلت عايزه عملية حأحدد ليك تلاتة تواريخ واختارى واحد  
منهم.

إيمان: حأحاول إني أحافظ يا دكتور إن شاء الله، مع أنه الموضع ما فيه تعب  
ومشاكل، بس تقارير ميدانية، لكن لمن يجي يوم الاختيار حنختار أنا وأحمد  
سواء إن شاء الله.

آمنة وأسامي بعد ما رجعوا البيت لقو أسماء منتظرة أسامي عشان تودعه أنها  
راجعة الداخلية، واتجهت لآمنة: عايزاك على إنفراد ممكّن؟

- اتفضلي طالي.

- اعفي لي، أنا حاولت بكل الطرق إني أتقبلك بس عشان أسامي أخوي، لكن  
والله ما قدرت أحبك خالص بتمنى لمن أرجع القى نفسي جد حبيتك بتمنى  
كدا شديد.

- أنا عارفة حاجة زي دي، بس يشهد الله أنا حبيتك وبحبك عشان حبك  
لأخوك، بس حأقول ليك حاجة نحنا في حياتنا ما بنكره زول خالص، يمكن

نحن نكره تصرف، ويمكن أسلوب وما أظني اتعاملت معاك بطريقة تانية غير الاحترام، كرهك لي دا يا أسماء وهم اتلحق ليك في رأسك، بس إنت حاوي اتخيليه ما في، دا غير إني ما حأجبرك إني تحبيني زي ما أنا بحبك تمام؟ أخدي راحتك، اقري كوييس عشان تبقى دكتورة كبيرة وربنا يوففك لينا كمان. أسماء ابتسامة خفيفة وردت ليها: تسلمي يا آمنة.

بعدها طلعت ودعت أمها وأبوها، وكلمت أسامة إنه يوصلها المواصلات البتدوتها للداخلية حقتها.

إيمان تمت التسعة شهور وفي يوم 7 / ديسمبر السـ12:30ـ ساعة ظهراً كانت عمليتها والوقت داك أحمد ما حضرها بسبب ظرف طارئ حصل ليه وكان زعلان شديد على الحاجة دي بس صحباتها ما قصرت معها، ولدت بت وسمتها "نقاء" البنية كانت حلوة وصغيرة ما شاء الله عليها، في يوم سماعيتها بعد ما الناس طلعوا أحمد دخل على إيمان يتونس معها وهي طوالي حكت ليه: ما بتعرف كوركت قدر شنو وأنت بعيد مني، ما خفت إلا البنج يفك ويكونو معاي ناس وأتكلم وأهلوس بيـكـ.

أحمد وهو ماسك يديها: أعفي لي، صح كنت بعيد بس كنت في بالي دائمًا،  
وعد في المرة الجاية إن شاء الله أي شغل حاصلصوا من بدري، وبعدين  
تهلوسي بي شنو، ياخ أنا صاحي مجنون بييك ومجنون في حبك.

- هو فيها مرة جاية تاني غيرها ما دايرها ربنا يخليها لينا بس.

- إن شاء الله ح تكون نقاء زي نقاء أمها وإيمانها.

- إنت يا أحمد هو في كتار زيك في السودان؟ ولا أنا محظوظة بييك أنت  
بس؟

- والله لو في ما بعرف بس شكلو حظك بي أنا، لكن أنا الحظي بييك.  
نقاء عمرها بقى خمس سنوات، خمس سنين آمنة وإيمان فتحوا شركتهم  
الخاصة وكانت يا داب في بدايتها وعملوا شراكة أسامة وأحمد.

خمس سنوات وأحمد وإيمان استقلوا بذاتهم وبنوا بيتهما الخاص وعندهم  
بتين نقاء وحياة، أما عن باقي الشلة فشذى بعد رهف جابت عمر، والمفاجأة  
ريماز اتزوجت دكتور محمد وربنا قسم ليها بت واحدة وسمتها رضا، هبة  
اتزوجت زميلها في السعودية وما في واحدة قدرت تحضر العرس غير أمل  
ولدها ماجد، أما عن آمنة فكان عندها إبراهيم وإيمان.

للتواصل مع الكاتبة:

Email: Marmermohammed@gmail.com

تَمَتْ بِحَمْدِ اللَّهِ.